

# ВИЛЬЯМ ШЕКСПИР

---

ТАНЛАНГАН АСАРЛАР

Беш жилдлик

*Бешинчи жилд*

Тошкент

Фафур Фулом номидаги Адабиёт ва санъат нашриёти

1985



# ҚИШ ЭРТАГИ

ЖАМОЛ ҚАМОЛ  
таржимаси

## ИШТИРОҚ ЭТУВЧИЛАР:

Леонт — Сицилия қироли.  
 Мамиллий — Сицилияниң ёш шаҳзодаси.  
 Камилло  
 Антигон } Сицилия аъёнлари.  
 Клеомен  
 Дион  
 Поликсен — Богемия қироли.  
 Флоризель — унинг ўғли, Богемия шаҳзодаси.  
 Арзидам — богемиялик амалдор.  
 Кари чўпон — Ҳижронанинг тутинган отаси.  
 Декон — унинг ўғли.  
 Чўпонниң — хизматкори.  
 Автолик — дайди.  
 Матрос.  
 Зинданчи.  
 Гермиона — малика, Леонтнинг хотини.  
 Ҳижрона — Леонат ва Гермионанинг қизи.  
 Паулина — Антигоннинг хотини.  
 Эмилия — сарой хоними, Гермионанинг маҳрами.  
 Мопса } чўпон қизлар.  
 Доркас

Сарой аҳли, хизматкорлар, хос  
 маҳрамлар, қозилар, маскарабозлар,  
 чўпонлар, чўпон қизлар. Хор қиёфасида  
 чиқадиган Замон, Воқеа қисман Сицилия, қисман  
 Богемияда кечади.

## БИРИНЧИ ПАРДА

### БИРИНЧИ САҲНА

Сицилия. Қирол Леонт саройида меҳмонхона — зал. Қамилло билан Архидам кирадилар.

#### Архидам

Қамилло, мен бу ёққа келганимдек, сиз ҳам давлат хизмати юзасидан, биз томонларга қадамранжида этсангиҳ, Богемиямиз билан сизнинг Сицилиянигиз ўртасида қанчалар тафовут бор, деганимга ўзингиз ишонч ҳосил қиласиз.

#### Қамилло

Менингча, бу ёз Сицилия қироли Богемия қиролига жавоб ташрифи буюради.

#### Архидам

Биз сизни у қадар муносиб кутолмаймиз, аммо айбимизни меҳру самимият билан ювишга ҳаракат қиласиз, токи...

#### Қамилло

Сиздан ўтиниб сўрайман...

## Архидам

Ҳа, ҳа, ишонаверинг, мен бор гапни айтяпман: биз сизни шу қадар ҳашамат; шу қадар нафосат, шу қадар... нимайди... фасоҳат билан қабул қилолмаймиз, Фақат майи-ноб, бодаю мусалласлар билан бошингизни сархуш этишимиз мумкин — токи, шармандаю шармисор бўлганимизни билолмагайсиз, мақташингизку даргумон, лекин таънаю дашном ҳам қилолмагайсиз.

## Камилло

Чин юракдан инъом этилаётган нарсага шунчалар қиммат ҳақ тўлаш не ҳожат.

## Архидам

Онт ичаманки, мен сизга бурчим ва идроким буюртанини айтдим.

## Камилло

Сицилия қиролининг Богемия қиролига муҳаббати бекиёс. Улар болаликда бирга ўсишган. Ўша аёмларда илдиз отган дўстликлари ҳамон чечак ва япроқ ёзади. Аъло ҳазратлар балоғатга етишдилару давлат ташвишлари уларни бир-биридан айирди-қўйди. Кўришиб туриш имкониятидан маҳрум бўлсалар-да, лекин бир-бирларига совға-салом, нома-пайғомлар юбориб, элчи-сафирлар жўнатиб, орадаги дўстликни эъзоз-сарафroz қилдилар. Улар айрилиқда ҳам айрилмай, олис масофалар оша бир-бирлари билан қўл сиқишиб туришиди. Ўртадаги денгиз ва қуруқликларга қарамай, бир-бирлари билан қучоқлашиб юришди, илоҳим, мана шу меҳру оқибатларига осмон барор бергай.

### Архидам

Менингча, бу муҳаббатни гарон этадиган куч оламда йўқ. Тангри шаҳзода Мамиллий сиймосида сизларга битмас-туганмас давлат ато этди. У кела-жакда аломат ишлар қилишига ишончимиз комил. Мен умримда шундай бир нодир ўғлонни сира учратмаганман.

### Камилло

Оре, рост. У ажойиб ўғлон. Мамлакатимиз фуқаролари унга термилиб тўйишмайди, ҳаста кўнгилларга у мадор бағишлайди. Ҳаттоки, унинг таваллудига қадар ҳассага таяниб юрганлар ҳам унинг камолини кўриш йишиёқида яна яшасам, дейди.

### Архидам

Шаҳзода туғилмагандан, улар ўлимга рози бўлишармиди?

### Камилло

О, албатта, шунга ўхшаш бирор илинж уларни ҳётга боғлаб турмас экан, улар ўлимни афзал деб билишарди.

### Архидам

Эҳтимол, қиролингиз шундоқ бир ўғил кўрмагунча, улар қўлтиқтаёқда бўлса ҳам яшаб туришни маъқул кўришарди.

(Кетишади.)

## ИККИНЧИ САҲНА

Ўша жой. Саройда бир зал. Леонт, Гермиона, Мамиллий, Поликсен, Камилло ва хос маҳрамлар киришади.

### Поликсен

Хуллас, ўша сира тиниб-тинчимас дехқон  
Тўққиз карра тузди янги ой байрамини —  
Биз тарк этиб ватанимиз сарҳадларини  
Олис йўлга азми сафар этгандан буён.  
Бунда бизга кўрсатилган меҳмоннавозлик  
Шарафига шунча муддат таҳсин айтсак оз.  
Бўйнимизда қарзи-ниёз қолур билъасос.  
Бас, ўнг ёққа дарж этилган биттагина нуль  
Рақам салмоғини ўн бор оширганидай,  
Бизнинг ушбу «яна бир бор ташаккур»имиз  
Айтгандаримизни тағин зиёда қилгай.

### Леонт

Бу гапларни хайри-хўшга асраб қўйингиз.

### Поликсен

Биз эртага тонготарда жўнаб кетамиз.  
Бир оз ташвишдамиз, ахир, ўтди шунча вақт.  
Қалай, осоиишми бизнинг мулки-мамлакат?  
Магар унда бизни қарши олмасми бўрон?  
Ўндоқ эса — насибайиз бўлур пушаймон.  
Кейин, гапнинг рости, аъло ҳазратларини  
Толиқтириб қўйдик, анча қийнадик.

### Леонт

#### Асло!

Мен сен уйлагандек заиф эмасман, оға.

Поликсен

Мен жўнашим керак.

Леонт

Тағин бир ҳафта холос!

Поликсен

Эртагаёқ жўнаймиз.

Леонт

Иўқ, баҳсни бас қилиб,  
Иккимиз бир муросага келайлик, оға.

Поликсен

Кел, яхиси, ижозат бер, йўлдан қолдирма.  
Ҳеч ким, сендан бўлак ҳеч ким кўндира олмас  
Шундоқ шитоб билан мени ўз даъватига.  
Рози бўлар эдим, балки қабул қилардим,  
Хоҳишингда агар қатъий зарурат бўлса.  
Подшоҳим, изн бергил, энди қистама!  
Гар салтанат ташвишларин унутсак тамом,  
Дўстлигимиз офат бўлур бизга бегумон.  
Бизлар бунда меҳмон бўлиб кечирган кунла,  
Сизлар учун ташвиш, балки даҳмаза бўлар.  
Шунинг учун — ижозат бер, кетай, биродар!

Леонт

Нима, тилдан қолганмисиз магар, маликам?  
Бир нима денг, ахир!

## Гермиона

Шоҳим, кутаётирман,  
 Эртагаёқ жўнайман, деб онт ичишини.  
 Қизғин эмас, совуқ сизнинг ўтинчларингиз.  
 Айтмайсизми ахир, бугун ҳабар олинди,  
 Богемиянгизда бари осойишта, деб —  
 Шунда балки сўз тополмай, жимжит қолурди.

## Леонт

Ҳа, чиндан ҳам бу сўзларинг ҳақ, Гермиона!

## Гермиона

Майли эди, гар ўғлимни соғинидим, деса,  
 Ҳеч ким моне бўлмас, сўзин иккى қилмасди.  
 Шундоқ десин, биз ҳозироқ кузатамиш, бас,  
 Ҳатто урчуғимиз билан уриб, жўнаб қол, деймиз.  
 Лекин сўраш бўлса — сўраш бошқача бўлсин:  
 Вақтингиздан эваз беринг бир ҳафта, шоҳим!  
 Менинг эрим борар экан Богемияга,  
 Майли, мудатидан бир ой зиёда юрсин.  
 Ҳолбуки шу дунёда ўз ёстиқдошини  
 Менча севиб-ардоқловчи аёл бўлмаган,  
 Ҳа, Леонти севганимдек. Хўш, қоласизми?

## Поликсен

Йўқ, маликам.

## Гермиона

Йўқ, қоласиз, дедим қоласиз.

### Поликсен

Мен, тўғриси, қололмайман.

### Гермиона

Вой, бу нимаси!

Бошқа бир гап топинг, ушбу баҳонангиз бўш,  
 Қасамингиз кучи балки юлдузга етар,  
 Лекин мен «қоласиз!» дедим. Демак қоласиз,  
 Аёл азми эркак инон-ихтиёридан  
 Кам эмас-ку ахир. Айтинг қандоқ кетасиз?  
 Агар ундоқ эса, сизни соҳиб ихтиёр —  
 Меҳмон эмас, балки асир ҳисоб этамиш.  
 Кетишингиз учун катта товон тўлайсиз?  
 Уч юз карра ташаккур. Хўш, энди не дейсиз?  
 Асиримисиз, меҳмонмисиз? Ўзингиз танланг —  
 Биттасини.

### Поликсен

Маликам, мен меҳмонингизман.

Асир бўлиб, сизни таҳқир этмоғим қийин,  
 Ундан кўра, сиз ўлимга буюринг мени.

### Гермиона

Ундоқ эса, мен ҳам сизга зинданчи эмас,  
 Муруватли бекаман. Хўш, ҳикоя қилинг  
 Эрим билан кечган ёшлиқ давронингиздан.  
 Унда орангизда, дейман, қанчадан-қанча  
 Шўхлик ила бебошликлар ўтгандир?

### Поликсен

Ўтган.

Ҳа, маликам, Леонт билан ўсдик иковлон  
 Тоигниң шомга етганини сезмай, беармон.

Бугунни эртадан зарра этолмай ажрим,  
Болаликни туганмас бир даврон деб.

Г е р м и о н а

Эрим —  
Ишонаман! — бебошликка бош бўлган фақат.

П о л и к с е н

Биз, маликам, худди эгиз қўзичноқлардек  
Сакраб-маъраб ўйнашардик майсазорларда.  
Маъсумликни алқар эдик маъсумлик билан,  
Алдов нима, риё нима, билмасдик асло.  
О, агарда худди шундоқ яшаб доимо,  
Билмасайдик қоннинг тошқин галаёнини,  
«Бегуноҳ!» деб танитардик худога ўзни,  
«Бўййимизда фақат журми таваллуд — гуноҳ».

Г е р м и о н а

О, қоқиниб тушдингизлар кейин, шундоқми?

П о л и к с е н

Ха, васваса қилди шайтон, лекин кейинроқ,  
Бу кейинроқ бўлди пича, мунаvvар бекам!  
Ўша маъсуд, унutilмас йилларда эса  
Ҳали маъсум гўдак эди менинг рафиқам,  
Сизнинг ўша гулғунчадек жамолингизни  
Ҳали кўрмаганди жўрам.

Г е р м и о н а

Тўхтанг, кифоя!  
Назаримда мени ва ўз маликангизни

Шайтонга тенг қўймоқчисиз, ҳай-ҳай демасам,  
 Майли, давом этаверинг. Бас, шундоқ экан,  
 Биз айбимиз учун жавоб бермоққа шаймиз.  
 Не қилайлик! Иккингизни гуноҳга қўйдик,  
 Биз туфайли айрилдингиз мусаффоликдан,  
 Лекин гуноҳ қилмадингиз бошқалар билан!..

Леонт

Хўш, рақибинг энди таслим бўляштими?

Гермиона

У қолади.

Леонт

Менга эса қолмайман деди.  
 Сен ҳеч қачон шундоқ ёниб сўзламагансан.  
 Шундоқ ажиг шиддат билан.

Гермиона

Йўғ-ей! Наҳотки!

Леонт

Ҳа, ҳеч қачон. Аниқроғи, фақат бир марта.

Гермиона

Бундан чиқди, икки марта бўлган экан-да,  
 Биринчиси қачон бўлган, айтақол дарҳол.  
 Мен кутаман доим мени мақташларини,  
 Мақтасалар, семираман худди ғоз каби.  
 Унутаманким: яхши-яхши ишдарим сўзлаб,

Мени баъзан силаб-сийпаб турмоғинг керак!—  
 Жумла эркакларга шундоқ маслаҳатим бор:  
 Ўпич билан ўттиз тошга юрмоққа шаймиз,  
 Дағал қистов билан лекин силжитолмайсиз.  
 Иккинчи зўр ишим — уни қолдиришимдир,  
 Биринчиси нима? Уни бажардим қачон?  
 Айта қолгин, ёриламан лекин шу замон!

## Леонт

Биринчи бор сен иноят айладинг ошкор,  
 Мени роса уч ой сарсон-саргардан этиб,  
 Аммо лекин охирида «жоним» деб атаб,  
 Оппоқ билак чўзиб яшиаб этгандинг нидо,  
 «Мен умрбод сеникиман!» дегандинг.

## Гермиона

## Аъло!

Демак, икки карра роса иш кўрсатибман —  
 Биринчи борида — подшо эрга етибман,  
 Иккинчи борида — дўстга.

(Поликсенга қўл чўзади.)

## Леонт

(четга)

## Жуда ошуфта!

Ошуфта дўстликдан келар ошуфта севги.  
 Оҳ, юрагим дукуллайди... Юрагим ўйнар...  
 Бу нашъян бахтдан эмас, бахтдан эмас, йўқ...  
 Еки самимият, илтифотдан туғилган,  
 Тасодифан пайдо бўлган ўйинмикан бу?  
 Ўйин бўлса, қандай қўрқинч ўйиндир, ехул!

Е бўлмасам мени хаёл алдамоқдами?  
 Иўқ бу қиё боқишлиар, бу туташган қўллар,  
 Бир-бирига чип-чирманиб олган бармоқлар,  
 Бу ўзаро табассумлар ва бу ярадор —  
 Ииртқичнинг сўнг нафасидек учган ҳўрсиниқ,  
 Иўқ, беролмас бу ўйинга юрагим бардош,  
 Фазабимни важоҳатим айлаб қўяр фош,—  
 Мамиллий, сен ўғлиммисан?

### Мамиллий

Ҳа, ҳукмдорим.

### Леонт

Менинг тентагимсан. Нега бурнинг бўядинг?  
 Дейдиларки, ўхшаш эмиш бурнимга бурнинг.  
 Фу, капитан мунча исқиранд бўлиш нимаси,  
 Ўзингизни пок-озода тутинг, капитан.  
 Шоҳли ҳайвон — буқа, бузоқ топ-тоза бари!  
 Хўш, бузогим! Айт-чи, менинг бузогиммисан?

### Мамиллий

Ҳа, подшоҳим, истасангиз, бузоғингизман.

### Леонт

Ўхшашлигимизни агар кўрсинглар, десанг,  
 Сен шоҳ чиқаришинг лозим. Бекордан-бекор  
 Гап сотишар, иккимизни ўхшашади, деб.  
 Бу хотинлар сафсатаси, уларга осон —  
 Ўйдирмалар тўқиб сотиш, лекин бари бир  
 Улар уйдирмаси ҳатто сувдан, щамолдан.

Ясама қош-киприк, ҳатто бўяма сочдан,  
Бирвларнинг бойлигига кўз олайтирган —  
Қиморбознинг соққасидан сохта бўлса ҳам,—  
Чин, гап шуки, бола менга, ўзимга монанд.  
Хўш, яқинроқ кела қолгини, ўғлоним, қани,  
Кўзларимга тикил мовий кўзларийиг билан,—  
Менинг болагинам! Ўғлим! Менинг зурёдим!—  
Наҳотки у? Наҳот энди ўша ўрғочи...  
Рашк ханжари, санчиласан юрагимга, оҳ!  
Бўлмас ишни бўлади, деб тушни, рўёни  
Кўз олдимда ҳақиқатга айлантирасан.  
Билолмайман, шунча ҳукми қудратинг қайдан?  
Бағишлайсан гира-шира шарпага келбат —  
Тамом, одам ҳалок бўлур. Пуч мавҳумотдан  
Аллам бало ясад, унга берасан умр.  
Мия заҳарланур, ақл офатга тўлур...

## Поликсен

Қирол нега хаёл суреб қолди?

## Гермиона

Не бўлди?  
У ташвишли кўринади

## Поликсен

Нима гап, шоҳим?  
Нима бўлди, биродарим?

## Гермиона

Кайфингиз учиқ,  
Ранжигандай кўринасиз, менинг соҳибим.

### Леонт

Йўқ-йўқ, нелар демоқдасиз! Табнат гоҳо  
 Назокату нафосатдан тўйинниб андак,  
 Қаттиққўллик кўчасидан излайди эрмак.  
 Мен ўғлимга термилгинча худди шу асно  
 Болалигим осмонига учдим хаёлан,  
 Йигирма уч йил нарига қилдим саёҳат.  
 О, у кунлар мен ҳаттоки иштонсиз эдим,  
 Ўнар эдим тўқ зангори бахмал нимчада,  
 Ярқиради мўъжаз кумуш ханжарим белда.  
 Тирнамасин учун уни тўрланган эди,  
 Ахир ўйинчоқ ҳам баъзан хавфли бўлади!  
 Қараб туриб ўйладимки, мен ҳам ўшанда  
 Увоққина шу болага, шу қўнғизчага,  
 Шу кичкина шумтакага ўхшарканман-да.—

(*Мамиллийга*)

Хўш, азамат дўстим! Ўсиб камолга етсанг,  
 Ранжу ҳақоратга нечук жавоб қиласан?

### Мамиллий

Подшоҳим, мен жанг қиласман!

### Леонт

Шунақа дёгин!

Ажаб саодатли эрур қисматинг сенинг!  
 — Ҳа, дарвоҷе, биродарим, айтинг сизга ҳам  
 Ворисингиз, ўғилчангиз шундоқ ширинми?

### Поликсен

Ҳа, биродар мен уйимда бўлсан у менга  
 Дунёдаги ҳамма нарса, севинч ва фироқ,

Ташвиш ўша тасаллийи даврон ҳам ўша,  
 Дўсту душман ўша аскар, аъён ҳам ўша,  
 Унинг билан ёз куни қиши кунидан қисқа.  
 Болаликнинг тамом сеҳру сафосидир у,  
 Мени оғир хаёллардан халос этгувчи.

## Леонт

Худди шундоқ менинг кичик баҳодирим ҳам.  
 Биз, тушуниб ишларингиз мұхимлигини,  
 Четланамайз, токи сизга етмасин халал.  
 Гермиона олиймақом меҳмонимизга  
 Мен учун լутф айлаб күрсат муруватингни.  
 Сицилия ўлкасида не азиз эҳсон.  
 Ҳаммасига эга бўлсин бирдек беармон.  
 Сен ва ўғлимдан сўнг менга азиздан азиз  
 Шу биродаримдир.

## Гермиона

Биз боққа борамиз. Шоҳим сиз келасизми?  
 Кутайликми?

## Леонт

Бораверинг истаган ёққа,  
 Сизни ер остидан ҳатто топишим тайин.

(Четга)

Овчи айёр ва муғомбир, қушчалар ғофил,  
 Тўру тузоқ қўйилгандан улар бехабар.  
 Бор, бора қол, қушим!

(Поликсен ва Гермionанинг ортидан кузатиб)

Қаранг, тумшуқчасию  
Лабларини уялмасдан чўзар у томон.  
У ошкора шундоқ нозу карашма билан  
Эрни адаштирмоқ бўлар.

Поликсен, Гермиона ва хос маҳрамлар,  
Мамиллий кетишади.

Кетишди тамом.

Менга йирик ўзок қўндириб кетишди аммо...  
Ўйна, болагинам, ҳозир онанг ҳам ўйнар.  
Мен ҳам ўйнаяпман, лекин менинг ўйиним,  
Муқаррар бир ҳалокатдир, муқаррар ўлим,  
Масхараю хуштак сўнгги насибам бўлар.  
Ўйна, болам, ўйна! Ёки даданг, гирт нодон,  
Ёки уни жаҳаннамга итарар шайтон.  
Эвоҳ, фақат менми? Балки шу дақиқада  
Ўз ёрини қучайтирип неча бор овсар.  
Севар ёри боягина бошқа кимсага  
Лутфу карам этганидан эса бехабар.  
Бехабардир, у эшикдан чиқиши билан  
Ен қўшниси ўзини шу эшикка урган.  
Ва бегона бир ҳовузда балиқлар овлаб,  
Истаганча роҳат қилган, айшини сурган.  
Тасалли шу фақат, кўплаб дарвозаларни  
Қанча маҳкам бекитмагил — бари бир очиқ.  
Гар хотининг хиёнати номуусга қўйса,  
Ҳар учтадан бири ўзни осарди аниқ.  
Лекин илож қанча! Қай бир машъум сайёра  
Далла бўлиб разолатга етақлар фақат.  
Ҳаволарни разолатдан заҳарлар ўша,  
Ҳукмидадир шимол, жануб, мағриб ва машриқ.  
Хулоса шу, қоринни сен бекитолмайсан:  
Ман этганинг ғанимни у эшикдан қўяр,

Фанимати билан кейин қўйиб юборар.  
Менга ўхшаб не эркаклар бетоб, касалманд  
Аммо лекин бехабардир ўзлари.— Ўғлим,  
Нима дейсан?

М а м и л л и й

Дада, менга кўплар айтишган,  
Сен дадангга ўхшайсан деб..

Л е о н т

О, бу қандай баҳт!—  
Камилло, сен шундамисан?

К а м и л л о

Шундаман, шоҳим.

Л е о н т

Сен-чи, болам, бора қолгин энди, ўйнагин.

М а м и л л и й кетади.

Олий меҳмон қарор қилди қолмоққа охир.

К а м и л л о

Подшоҳим, қўндиридингиз уни ҳайтовур,  
Аммо лекин кўп талашди.

Л е о н т

Сен пайқадингми?

К а м и л л о

Ҳа, кетишим зарур, дея сўровингизга  
Худди қардек қулоқ осмай түрди,

Леонт

Ха, түгри.

(Четга)

Пайқашибди... Ивир-шивир авжида балки:  
 «Қиролимиз ундоқ...» Тағин авжланур ҳали,  
 Мен бу чигил, тош тугунни ечмагунгча то!—  
 Камилло, у не сабабдин қолди сенингча?

Камилло

Марҳаматли маликамни раңжитмай деди.

Леонт

Нега энди «марҳаматли?» Малика, холос.  
 «Марҳаматли» деган номни қозонмоқ даркор.  
 Ҳа, дарвоқе, борми яна соҳиби идрок,  
 Пайқаганларингни жилла пайқай олган зот!  
 Сен баласан, идроклисан, дарров сезасан.  
 Анави тош тўнкалардек меров эмассан.  
 Соддадиллар қараб туриб, кўрмади лекин  
 Ҳозир бўлғанлардан фақат бир-икки киши  
 Сезди, дейман, нима дейсан бунга, Камилло?

Камилло

Подшоҳим, нега фақат бир-икки киши?  
 Ҳамма билди: меҳмонимиз қолади.

Леонт

Нима?

Камилло

Меҳмонимиз қолади.

Леонт

Хўш, нега қолади?

Камилло

Сизни; яъни сизнинг олий рафиқангизни  
Хурсанд қилмоқ учун.

Леонт

Аҳа, мана гап қайдай!

Рафиқамни хурсанд қилмоқ учун. Кифоя!  
Камилло, мен сенга очдим, сенга инондим  
Қалбимни ҳам, салтанатим асрорини ҳам.  
Тавба қијган бир гуноҳкор каби қаршиングда  
Дардим айтиб юрагимни бўщатиб олдим.  
Лекин сенинг пок виждонинг ила алдандим,  
Пок виждон деб атаганинг алдади мени.

Камилло

Шоҳим, нелар демоқдасиз, худо сақласин!

Леонт

Инсоф билан айттандашчи, бир беномуссан,  
Чунки, номус елкасига қадайсан ҳанжар.  
Ҳақиқатни чалғитасан, адаштирасан.  
Қани, менга айт-чи кимсан: бепарво бир қул?  
Е бўлмасам, жиноий бир ифлос ўйинни  
Ширин ҳазил деб аташга шай турған нодон?

Камилло

Шоҳим, бунга тайин жавоб бериш им мушкул.  
Эҳтимолки, қўрқоқдирман, балки бепарво.

Эҳтимолки, аҳмоқдирман, дунёда зеро,  
 Беайб парвардиғор. Яна кўп ҳолларда-чи,  
 Қўрқоқлигу аҳмоқликка бўйсунар киши.  
 Аммо, лекин сизнинг бирор ишончингизга  
 Мен бепарво бўлган эсам — ўта ҳамоқат.  
 Ҳамоқатлигимки — ақли қосирмана фақат.  
 Агарда-чи бирор ишда шубҳа-андиша  
 Туғдирувчи қўрқоқликка йўл қўйган эсам,  
 Бу қусурдан холи эмас, донишмандлар ҳам.  
 Ҳукмдорим, бу шундайин бир қусурларки,  
 Ор-номусни фориғ тутиш улардан маҳол.  
 Бироқ саҳв-хатойимни билмоқ истайман,  
 Айтинг, ўша гуноҳимни юзимга солинг,  
 Қўзларим то кўр бўлмаса номус-уятдан,  
 Демак, зарра гуноҳим йўқ.

### Леонт

#### Жим бўл, Камилло!

Бунда нелар кечганини наҳот кўрмадинг,  
 Таҳқир этилганимни сен сезмадинг наҳот?  
 Ё бўлмаса, кўзойнакни, кўрмаслик учун  
 Қорайтириб таққанмисан бурнингга, ҳайҳот?  
 Еки эшиитмадингми, а — шу аён гапни;  
 Миш-миш ғийбат қўярмиди — ўйлаб кўрсайдинг,  
 Тушунардинг, ўзни мундоқ нодонга йўймай,  
 Хотинимнинг менга қилган хиёнатини  
 Ярамас қул, соҳибингга қалтираб онт ич,  
 Каллам, миям, кўзим, балки қулоғим йўқ, деб.  
 Ё бўлмасам, хотинимни қанжиқ деб ата.  
 Тўйдан олдин иффатини топшириб қўйган  
 Суюқоёқ, бузуқ дея атагил уни.  
 Гапир, мен ҳақ әмасманми?

### Камилло

#### Қасам ичаман,

Бирор кимса подшоҳимнинг маликасини  
Шундоқ маломат этганда қўймасдим омон.  
Ё худойим, мен ҳеч қачон, сиздан қачон  
Шундай номуносиб сўзни эшитмагандим,  
Кимки уни такрор этса — гуноҳи азим.

## Леонт

Хўш, бўлмаса шивирлашмоқ гуноҳ эмасми?  
Юзни юзга, лабни лабга суйкамоқ нима?  
Кулгу орасида сирли хўрсинмоқ нима?  
Хўш, хиёнат деган бундан ортиқ бўлурму!  
Суқилишиб, бир-бирининг пинжига кириб,  
Оёқ чалиштиришига ҳам шундоқ шай туриб,  
Ва фалакдан илтижолар айлаб, оҳ уриб,  
Қани, тезроқ кундуз тунга эврила қолса,  
Соат-лаҳза бўлса, деган ичикишлар-чи?  
Ҳамманинг олдида кўзни уриштиришлар,  
Хўш, бу аён бузуқилик бекорми барӣ?  
Үндоқ бўлса, шу муқаррар олам-жаҳон пуч,  
Пучдир ўша парвардигор, қодири қаҳҳор,  
Беҳудадир — хотиним ҳам, Богемия ҳам!  
Ўзим пучман, мулки олам дегани бекор!

## Камилло

Подшоҳим вақт борида бу тимқоронғу —  
Хаёлларни нари ҳайданг, бўлишсин бадар,  
Ахир, бунинг оқибати — хатардир, хатар.

## Леонт

Айтчи, мен ҳақ эмасманми?

## Камилло

Подшоҳим, асло.

### Леонт

Йўқ, мең ҳақман, алдаяпсан мени, Қамилло!  
 Эй, сен, қўрқоқ алдоқчи, эй шум, хиёнаткор,  
 Қимга хизмат қилмоқчисан — қани, айта қол!—  
 Эзгудикками ё фаҳшу разолатгами?  
 Хотинимнинг қони унинг ҳаёти каби  
 Шундоқ ифлос, шундоқ жирканч, палид бўлсайди,  
 Аниқ гапки, бир соат ҳам яшай олмасди.

### Қамилло

Уни йўлдан оздирган ким бўлдийкин?

### Леонт

Уша—

Богемия қироли. Ҳал Қирол, ўшанинг ўзи.  
 Бўйнига нақ қўл солгудай бўлиб фоҳиша,  
 Ундан айрилгиси келмас, суйканар нуқул.  
 Агар бўлса эди содиқ хизматкорларим,  
 Бу савдога аллақачон қўярди нуқта.  
 Сен баковулбошим, сени ўз қўлим билан  
 Гадоликдан шу рутбага кўтарганман то,  
 Ҳасрат-надоматларимни кўриб турибсан,  
 Ерга боқиб, бор нарсани кўргандай само —  
 Унга заҳар бериб, ишни осон айлагил,  
 Уни ҳалок этиб, менга дармон айлагил!

### Қамилло

Подшоҳим, ишни ошкор этмаслик учун  
 Аста таъсир айлагувчи оғу берайин.  
 Аммо бу гапларга жилла ишонмоқ қийин,  
 Иффат-диёнатда шундоқ ибратли бекам  
 Наҳот шундоқ бўлса. Ахир, бир ўйлаб кўринг.  
 Сизга меҳрим баланд...

## Леонт

Бўлди, чўзма, Камилло!  
 Уйлайсанки, мен жйиниман ёки бир пасткаш,  
 Уз ёриға маломатни кўргувчи раво?  
 Бир пастарин — уйқу-ором бағишилагувчи  
 Уз тўшаги поклиги ва ҳалоллигини  
 Лой-балчиққа қорган, балки тиканлар билан  
 Нина, жуволдизлар билан ёпган бедаво?  
 Уйлайсанки, ўз ўглимнинг волидасини,  
 Уз ёримни бехудага этаман таҳқир?  
 Наҳот шунчак жоҳил бўлсам, шунчалар басир?

## Камилло

Не ҳам дердим, ишонаман сизга, ҳукмдор.  
 Богемияликни гумон этаман аниқ.  
 Лекин ўша даф бўларкан, рафиқангиздан  
 Меҳр дарир тутмагайсиз... Ўғлингиз ҳақи!  
 Сиз бўз билан кесардингиз ғийбатларни ҳам,  
 Бўхтонни ҳам.

## Леонт

Маслаҳатинг маълум, Камилло.  
 Мен ўзим ҳам истамасдим бу шармандалик  
 Эл ичига ёйилсаю, овоза бўлса.

## Камилло

Шоҳим, энди боққа кириб, уларга учранг,  
 Очиқ чехра билан, ширин табассум билан.  
 Худо шоҳид, агарда мен ўз қўлим билан  
 Унинг косасига заҳри-қотил солмасам,  
 Майли, ишончингизга мени номуносибман!

## Леонт

Фақат шуни' бажар, ёлғиз шуни бажо эт.  
Бажо этсанг, юрагимнинг ярми сеники.  
Бажармасанг, юрагингни оларман юлиб.

## Камилло

Онт ичаман, шоҳим.

## Леонт

Хайр, мен энди борай.  
Айтганингдай мен уларга учраб, ўзимни  
Қувноқ, сертакаллуф қилиб кўрсатай.

(Кетади.)

## Камилло

Алам!

О, нақадар, алам! Эвоҳ, шўрлик маликам!  
Ҳой, Камилло, ҳукмдорнинг ҳукмин бажо қил!  
Қабоҳат қил, жиноятчи қотил бўла қол!  
Пасткашлигинг учун сени кўтармоқчи у!  
Подшокушлик қилиб шону шуҳрат қозонган  
Минглаб ному насабларни билганимда ҳам,  
Мен бу ишни қилмас эдим, қилмасдим асло.  
Ҳолбуки у қотилларнинг шум қилмишидан  
Ёдномадек бирорта тош, мармар сўзламас  
Қисматлари — унутилиш, сафолатдир, бас.  
Иўқ, бу ердан қочиш керақ, қочиш вассалом!  
Бажо этсам — умр бўйи виждан ўч олар,  
Бажармасам — қирол олур қасос, интиқом.  
Ўзинг паноҳ бўлгин менга, толе юлдузим:  
Богемия подшоҳи келмоқда.

Поликсен киради.

Поликсен

Ажаб!

Үзи қол, деб қистадию үзи хафаҳол.  
Бир оғиз ҳам сўз қотмади.— Салом, Камилло!

Камилло

Салом, аъло ҳазратлари.

Поликсен

Нечук хабарлар?  
Саройда не янгилик бор?

Камилло

Қарийб ҳен нима,

Поликсен

Қирол хуноб, севимли бир вилоятидан  
Еки азиз қўргонидан бўлгандай жудо.  
Биз эшикда тўқнаш келдик, мен салом бердим,  
Алик олиш қайдা, ҳатто боқмади қиё,  
Ўтиб кетди қаршисига тўкилганича,  
Лабларида таҳқирли бир киноя ўйнаб,  
Гўё таклиф этди менга чигал бир жумбок,  
Ечиш мушкул.

Камилло

Сабабини айтишим қийин,

### Поликсен

Қийин? Демак, биламану айтишим қийин?  
 О, мен сиздан ўтинаман, этингиз ошкор.  
 Ёки сизга аён бўлган ўша асрорни  
 Айтишингиз жоиз эмас, айтолмагайсиз,  
 Айтолмайсиз ҳаттоки ўз-ўзингизга ҳам.  
 Хўш, нима гап? Камилло! Ҳа, рангингиз ўчди.  
 Юзингизда мен кўзгудек кўраман аён  
 Менга тегиши гап борлигин аниқ, бегумон.

### Камилло

Ҳа, иллат бор, ҳаммамизни этгувчи абгор.  
 Аммо уни айтолмайман, айтарман фақат,  
 Уша иллат сизни паноҳ тутмишдир, ҳазрат,  
 Гарчи соппа-соғсиз.

### Поликсен

Мени тутмишми? Иллат?  
 Нима, кўзим аждаҳонинг кўзи эканми?  
 Қарашларим инсонларга қайғу-аламмас,  
 Севинч — иқбол келтиргани аён. Ажабо!  
 Мен биламан, Камилло, сиз, олижанобсиз,  
 . Бу фазилат сизга наслу насабдан эмас,  
 Билим билан тажрибадан келган шубҳасиз.  
 Сиздан ўтинаман, агар менга дахлдор  
 Бирор нарса бўлса, уни айтингиз дарҳол,  
 Ҳа, уни сир тутманг бундоқ сукут сақламанг!

### Камилло

Айтолмайман!

### Поликсен

Мен иллатнинг ўчогиманми,  
 Гарчи соппа-соғман! Менга айтишинг даркор,

Хой, Қамилло, эшитдингми? Сендан сўрайман,  
 Подшолисим — шу рутбани унвоним ҳақи,  
 Ор-номусинг ҳақи, менга жавоб бергайсан —  
 Менга таҳдид этар нечук оғат-фалокат?  
 Ўша оғат қайда? Магар яқинми, йироқ?  
 Уни радди бадал этса бўлмасми ҳамон?  
 Гар бўлмаса, курашмоққа йўқмидир имкон?

Қамилло

Майли, Сўрадингиз мендан ор-номус ҳақи,  
 Ор-номус соҳибига бераман жавоб.  
 Шоҳим, менинг айтганларим бажо айлангиз —  
 Дарҳол! Йўқса, иккимиз ҳам бўлурмиз хароб.

Поликсен

Хўш, Қамилло, айта қол.

Қамилло

У менга буюрди...  
 Сизни заҳарлашни.

Поликсен

Ким — у?

Қамилло

Қирол.

Поликсен

Нимага?

Қамилло

У ўйлар, йўқ у кўп оғир қасамлар ичар  
 Шу осмони муборакни ўртага қўйиб,

Зино қылғанмишсиз бизнинг малика билан,  
Үзи беихтиёр шунга күмаклашганмиш.

### Поликсен

Зино қылғанмишман! Менга күмаклашганмиш!  
Ундан кўра томиримда чирисин қоним,  
Оlam аро ҳоин дея аталиб номим,  
Шараф эмас, мурданинг шум қўланса ҳиди  
Атрофимда юрсин, менга дуч келган дамлар —  
Нақ ўлатдан қочган каби қочсий одамлар.

### Камилло

Хатто осмондаги ҳар бир юлдуз йомига  
Қасам ичсангиз ҳам — фойда бермас қасамлар.  
Денгизни ҳеч қуруқлиқка эвириб бўлмас,  
Худди шундоқ, шоҳимизни қуршаган жунун  
Фақат унинг умри билан тоғажак якун.

### Поликсен

Қандай қилиб бу фикрга борибди қирол.

### Камилло

Билмадим, яхшиси ҳозир фурсат борида  
Бу балойи ногаҳондан қочмоқлик даркор.  
Муҳокамаларга машғул бўлишдан не ҷаф.  
Агар ишонсангиз сидқу садоқатимга,  
Ўтина маи, ҳамроҳ қилиб олинг мени ҳам,  
Сизга гаров бўлсин менинг умрим, ҳаётим.  
Ҳаялламай бугун тунда қочайллик. Үзим —  
Маҳрамларинигизни воқиф этгайман, кейин  
Тайиҳ йўлдан денгизга ҳам бошлиб бораман.  
Яхши бўлур икки-икки чиқсак шаҳардан,

Менга Сицилия ёри бегона энди,  
 Сизникиман, сизнинг содиқ маҳрамингизман.  
 Аждодларим номусига қасам ичаман;  
 Елғон гапирмадим, бари айтганларим чин.  
 Лекий яна гувоҳ, далил сўрар экансиз,  
 Кутолмайман, иккимиз ҳам бўлурмиз ҳалок —  
 Қирол сизни айламишдир ўлимга маҳкум.

### Поликсен

Сенга ишонаман. Унинг юэу кўзидаи  
 Менга ҳамма нарса аён. Сен бундан буён  
 Менга йўлчи·даргадирсан энди умрбод  
 Қўл ушлашиб боражаксан мен билан, ионон.  
 Басир жинни! Иономайди шундоқ санамга,  
 Қанчалар кўр эса унинг савдойи рашки,  
 Рашқ ўтида ўзи қанча ёнса худписанд,  
 Маликанинг малоҳати шунчалар баланд.  
 У жаҳолат ичра ёниб хаёл айламиш  
 Ки, мен дўсти келтирибман унга маломат.  
 Шундан қўзимишдир унинг газаби. Даҳшат!  
 Ёраб, сафаримиз бизга омад келтиргай,  
 Ва бегуноҳ маликага баҳш этгай мадад.  
 Камилло, бўл, ошиқайлик; бошлагин мени,  
 Умр бўйи падаримдек ардоқлай сени.  
 Юр, қочайлик!

(Кетадилар.)

## ИККИНЧИ ПАРДА

### БИРИНЧИ САҲНА

Сицилия. Саройда бир хона.  
Гермиона, Мамиллий ва сарой хонимлари киришади.

**Гермиона**

Оҳ, бу шумтакани бундан олинг! — Мамиллий,  
Хадеб сакрайверма, бас қил бошим оғриди!

**Биринчи хоним**

Бирор нима ўйнаймизми, юринг шаҳзодам,  
Аммо лекин қизиқ ўйни.

**Мамиллий**

Йўқ, истамайман.

**Биринчи хоним**

Истамайман?! Нега энди, менинг шаҳзодам?

**Мамиллий**

Шундоқ ўэим. Мени дарров ўпа бошлайсиз  
Ва болага галиргандек сўзлар қотасиз.

## (Иккинчи хонимга)

Мана сиз бўлсангиз, менга кўпроқ ёқасиз.

## Иккинчи хоним

Шунақами? Нима билан?

## Мамиллий

Ўйламанг лекин,

Менга ёқсан у зулукдек қошингиз эмас,  
Гарчи айтишади, қошинг камон бўлсаю  
Қалам билан чизилган ой ўроғи каби —  
Ингичка ҳам бўлса қора бўлгани соз деб.

## Иккинчи хоним

Сизга буни ким айтган?

## Мамиллий

Ким... эслабўлмайман.

Хотинларни солиштириб, ўзим билганман.  
Қошингиз қай тусда?

## Биринчи хоним

Кўм-кўк, азиз шаҳзодам.

## Мамиллий

Ҳазиллашяпсиз, чунки хотин зотининг  
Фақат, бурни кўм-кўк бўлар, қошимас асло,

### Б и р и и ч и х о н и м

Қаранг! Маликамиз қандоқ тўлишиб борар.  
 Фурсат етиб, пайдо бўлур жажжи шаҳзода.  
 Биз ҳаммамиз кейин унга хиэмат қиласми.  
 Шунда сиз-чи, қошимизга келиб мен билан —  
 Ўйнанглар, деб ялинасиз бизга.

### И к к и н ч и х о н и м

Илойим,  
 Маликанинг эсон-омон кўзи ёрисин.  
 Аҳволига қараганда ой-куни яқин.

### Г е р м и о н а

Ҳой, намунча ивир-шивир? — Бери кел, ўғлим,  
 Мана бунда ўтир. Энди бир оз тузукман,  
 Мен билан бўл. Менга битта чўпчак айтиб бер.

### М а м и л л и й

Қувноқми ё қайгулими?

### Г е р м и о н а

Истаганингни,  
 Иўқ, яхшиси қувноғини айта қол.

### М а м и л л и й

Нега?  
 Қишига ярашади ахир ғамгин эртаклар.  
 Жодугарлар ҳақида бир чўпчагим бор.

Гермиона

Хўп.

Ўтира қол, лекин роса келиштириб айт,  
Ажид уйдирмадар билан ойингни қўрқит.  
Биласан-ку.

Мамиллий

Бир бор экан, бир йўқ экан, бир...

Гермиона

Йўқ, сен аввал ўтири. Балли, энди бошлайвер.

Мамиллий

Қабристон қошида бир гадо яшаркан..  
Эртагимни мен шивирлаб айтайн; ойи,  
Чирилдоқча уйғонмасин тагин, ухлабди.

Гермиона

Майли болам қулогимгә секин айта қол.

Леонт, Аптигон ва сарой аъёнлари киришади.

Леонт

Бандаргоҳга жўнадими? Маҳрамларию  
Камилло ҳам у биланми?

Биринчи аъён

Сайхон ортида

Мен уларни учратдим, то кемаларига  
Етганлари қадар қараб, кузатиб турдим.  
Кўп шошилинч жўнаб кетди меҳмонларимиз!

### Леонт

Мен ҳақ әдим! Ҳаммасини кўриб турувдим!  
 О, кошикйиди, кўрмасайдим, пайқамасайдим,  
 Лаъннатлайман ҳақлигимни, ҳақиқатимни!  
 Май косага агар тushiб, чўкса ўргимчак,  
 Уни ирганмасдан, ҳар ким сипқорар бешак.  
 Лекин ўша газандани қадаҳ остида —  
 Кўриб қолар экан, кўнгил айнайди ёмон,  
 Қусуб, қайд қиласди, ҳамма ичгани ҳаром.  
 О, ўргимчак чиқиб қолди косамдан менинг.  
 О, уларга менинг тахтим, ҳаётим керак.  
 Қул Қамилло ўшаларга айламиш кўмак.  
 Ҳақ эканман, буткул шубҳа-гумонимда ҳақ.  
 Ўз малайим тузлиғимга тупуриб, ҳайҳот,  
 Огоҳ этган хотинимни, Поликсенни ҳам.  
 Аҳмоқ бўлиб қолаверди бу ёқда Леонт,  
 Ҳа, уларга дарвозани ким очиб берди?

### Биринчи аъён

Камилло,— бу, биласиз-ку, эски одати,  
 Ҳар бир фармойиши гўё сизники эди.

### Леонт

Ҳа, бу менга аён, менга жуда ҳам аён.

(Гермионага)

Сен болани топширасан менга. Ҳурсандман,  
 Ки сут эммагандир ўша сенинг сийнангдан.  
 Гарчи, шубҳа йўқки менга ўхшашлиги бор,  
 Лекин унда зиёдадир онанинг қони.

Гермиона

Бу нимади? Ҳазилингми?

Леонт

Олинг болани!

Мамиллийни олиб кетадилар.

Ойисига энди сира яқин келмасин.

Ойисига энди унинг қориндагиси —

Поликсеннинг жойлагани тасалли бўлсин.

Гермиона

Ёлғон! Ёлғон! Улдир, лекин сўзимга ион!

Йўқ-йўқ, ишонишинг қерак!

Леонт

Келингиз ҳамма:

Маликага назар солинг, яхшилааб қаранг.

Шубҳасизки, «гўзал!» дейсиз, ҳақиқий баҳо.

«Афсус, ишопок!» дея яна уни қўшасиз аммо.

Қандай қилиб, шубҳа-тумон қилмаслик мумкин:

Сехру маломатга мафтун бўларканисиз, бас,

Нимасини айтай! Дарҳол ётишар нафас,

Етишар бир совуқ иидо — аламингиз «э-э...»

Ва бошқаси қўллар уни «Ҳа, ҳа, шунақа»,

«Ҳмм, ҳмм», — дейди яна бири. Хўш, айтингиз-чи,

Иффатга дор соладирган шу бўхтонлардан,

Еки шундоқ маломатли сўзлардан кейин

«У топ-тоза, мусаффо» деб айта олур ким?

Тўппа-тўғрисини унга айтай: «Фоҳиша!»

Гермиона

Энг ярамас, кассоб менга шу сўзни айтса,

Бирмас, иккى карра қабиҳ бўларди ўша,

Аммоки сиз, менинг әрим, янгишмоқдасиз.

### Леонт

Йўқ, сиз янгишдингиз, менинг гўзал хотиним!  
Поликсенни Леонт билан эдаштирдүнгиз.  
Сен, шаллақи! Сени яна бошқа ном билан  
Атамоқчи эдим, лекин ҳавотирим бор.  
Кўрқаманки, авом ибрат олиб подшодан;  
Куюшқондан чиқиб кетиб, шоҳу гадони  
Дагал сўзлар билан бирдек камсита бошлар.  
Мен сизларга уни бузуқ, фоҳиша, дедим.  
Айтиб бердим унга яқин бўлган лайнни,  
Ва шуни ҳам билиб қўйинг; менинг хотиним,  
Риёкор Камилло, ўша ифлос қўшмачи  
Хиёнатда айбланурлар давлат олдида;  
У билганин бунинг иқрор этиши мушкул,  
Бунинг розилиги билан қочиб қолган ул,

### Гермиона

Йўқ-йўқ! Сизга онт ичаман ҳаётим билан!  
Ишонингиз ахир, булар бариси бўҳтон.  
Кейин уят-хижолатда қоласиз, шоҳим.  
Кейин қанча, хатойимга иқрорман, деманг,  
Менинг номим, номусимни оқламоқ қийин.

### Леонт

Хатойимга иқрорман! Ҳа, мен хато қилдим!  
Пойдеворни қийшиқ олиб, кўтардим қўргон!  
Энди эътиқодим шуки; олам асоси  
Үйинчоқнинг юкини ҳам кўтара олмае!  
Тез зиндонга солинг уни! Агар кимда-ким  
Финг деса-чи, хиёнаткор аталур бешак.

## Гермиона

Қай бир ёвуз анжум, ёвуз юлдузлар тўпи  
 Бошимизда ёнур. Керак сабр ила бардош,  
 Охир шафқат қилур бизга фалак — бағри тош.  
 Мен хотинлар кўз ёшига ётман, жаноблар,  
 Лекин ҳайҳот агар ўша шабнам ёғмаса,  
 Қўрқаманки, шафқатингиз қуриб қолади,  
 Қайғу мени ўтдан олиб, ўтга солади.  
 Бироқ мен тайёрман. Фақат, қатъий ҳукмингиз  
 Ҳақ ва одил бўлсин худди виждонингиздай.  
 Мен буш эгиб қирол фармонини кутаман.

## Леонт

(соқчиларга)

Мен сизларга фармон бердим.

## Гермиона

Менга ким ҳамроҳ?  
 Аъло ҳазрат, сўрайдирман ижозатингиз,  
 Дариг тутманг, ғарибга бир иноят каби.  
 Ўтинаман, маҳрамларим қошимга қўйинг,  
 Ҳозир парваришни талаб этар аҳволим —  
 Оҳ, сиз, тентакларим! Ииги, кўз ёши нечун?  
 Мен агарда хиёнатчи, осий бўлсайдим,  
 Ва ҳавоии бўлиб, чакки қўйсайдим қадам,  
 Жоиз эди йиғингиз ҳам, кўз ёшингиз ҳам.  
 Қамоқни бир шарофатдек қабул этаман,  
 Хайр, ҳўкмдорим, хайр, сизни ҳеч қачон  
 Ҳафаҳол бир қиёфада кўрмоқчимасдим.  
 Энди эса кўрмоқчиман, кўрмоқ — тилагим.  
 Юринг, азизларим, бизга ижозат бўлди.

### Леонт

Иўқол! Ҳамманг ўша билан даф бўл!

Маликани соқчилар олиб кетишади, улар ортидан Махрам — хонимлар чиқишади.

### Биринчи аъён

Подшоҳим,  
Утинаман, маликани қайтаринг.

### Антигон

Шоҳим,  
Ғазабга эрк берманг, йўқса қаҳрингиз бутун  
Улуғ бир фалокат бошлаб келиши мумкин —  
Биз учун, малика учун, шаҳзода учун.

### Биринчи аъён

О, ҳукмдор, олинг, менинг жонимни олинг,  
Худолар олдида, сизнинг олдингизда ҳам  
Маликамиз мусаффодир, ишонинг лекин.

### Антигон

Шу гап агар рост бўлса-чи, мен хотинимни  
Отхонага қамайман ва ўзимга қўшиб,  
Аравага қўшишга ҳам тайёрман, токи  
Ҳар дақиқа кўриб турай, суйканиб турай.  
Ушанда ҳам ишонишим гумондир, гумон.  
Йўқ, агарда маликамиз алдоқчи бўлса,—  
Хотинларнинг сўзи эмас, ҳар бир нигоҳи,  
Ҳар бир ҳаракати, олган нафаси ёлғон!

### Леонт

Утинаман, қизишманг!

## Биринчи аъён

О, раиятпаноҳ!

## Антигон

Ўзимизга эмас, ахир сизга куямиз.  
Сизни алдамишdir қай бир ярамас, ғаддор.  
Унга лаънат бўлсин! Агар қўлимга тушса,  
Бўйниши шарт узар эдим! Наҳотки наҳот,  
Маликамиз шундоқ бўлса! Учта қизим бор:  
Каттаси ўн икки ёшда, ундан кичиги —  
Ҳадемай тўққизга тўлар, кенжаси — бешда.  
О, ишонинг, эшитганим агар чин бўлса,  
Майб-абгор эта қолай учовини ҳам,  
Улар ворисаларимдир, тоқатим борми —  
Тугилажак ҳароми, шум набираларга.  
Ундан кўра, илдизимни ўзим қирқаман,  
Аямайман, зурёдимни гўрга тиқаман.

## Леонт

Бас, жим бўлинг! Сизлар басир бўлибсиз магар!  
Менинг учун ҳамма нарса кун каби равшан.

## Антигон

Ундоқ бўлса, ҳожат борми гўр қазимоққа,  
Ҳалол номус деган нарса бу дунёда йўқ.

## Леонт

Ҳайҳот! Менга ишонишмас!

## Биринчи аъён

Афзал кўраман

Сизга эмас, ишонишса менга зиёда.  
 Сизга сўзим ёқмас, аммо менга хушёқар  
 Маликамиз ор-номусли бўлса дунёда.

### Леонт

Сизга нима хуш ёқади — ўзингизга тан.  
 Аммо мени сўзлаганда, этманг эътироэ!  
 Баски, сизни муқаррибу маҳрам этнбман,  
 Бу — мендаги раҳмдиллик белгиси, холос.  
 Билмадим, бу гўлликми, ё мугомбирликми  
 Сизни басир этиб, бундай кўрликка солган,—  
 Менга бундай муқарриблар ортиқ керакмас,  
 Тергов, муҳокама, ҳукм ваколатини  
 Ўз зиммамга оламан.

### Антигон

Мен истар эдимки,  
 Сиз яширин бажарсангиз бу ишни, шоҳим,  
 Ва овоза этмасангиз.

### Леонт

Хўш, бу нимаси?  
 Ақлдан оздингми ёки гумроҳлигинг бор?  
 Мен уларга бир боқдиму тамом пайқадим.  
 Бекаму кўст далил учун — уларни энди  
 Фақат иш устида қўлга туширмоқ қолди.  
 Бас, ҳаракат айламоқча айладим қарор.  
 Бироқ шубҳаларга ўрин қолдирмай десанг,  
 Эҳтиёт бўл, кўзларингга ишонма зинҳор,  
 Шошқалоқлик бу ишларда балойи азим.  
 Шу сабабдан мен ҳозироқ киши юбордим  
 Муборак Дельфа, Апполон саждагоҳига,  
 Чопарларим — садоқатли Клеомен, Дион.

Бизга амри-фармойишин айтсин оракул.  
Унинг ҳукми билан балки тиярман ўзни,  
Ё бўлмасам, бир йўлasi этарман адо.  
Хўш, маъқулми?

Б и р и н ч и а ъ ё н

Маъқул, шоҳим.

Л е о н т

Билганим билган.

Тахминларим тасдигига йўқдир эҳтиёж.  
Аммо лекин оракул пок назари билан  
Берсин дейман ноқисларнинг ақлига ривож.  
Ноқисларки, фаросатда басиру басар,  
Очиқ-равшан нарсани ҳам кўра олмаслар.  
Маликани эса банди зиндан этамиш,  
Тока анув қочқинлардан олмасин ибрат.  
Юринг, очиқ-ошкора суд ҳайиц этамиш,  
Бу ҳаммани ҳаяжонга солади албат.

А и т и г о и

(четга)

Оқибатда бўлар экан ҳақиқат ошкор,  
Кулавериб, кулгудан нақ ёрилиш ҳам бор.

Кетишади.

## ИККИНЧИ САҲНА

Сицилия. Зиндан даҳлизи.  
Паулина ва хизматкорлар киришади.

Паулина

Қани бўлинг, менга зинданбошини чорланг,  
Қимлигимни ўнга айтинг,

Хизматкор кетади.

Эвоҳ, маликам!

Бутун Европада сенга муносиб қаср  
Еки сарой йўқдир — бироқ сен зиндандасан!

Хизматкор зинданчи билан қайтади.

Афандим, маълумми сизга кимлигим маним?

Зинданчи

Аслзода, олимақом, шавкатли хоним.

Паулина

Кўришмоим зарур ҳозир малика билан.

Зинданчи

Ҳеч кимсани қўймасликка фармон берилган.

Паулина

Баракалла! Ахир номус ва ҳалолликнинг  
Дўстлар билан кўришмоғи бўлурми жоиз!  
Аммо ўтинаман сиздан, мумкиндир балким,  
Маҳрамлардан биттасини чорлаб берсангиз?  
Майли, қай бирини, балки Эмилияци.

Зинданчи

Бўпти, бошлаб келай сизга Эмилияни,  
Лекин хизматкорларингиз чиқиб туришсин.

Паулина

Сизлар чиқиб туринг.

Хизматкорлар чиқишади.

## Зиндончи

Марҳаматли синьора,  
Мен учрашув чоги бунда бўлишим зарур.

## Паулина

Ихтиёргиз, афандим, тезроқ қимиранг.

Зиндончи кетади.

Мана буни бўёқчилик деса бўлади!  
Оқни қора, ёлғоний чин қўрсатмоқчилар.

Зиндончи Эмилия билан киради.

О, азизим, салом! Айтинг, аҳволлар нечук?  
Қайғуларга қандоқ бардош этар малика?

## Эмилия

Фарёд чекаётир шўрлик бефифон, беун,  
Бундай ишга буюк қалблар қодирдир якка,  
Аммо лекин асоратин кўрсатди ташвиш,  
Муддатидан олдин енгил бўлди бояқиш.

## Паулина

Нима туғди, ўғилми?

## Эмилия

Иўқ, жажжи қизалоқ!  
Қизалоқки, қоши қўзи попукдек, дўмбоқ.  
Уни алқаб, ўпиб, бекам топар тасалло,  
Айтар сўзи фақат: «Шўрлик болагинам, оҳ!  
Иккимиз ҳам зиндондамиз, икки бегуноҳ».

### Паулина

Қиролимиз қилмишини күттарсин вабол!  
 Чин ҳақиқат сўзини у тинглаши лозим!  
 Бу мушкулни аёл киши айлагай бажо,  
 Агар унинг қаршисида тутилса тилим,  
 Қовжирасин! Ҳатто аччиқ ғазаб ичра ҳам,  
 Этолмасин ҳақиқатнинг сўзини изҳор.  
 Утинаман, маликага етказинг алҳол,  
 Ки ҳамиша фармонига ҳозир тураман.  
 Магар бекам боласини менга ишонса,  
 Қизалоқни отасига кўрсатардим мен.  
 Маликани ёқлар эдим бор кучим билан.  
 Қирол мурғак боласига назар ташларкан,  
 Эҳтимолки юмшаб қолар. Биласиз, баъзан  
 Маъсум, мурғак чақалоқнинг унсиз боқиши  
 Ҳар қандайин сўзамоллик сеҳридан баланд.

### Эмилия

Бекам, мардонасиз, мудом олижанобсиз.  
 Ниятингиз йўлдошингиз бўлсин илойим.  
 Сарой ҳонимлари ичра сиздан бўлак ким  
 Бу мушкулни осон этар? Бу ёққа ўтинг.  
 Айтганларингизни бориб хабар қиласман,  
 Бекам ўзи ўйламишди бу ишни аввал,  
 Кимга топширсам экан, деб ташвищда эди,  
 Балки, рад этишар, деган андиша билан  
 Эркакларга бу таклифни айтмолмаганди.

### Паулина

Эмилия, маликага етказинг шуни,  
 Мен тилимга ишонаман, ишончим баланд.  
 Тилим оқил келиб, қалбим тепаркан бардам,  
 Биз муқаррар қайирамиз қайсар қиролни.

## Э м и л и я

Тангри сизни паноҳида асрасин. Кетдим.  
Мен ҳозироқ жавоб олиб қайтаман, кутинг.

## З и н д о н ч и

Маликанинг боласини чиқарар бўлсам,  
Мени омон қўймагайлар, ишонинг, бекам.

## Паулина

Бу жаҳолат! Ахир уни она қорнидан  
Озод этган бирор эмас, қодир табиат.  
Қирол қаҳри-ғазабидан баланд турар у.  
Майли, атанг маликани осий, гуноҳкор,  
Аммо бунда чақалоқнинг нима айби бор.

## З и н д о н ч и

Тўгри, бекам.

## Паулина

Сиз хотиржам бўлинг, сўрайман,  
Бир кори-ҳол бўла қолса — ёрдамга шайман.

Кетишади.

## УЧИНЧИ САҲНА

Леонт саройида бир зал.  
Леонт, Антигон, сарой аъёнлари ва хизматкорлар киришади.

## Леонт

На қундуз, на кеча менда ором-қарор бор!  
Бу изтироб — заифликдир, ожизлик тамом.

Агарда бу аламларта сабабчи бўлган,  
Хотинимни мавҳ этсаму тупроққа қорсан,  
Руҳим таскин топиб, балки олардӣ ором.  
Гарчанд фосиқ қирол бизнинг қасосдан йироқ,  
Лекин менинг қўлимдадир анув фоҳиша!  
Сезаманки ажалга ем бўларкан ўша —  
Фароғатим қайтиб келар қалбимга мутлақ.  
Эй маҳрамлар!

### Б и р и н ч и х и з м а т к о р

Лаббай, шоҳим.

### Л е о н т

Хўш, ўғлим нечук?

### Б и р и н ч и х и з м а т к о р

У кечаси тиниб-тинчиб ётди, ҳукмдор,  
Тез орада тузалади, деган умид бор.

### Л е о н т

О, нақадар номуслидир, покдир бу болал  
Онасининг маломати очилдию, бас,  
Қўз ўнгимда сўниб борди нафас-банафас,,  
Ўйқу билан иштаҳасин тамом йўқотди,  
Фам-андуҳга ботди.— Мени қўя тур бу дам,  
Ўғлим нечук аҳволдадир, хабар ол илдам.

### Х и з м а т к о р кетади.

Қирол хусусида ҳозир ўйламоқ бекор.  
У қудратли ғаним — ундан ўч олиш маҳол.  
Зўр давлатлар бари унга иттифоқчидир.

Бас, интиқом соатимиз ортга сурилур.  
 Аммо лекиң маликани қондирап қасос.  
 Мени лақиллатдим, балки аҳмоқ қилдим, деб  
 Кулаверсии Поликсен шум Камилло билан,  
 Мен уларга қулишни бир кўрсатардим-а,  
 Кўрадиган бўлди энди ёлғиз малика.

Чақалоқ кўтариб, Паулина киради.

### Б и р и н ч и а ъ ё н

Кириш мумкин эмас.

### П а у л и н а

Бизни нари қувмасдан,  
 Ичкаригá киритсангиз, яхши бўларди,  
 Сизга қай бириси қўрқинч, айтинг, жаноблар,  
 Маликанинг заволими, қиролнинг қаҳри?  
 Айтинг, қирол ғазабими азиэроқ сизга,  
 Е бўлмасам, маликанинг шаъни-номуси?

### А н т и г о н

Бас қил, етар!

### И к к и н ч и х из м а т к о р

У тун бўйи мижжа қоқмади.  
 Сизни қабул қилмас.

### П а у л и н а

Тақсир, хотиржам бўлинг!  
 Мен қиролга оромини қайтиб бераман.

Сизлар унинг атрофида соядек юриб,  
У оҳ, чекса, оҳ чекасиз — нечук ухласин?  
Мен эсам-чи, тамкин билан, ҳақиқат билан  
Шоҳниңг қайғу-ҳасратини қувай деб келдим.

### Леонт

Хўш, у ёқда нима шовқин?

### Паулина

Шовқинмас, шоҳим.  
Ким қудағай бўлур сизга деган мазмунда  
Жинданк мунозара қилдик.

### Леонт

А, нима! Нима?  
Йўқол, ифлос! Йўқол! Келган йўлингга жўна!—  
Хой, Антигон, қаёқдасан?— Айтиб әдим-ку,  
Остонамга йўлатма, деб.

### Антигон

Шоҳим, неча бор  
Айтганларингизни унга айладим изҳор,  
Таҳдид қилдим қаҳрим билан; қаҳрингиз билан.

### Леонт

Ҳукминг ўтмадими?

### Паулина

Шоҳим, ҳукми ўтади.  
Таъқиқ этар экан ғарлиқ, беномусликни.

Аммо лекин ору номус ҳимоясида —  
 Токи у ҳам марҳаматли шоҳимга ўхшаб,  
 Хотинини банди зиндан айламас экан,—  
 Менга буйруқ беролмайди, ҳукми ўтмайди.

## Антигон

Шоҳим, кўрдингизми? Узди жиловини, бас,  
 Энди уни отингиздек тўхтатиб бўлмас!

## Паулина

Улуғ ҳукмдорим, менинг арзимни тингланг,  
 Садоқатли чўри бўлиб, содиқ дўст бўлиб,  
 Ҳозиқ ҳаким бўлиб келдим ҳузурингизга,—  
 Йўқ, хушомад айламайман бошқалар каби,  
 Лекин асл ҳақиқатни изҳор этаман:  
 Подшоҳимнинг олижаноб рафиқалари  
 Олампаноҳ ҳукмдорга салом йўллади.

## Леонт

Подшоҳимнинг олижаноб рафиқалари?

## Паулина

Шундоқ, шоҳим! Керак бўлса, юз бор айтаман:  
 Подшоҳимнинг олижаноб рафиқалари!  
 Агар эркак бўлганимда қиличим билан  
 Исбот этар эдим буни.

## Леонт

Йўқол бу ердан!

Паулина

(хизматкорларга)

Яқинлашманг, кўзингизни ўйиб оламан!  
Бор гапимни айтай, кейин кетаман ўзим.  
Олижаноб рафиқангиз — тақрор айтаман:  
Олижаноб — ўша сизга қиз туғиб берди,  
Чақалоқни дуо қилинг энди, подшоҳим.

(Чақалоқни ерга қўяди)

Леонт

Йўқол, шум қўшмачи, ёвуз жодугар, йўқол!

Паулина

Хукмдорим, бехабарман жодугарликдан.  
Яна ўзга кирдикорим — сизга қоронғу.  
Мен қанчалар ҳақ эсам, сиз шунча ноҳақсиз,  
Ноҳақ гумон кўзингизни кўр қилмиш, ёху.  
Бу дунёда ҳалол дея ном чиқармоққа  
Шунинг ўзи бас эмасми, шоҳим?

Леонт

Хоинлар!  
Ҳайданг уни! Олиб кетсин ҳаромисини!

(Антигонга)

Сен, лапашанг, нега оғзинг очиб турибсан!  
Ол, бу ердан ҳаромини, ол, дедимми, ол!  
Олиб, алвастига топшир.

Паулина

(эрига)

Кўлинг тегизма!

Таҳқирланган маликага кимки қўл урса,  
Умр бўйи лаънатларга кўмилур ўша!

Леонт

(Антигонни кўрсатиб)

Хотинидан қўрқади!

Паулина

Оҳ, сиз ҳам агарда  
Жиндак чўчисангиз борми хотинингиздан!  
Шубҳа йўқки, болангизни танир эдингиз.

Леонт

Хоинлар!

Антигон

Мен онт ичаман, хоин эмасман.

Паулина

Мен ҳам хоинмасман, кўкка қасамёд бўлсин!  
Орамизда қирол ўзи — ягона хоин:  
У ўзи ва маликанинг ор-номусини,  
Фарзандлари номусини, шон-шавкатини  
Бекорчи бир уйдирмаца қурбон айлади.  
Ҳа, у истамайди — мана, кўриб турибман,  
Ҳамма ballo унинг, ёвуз қайсарлигида,—  
Ҳақиқатга тик боқишини истамайди у!

## Леонт

Оҳ, сен олашақшाक! Уйда эрингни уриб,  
 Эл олдида хўжайининг чўқиб оласан!  
 Поликсенинг олқиндиси менга не даркор,—  
 Қуриб кетсин онаси ҳам, ҳаромиси ҳам!  
 Иккисин ҳам ўтда ёқинг!

## Паулина

Бу қизингиз-ку!  
 Ўз қизингиз ахир, худди айтганларида:  
 «Шу қадар ўхшашки, боқсанг, кўнглинг айнийди!»  
 Бу сиз ахир, кичрайгансиз ҳажмда фақат:  
 Қўзи, бурунчаси, ҳатто қоши чимириши,  
 Очиқ пешонаси, кейин жилмайиши ҳам,  
 Қўлчалару бармоқчалар — ҳамма-ҳаммаси!—  
 Эй сен, қодир худойимиз, она табиат,  
 Шу гўдакка юрак ато этар экансан,  
 Дунёдаги бор рангларни аяма, ишлат,  
 Фақат сарифини қолдир, сариқ телбалик  
 Сололмасин юрагига бекорчи ҳадик:  
 «Болаларим эримданми, эримданмасми?»

## Леонт

Вой, лаънати!— Эй сен, қари овсар, шу замон  
 Хотинингни оғзини ёп, агар ёпмасайг,  
 Худди дорга осиласан!

## Антигон

Мендақаларни  
 Дорга осаверса агар сўрамай-нетмай,  
 Дунё бўшаб қолади-ку.

Леонт

Ҳайдангиз уни!

Паулина

Иўқ-йўқ, ўша эр деганинг энг пасткаши ҳам  
Шунчалар паст тушмас эди, шунчалар тубаи.

Леонт

Амр этаман, сени ўтда ёқишади, бас!

Паулина

Мен қўрқмайман. Ахир ўтда ёнувчилармас,  
Ўтда ёқишиганлар — элда саналур осий.  
Сизни золим деб аташга тилим бормайди,  
Аммо лекин уйдирмаю бўхтонларингиз,  
Маликага этгай жавру бедодларингиз  
Сизга иснод бўлиб тушар, ўшалар сизни  
Эл наздида золим қилас.

Леонт

Ҳайдангиз уни!

Қимки менга содик эса, уни ҳайдасин!  
Агар золим бўлганимда, тирик турмасдинг,  
Тилингга эрк бермас эдинг шунчалар. Йўқол!

Паулина

(Хизматкорларга)

Яқинлашманг! Бу даргоҳдан ўзим кетаман!—  
Шоҳим, сиз шу чақалоққа бир назар ташланг;

Уз қизингиз ахир.— Қодир тангри Юпитер,  
 Унга ўзинг паноҳ бўлгин.— Қўлингиз тортинг!  
 Хушомадгўйларсиз! Яна эркаклар эмиш!  
 Унга яхшиликни сира кўрмайсиз раво,  
 Ҳа, ҳа, ҳеч бирингиз, Энди, хайр. Мен кетдим.

(Кетади)

### Леонт

Сен бу ёсумани шайлаб келгансан, хоин.  
 Келтиргани қизим эмиш! Даф қил, улоқтири!  
 Агар унга шунча меҳри-шафқатинг бўлса,  
 Олгин-да, ўз қўлинг билан оловга ташла.  
 Бу фахрли вазифани сенга юклайман,  
 Ҳа, ҳа, фақат сенга, бошиқа бирорга эмас.  
 Қани, тезроқ жўна, фармон бажарилди, деб  
 Худди бир соатдан кейин ҳисоб берасан.  
 Ҳа, билиб қўй, айтганимни топ-тоза бажар,  
 Йўқса, ўзинг ва ана у ёсуманингий  
 Балоларга ем қиласман, насибанг — ажал.  
 Жўна! Менга чап беришни аммо ўйлама,  
 Магар чап бермоқчи бўлсанг, айта қол дарров.  
 Токи анув ҳаромини ўзим даф этай.  
 Йўқ! Йўқ! Хотинингни шайлаб келганинг учун  
 Уни ўзинг ўтга ташла. Мана шу—ҳукм.

### Антигон

Менинг сира гуноҳим йўқ.

(Аъёнларга)

Ахир айтинглар,  
 Олижаноб афандилар,

## Аъёнлар

Айтгани тўғри,  
Хотинини қиршига у қўймади.

## Леонт

Елғон,  
Сиз ҳаммангиз алдоқчисиз, риёкорларсиз.

## Биринчи аъён

Сиздан ўтинашимиз, бизга ишонинг, шоҳим,  
Хизмат қилмоқдамиз сидқу садоқат билан.  
Пойингизга бош қўянимиз, сўраймиз сиздан,  
Сизга қилган садоқатли хизматлар ҳақи,  
Ушбу ҳукми-фармойишни бекор қилингиз.  
У жуда ҳам бешафқатдир, ғоят беомон,  
Оқибати даҳшат бўлур, бўлур пушаймон.  
Биз ҳаммамиз ёлборамиз!

## Леонт

Мен сиэга нима,—  
Бир ҳасмидим, шамолларнинг измида юрган!  
Кутайинми, токи ўсиб-униб бир куни.  
Шу ҳароми «ота» дея атасин мени!  
Үндан кўра ҳозир ўтда ёққаним афзал.  
Кейин афсус бефойдадир. Шундоқ бўлса ҳам,  
Майли, ўша яшайверсин. Бўпти, розиман,  
Бари бир ҳам унинг яшаб қолиши гумон.

(Антагонга)

Яқинроқ кел. Сен у доя хотининг билан  
Шу болани қутқармоққа жуда орзуманд.  
Хўш, бу йўлда сен нечук бир хизматга қодир?

## Антигон

Неки қўлдан келса, шоҳим, барига ҳозир!  
 Ор-номусим буюрганий айлагум бажо!  
 Бола омон қолсин, жоним фидо этаман,—  
 Уни нима қутқазади, айтинг?

## Леонт

Айтаман!  
 Аввал менинг қиличимга қасамёд айла!

## Антигон

Қасамёд қиламан шоҳим!

## Леонт

Едингда сақла!  
 Фармонимни бажо айла, бажо этмасайт,  
 Ўлим кутар ўзингни ҳам, хотинингни ҳам.  
 Унинг гуноҳидан, майли, кечдим бир карра.  
 Сенга, хизматкоримизга фармонимиз шул,  
 Бу ҳароми чақалоқни олиб ҳозироқ,  
 Бизнинг мулки-мамлакатдан кетгайсан йироқ.  
 Йўллар босиб, манзил ошиб адир-ла, дацит-ла,  
 Уни тақдир, табиатнинг қўлига ташла.  
 Тасодифдан туғилган у, тасодиф тағин —  
 Үладими, қоладими — ўзи ҳал қилсин,  
 Ол.

## Антигон

Яхшироқ бўлур эди унга минг чандон  
 Гар ҳозироқ ўлдирилса, лекин амрингиз  
 Бажаришга онт ичаман.— Кетдик, болажон.  
 Эҳтимолки, фаришталар икояти-ла  
 Сенга емиш тутар ваҳший қарга-қузгуналар,

Эшигтанман, бўрилар ҳам ўзни унтиб,  
Сендек иорасида жонга муруват қилар.  
Шоҳим, баҳту иқболингиз доим ёр бўлсин,  
Гарчанд бу ишингиз сизга муносиб эмас.—  
Уҳ, бояқиш, ҳалокатга маҳкумсан, нетай,  
Е раб, қисмат ўзи сени ҳимоя этгай.

(Кетади)

Леонт

Бегонанинг қизи менга не керак!

Хизматкорлар

Шоҳим,

Хабар қилишдиким, бундан бир соат бурун  
Дион билан Клеомен қайтмиш Дельфадан.  
Оракулнинг жавоби-ла тушиб кемадан,  
Улар ҳозир пойтахт сари ошиқмоқдалар.

Биринчи аъён

Тезда қайтишибди.

Леонт

Улар кетгандан бўён  
Иигирма уч кечакундуз кечди орадаи.  
Демак, бизга тугал гапни, бор ҳақиқатни  
Ошкор этмоқчилир қодир тангри Аполлон.  
Тайёрланинг! Жам бўлишсин акобир, аъён.  
Токи ўша хиёнаткор хотин туриб шай,  
Жумла эл олдида бир-бир сарҳисоб бергай.  
Уни ошкор айблаганман, қўнгиллар тўлур,  
Муҳокама очиқ, ҳукм ҳаққоний бўлур.  
Менга ҳаёт йўқдир ўша тирик экан то,  
Қани, ҳамма юрсин! Амрим айлангиз бажо!

Кетадилар.

## УЧИНЧИ ПАРДА

### БИРИНЧИ САҲНА

Сицилия портида бир кӯча.  
Клеомен билан Дион киради.

#### Клеомен

Ҳамон кўз ўнгимда ўша яшиаган диёр.  
Мармар ҳаво, чаманзорлар қўйнида танҳо  
Қад кўтариб турган улуғ ибодатхона.

#### Дион

Оппоқ муҳит ичра заррин-зангари тусда  
Коҳинларнинг устидаги жуббаю ридо.  
Ва Аполлон шарафига тоат-адолар,  
Дабдабали қурбонликлар, зикри-самолар,  
Дарҳақиқат, ҳар қадамда буюк тантана!

#### Клеомен

Ҳам оракул-авлиёning қалдироқ каби  
Еру кўкка ларза солган ҳайқириқ саси!  
Мен ўзимни шундай увоқ, ожиз сездимки!

## Дион

Худоларга ялинаман, зиёратимиз  
 Бизга шунча завқу сафо келтирганидай,  
 Илоҳимки, маликага нажот келтиргай,  
 Шунда бу сафарни чиндан сафар дегаймиз.

## Клеомен

Ўзинг уни паноҳингда асра, Аполлон,  
 Гермионани суд қилиш менга хуш эмас.

## Дион

Воқеалар шитоб ила югуришар, бас,  
 Туни қувиб, қабоҳатга чек қўяр замон.  
 Ибодатхона муҳри-ла тасдиқ этилиб,  
 Олий коҳин қўлимизга ўзи топширган  
 Оракулнинг жавобини ўқишар экан,  
 Зулматни нур ёритади албатта, инон.  
 Фурсат етди. Тингла, карнай чалар жарчилар,  
 Неъматини аямасин биздан таңгрилар.

Кетишади.

## ИККИНЧИ САҲНА

Сицилия. Суд зали.  
 Леонт, аъёнлар ва судьялар киришади.

## Леонт

Биз юракда чуқур қайғу-надомат билан  
 Бошлимиз бу ҳукм-ҳакам маъракасини.  
 Қирол қизи, давлатимиз маликасини  
 Қора қилмишлари учун айбдор санаймиз.

Зеро, ҳеч ким бизни энди золим дёёлмас,  
 Ишни олий ҳакамларга топширамиз, бас,  
 Олиб кириңг, ё оқлансан бир йўла ошкор,  
 Еки қораланиб, бўлсин жазога дучор.

### Судъя

Қирол фармонига қўра, малика ҳозир  
 Олий суд олдидага бир-бир жавоб беради.  
 Тинчланинглар!

**Гермиона, Паўлина ва бошқа хос хонимлар  
 билан киради.**

### Леонт

Айномани ўқинг!

### Судъя

(ўқийди.)

«Сицилия қироли, шавкатли Леонт рафиқаси Гермиона, сен давлатга хиёнат қилиб, Богемия қироли Поликсен билан мунофиқона алоқа этишда, Камилло билан тил бириктириб улуғ ҳукмдоримиз олиймақом умр йўлдошинг ҳаётига сунқасд тайёрлашда айланасан ва жавобгарликка тортиласан, шум ниятинг қисман очилиб қоларкан, сен, Гермиона, ўз хотинлик ва фуқаролик бурчингга хилоф ўлароқ, жиноятчиларни тун маҳали қочиб қутулишларига маслаҳат ва амалий мадад бергансан».

### Гермиона

Нима дердим? Қўйилган бу айбларни фақат  
 Алам-изтиробга тўлиб, этажакман рад.

Аммо ҳақлигимнинг тугал исботи учун  
 Бирор гувоҳ кўрсатишим сизларга қийин.  
 «Гуноҳим йўқ!» дейишимдан нима фойда бор,  
 Ким ишонар менга? Сиз-ку, жаноблар, алҳол  
 Самимилигимда риё кўрмоқ бўласиз,  
 Агар одил эса чиндан тангриларимиз  
 Бунга ҳеч шубҳа йўқ! Мусафболик, ҳалоллик  
 Устун қелиб, мағлуб бўлур бу ерда бўхтон.  
 Ҳақ-ҳақиқат ҳақсизликни енгар бегумон.  
 Ҳукмдорим, ўзингизга кундай равшан-ку  
 (Ахир бошқаларнинг бунга нима даҳли бор?)  
 Қанча покдир, покизадир менинг ҳаётим,  
 Илгари у қанча соғу мусаффо бўлса,  
 Эндиликда эса шунча лаънатга дучор.  
 Қайси солномада, эртак ё афсонада  
 Айтинг, топажаксиз яна шундоқ бир мисол:  
 Ки мен подшо қизи, яна шоҳ рафиқаси,  
 Яна азиз шаҳзодага она бўлсаму  
 Суд олдида туриб, бўхтон, уйдирмалардан  
 Номус билан ҳаётимни ҳимоя қилсан...  
 Ҳаётимга ачинмайман. Тириклик — азоб,  
 Уни тарк этишга ҳатто ҳозирман шу тоб.  
 Номусимни мен ҳимоя этгум ҳамиша,  
 Чунки фарзандларга асл меросим ўша.  
 Подшоҳим, изн беринг, виждонингизни  
 Шоҳид этиб, берай сизга бир-икки савол:  
 Ахир, хонадонимизга ўша Поликсен  
 Иззатли бир меҳмон бўлиб келмасдан бурун  
 Менга лутфи-карамингиз зиёда эди.  
 Мен меҳмонни кутарканман, айтинг, не бўлди?  
 Янглишдимми, магар гуноҳ қилиб қўйдимми?  
 Агарда мен номус, ахлоқ доирасидан  
 Чиқиб, зарра маломатга йўл қўйган эсам,  
 Майли, юрагингиз чиндан тош бўлаверсин,  
 Майли, қабр тўпроғимга ўғлим тупурсин.

Леонт

Мен биламан: осий деган беномус бўлар,  
У айини тан олмайди, инкор этади.

Гермиона

Сўзингиз ҳақ, шоҳим, аммо бу ҳақиқатнинг  
Менга не дахли бор?

Леонт

Демак, иқрор эмассан?

Гермиона

Иқрордирман, ҳақиқатдир саройингизда  
Ширинахан, иффатли бир бека бўлганим.  
Яна ҳақиқатдир, олий меҳмонингизни  
Қоидага кўра, иззат-икром қилганим.  
Шоҳим, унга лутфи-карам айладим пича,  
Лекин бари меъёрида, сиз буюрганча,  
Узгача бир муомала этсайдим агар,  
Эҳтимолки, аталардим: кўрнамак, ўжар.  
Хуш келмасди бу сизга ҳам; Поликсенга ҳам.  
Чунки, болаликдан сизга дўсти бокарам.  
Ҳатто бирга-бирга ўйнаб тилингиз чиқсан.  
Мени фитначи, деб қўйган айбингиз бор-ку,  
Шундоқ бир ҳамоқат, шундоқ нодонликки бу —  
Уни не деб аташни ҳам билмайман, рости.  
Лекин биламанки, ўша Камилло чиндан  
Номусли ва ҳалол эди, комил бир инсон.  
Нега қочди, буни ёлғиз худойим билар,  
Бу жиҳати қоронғудир менга, ҳукмдор.

Леонт

Елғон! Ӯшаларга мадад айлаган ҳам сен,  
Бунда қолиб, қулай фурсат пойлаган ҳам сен.

## Гермиона

Шоҳим, сизни тушунмайман, жунунингизни  
Синдиришим қийин менинг, жуда ҳам қийин.  
Майли, ола қолинг, сизга жоним берайин.

## Леонт

Билсанг, сенинг кирдикориинг — жунуним менинг!  
Наҳот, менинг жунунимни қўзғотур наҳот,  
Поликсендан ортирган у ҳароми қизинг!  
Сен ўзингга ўхшаш анув зотларга монанд  
Уятни-ку унутгансан, ҳақиқатни ҳам.  
Иқрор бўлмай, оёқ тираб олиш — бефойда!  
Фармон бердим ҳаромингни улоқтиришга,  
Отаси-ку қочиб қолди, аммо сен эсанг  
Ундан ичча карра қўпроқ осийсан, лайн.  
Бас, адолат буйруғига бўйин эггайсан  
Ва ўлимни мукофот деб қабул этгайсан.

## Гермиона

Менга бундоқ таҳдидингиз беҳуда, шоҳим.  
Улим билан қўрқитмоқчи бўласиз — бекор,  
Ахир ўлим — қутулишdir ҳаётдан, ёху,  
Ҳаёт эса менга — алам, оғриқ ва азоб.  
Мен ҳаётда бой берганим энг олий қувонч —  
Мендан дариф тутганингиз муҳаббат, ишонч.  
Нега дариф тутмоқдасиз, менга қоронғу.  
Яна битта саодатим — ўғлим эди, у  
Амрингиз-ла мендан тামом тўсиб қўйилган.  
Яна битта баҳтим шўрлик кенжа фарзандим,  
Манглайи шўр экан, эвоҳ, толеи забун,  
Мурғак боши билан бугун ўлимга маҳкум.  
Маломатлар тоши билан озурдаман, хор,  
Бола туғиб, бир дам ором-фароғатим йўк.

Она бўлганларга монанд ҳаловатим йўқ.  
 Мени касал ҳолим билан шу совуқ кунда  
 Қошингизга келтиридилар, Айтингиз, шоҳим,  
 Мен ҳаётдан тагин нима кутишим мумкин?  
 Ўша ўлим деганингиз қўрқинчлимикан?  
 Ва лекин мен номусимни ҳимоя эттум.  
 Магар пучак шубҳаларга суюниб ёлғиз,  
 Мени ҳеч далилсиз айбдор этар экансиз,  
 Бу бир зўравонлик, аммо адолат эмас,  
 Шунинг учун ҳукмдорим, сўрайдирман, бас,  
 Бу йиғинда оракулнинг сўзи ўқилсин,  
 Қисматимга ҳакам фақат Аполлон бўлсин.

### Б и р и н ч и а ъ ё н

Менимча, бу жуда тўғри, ҳаққоний тилак.  
 Тангри Аполлон шаънига айтиб санолар,  
 Оракулнинг жавобини ўқингиз.

Суд ҳайъатидан айримлари кетишади.

### Г е р м и о на

#### Отам —

Рус подшоси эди, Агар тирик бўлганда  
 Қизининг бу аҳволини кўриб, ўларди.  
 Қассос қаҳри билан эмас, ғазаб биланмас,  
 Қайғу-алам билан юрак-бағри тўларди.

Суд ҳайъати Дион ва Клеомен билан қайтиб киришади.

### С у д ъ я

Адолатиниг қиличига қасамёд қилинг.  
 Сен, Дион, сен, Клеомен Дельфада бўлиб,

Авлиёмиз оракулдан жавоб олдик деб,  
 Мактуб сурғулланган, маҳкам муҳрли эди;  
 Уни бизга олий коҳин чиқариб берди,  
 Шу муқаддас муҳрни биз сира бузмадик  
 Ва буюк асрорга дахл айламадик деб.

Дион ва Клеомен

(бирга).

Қасамёд қиласмиш.

Леонт

Муҳр бузилсин, мактуб ўқилсин.

Судья

(ўқиади)

«Гермиона — соф, покдоман. Поликсен — бегуноҳ. Ка-  
 милло — содиқ хизматкор. Леонт — рашикчи мустабид.  
 Унинг маъсум гўдаги — қонуний. Иўқотганини топма-  
 гунча қиролда меросхўр бўлмайди».

Аъёнлар

Шукур, даргоҳингга шукур, қодир Аполлон!

Гермиона

Шукур, даргоҳингга шукур!

Леонт

Тўғри ўқидингми?

**Судья**

Ҳа, тўғри ўқидим, шоҳим, аниқ, сўзма-сўз.

**Леонт**

Ўқиганинг тўғри эмас, сўзма-сўз ёлғон.  
Суд ишини тугатмайди!

**Хизматкор** киради.

Кечиринг, шоҳим!  
Марҳаматли шоҳим!

**Леонт**

Галир, нима гап?

**Хизматкор**

Шоҳим,  
Қайғу-алам элчисига ғазаб айламанг!  
Маликанинг қисматига чекиб изтироб,  
Қайғу ва қўрқувга ботган ўғлингиз ҳамон..  
Шаҳзода...

**Леонт**

Хўш, галирсанг-чи!

## Хизматкор

Таслим этди жон.

## Леонт

Ё құдратли фалак! Мендан күрлигим учун,  
Осийлигим учун қасос олур Аполлон!

Гермиона ҳушдан кетиб йиқилади.

Нима бўлди?

## Паулина

Қора хабар айлади адо,  
Ажал фариштаси балки бошида пайдо.

## Леонт

Эвоҳ, оғир зарба! Уни олиб чиқингиз,  
У ҳушига келар. Ҳайҳот, нега инондим  
Сўқир шак-шубҳага! Сизга илтижо этгум,  
Уни қутқаринглар, унга ёрдам берингиз.

Паулина ва хонимлар Гермионани олиб чиқи-  
шади.

Мени кечир, мени кечир, тангри Аполлон!  
Осийлигим учун кечир! Поликсен билан  
Мен тиклайман дўстлик меҳр-оқибатини.  
Рафиқамни маҳбубам деб атайман яна.  
Шавкатли ва садоқатли Камиллодан мен  
Тизза чўкиб, гуноҳимга сўрайман узр.  
Рашк ўтида мен шунчалар ёнибман хунхор  
Ки дўстимни заҳарлашга фармон берибман.

Лекин Қамиллонинг тиниқ ақли, идроки  
 Улим, йиңом қаршисида довдирамаган.  
 У эзгулик билан, тиниқ туйғулар билан  
 Тошар экан, Поликсенга ниятим очган.  
 Бойлик-бисотини ташлаб жұнаган-қочган,  
 Үзни қисмат ўйинига этган ҳавола.  
 Ярқироқ бир олмос әрүр унинг номуси,  
 Менинг кирдикорим эса аяңч, қоп-қора!  
 Унинг қаршисида бутқул қораман, қора!

Паулина киради.

### Паулина

О, нақадар алам! Алам! Йиртинг күйлагим,  
 Бўлмаса, тарс ёрилади ҳозир юрагим!

### Биринчи аъён

Хоним, сизга нима бўлди?

### Паулина

Бағритош золим!  
 Қанча қийноқларинг бўлса, ёғдир, аяма,  
 Дорга тортасанми ёки ўтга отасан?  
 Ёки қовурасан қайнаб турган қозонда?  
 Ҳар бир сўзим қўрқинч азоб-уқубатларга  
 Лойиқ экан, қўлингдан не келарди яна?  
 Рашк ўтида ёниб, қўрқинч бағритошлик-ла  
 Сен бир нодон бола каби кўрсатган ҳунар —  
 Қара, бошлаб келди қандай мудҳиш бир самар!  
 Ўз-ўзингни азроилга тутиб бер, малъун!  
 Бу қилмишинг қаршисида аввалгилари  
 Туси учиб кетиб, тамом ҳеч бўлиб қолди,  
 Сен дўстингни хиёнатда айبلاغан замон

Кўрнамак бир нодон бўлиб қолдинг бегумон.  
Сен иомус ва садоқатга ичкизиб оғу,  
Камиллони қотилликка айладинг қутқу,  
Аммоқи бу қилмишларинг — пуч ва беозор,  
Булар янги жасоратинг олдида — бекор.  
Ўз қизингни қузғунларга ташлаганинг ҳам  
Ҳеч гап эмас,— иблис шундоқ қилмасди гарчанд!  
Қаҳринг билан шаҳзодани ҳалок этганинг,  
Онасини маломатга қўяр экансан,  
Олижаноб руҳи унинг ёш юрагини  
Тилка-пора этгани ҳам — қабоҳат эмас!  
Қабоҳатинг аён бўлди ҳозир, шу нафас;  
Даҳшатли бир қабоҳатким — эй қодир фалак!—  
Қонли ёшлар тўкиб ҳамма йиғлангиз: малак,  
Маъсум малак, маликамиз жон берди ҳозир,  
Лекин, мана, жазоланмай турибди қотил!

### Биринчи аъён

Ўзинг асрса, Аполлон!

### Паулина

Ҳа, маликам ўлди!  
Онт ичаман, ўлди! Агар ишонмасангиз,  
Ичкарида ётибди у, кириб кўрингиз.  
О! Сен унинг танига руҳ, ёноғига ранг  
Лабларига агар нафас бера олсайдинг,  
Тавоғ қилар эдим, қодир тангри деб сени.  
Бироқ пушаймонинг энди беҳуда, жаллод!  
Сенинг қабоҳатингга тенг қайғу топилмас,  
Энди кўмилавер афсус-надоматларга.  
Саждага бош қўйиб, яқкаш оч-у яланғоч,  
Уйқуни тарқ этиб, балки йиғлаб қон ютиб,  
Муз қоя устида, ваҳший бўронлар ичра,  
Ўн йил, йўқ, ўн минг йил тошдек қотиб турсанг

ҳам —

Гуноҳингни тутмагайлар тангрилар маъзур!

### Леонт

Балли! Давом эттири! Қақшат! Бари менга кам.  
Менга камдир, гарчи барча аччиқ таъналар,  
Дашномларни юзларимга ёғдирсангиз ҳам.

### Биринчи аъён

Ҳукмдорнинг ранги бўздек оқарди, етар!  
Гарчи қилган иши унинг — гуноҳи азим,  
Лекин сўзингизда ҳаддан ошдингиз, хоним.

### Паулина

Сиз ҳақсиз, афандим... Тўғри.. Ҳаддимдан ошдим...  
Биласиз-ку хотинларнинг тили югурик!  
Қаранг, қандай туси ўчди, титрайди шўрлик.  
Энди андуҳ чекиш бекор, бўлар иш бўлди,  
Энди нима фойдаси бор! — Таскин топ, шоҳим,  
Хижолатман, шунча таъна-тошларин отдим!  
Мен телбани маъзур тутинг! Сабабики, мен  
Маликани севар эдим жону дилимдан...  
Яна бошлаямман! Аҳмоқ! Бўлди, бас қилдим.  
На марҳума маликани, на шаҳзодани,  
На қизингиз ва на ҳалок бўлган эримни —  
Эсламайман... Энди фақат жим турман, жим!  
Ҳаттоқи бир сўз демайман, шафқатли шоҳим!

### Леонт

Хўб, гапирдинг, ҳаққоний ва тўғри гапирдинг.  
Менга ҳақиқат афзалдир ачинишингдан  
Мени ўғлим, хотинимнинг ёнига бошла.

Бир қабрга қўяй икки азизимни мен.  
 Ва қабр тошига ушбу ўлим сабаби —  
 Маломати машҳаримни ёзib қўяйин!  
 Кейин ҳар кун келиб, унга бошимни қўяй,  
 Надоматлар чекиб, кўздан ёшимни қўяй.  
 Марҳумларим ҳузурига бошлаган мени.

Кетишади.

### УЧИНЧИ САҲНА

Богемия. Денгиз соҳилига туташган тақир саҳро. Чақалоқ кўтариб Антигон ва матрос киради.

Антигон

Биз Богемиянинг совуқ соҳилларига  
 Чиндан етиб келдикми, а? Ишонасанми?

Матрос

Етиб келдик, бироқ яхши соатда эмас  
 Қаранг, кўқ юзида қора булутлар қалин,  
 Яшин ярқирайди. Бўрон бўлиши тайин.  
 Кўнглим сезар, шу чақалоқ қасоси учун  
 Фалак бир балога дучор этмаса дейман.

Антигон

Қойим бўла қолсин қодир фалак фармони!  
 Сен кемага чиқа тур ва менга овоз бер.  
 Мен тезда қайтаман.

Матрос

Тезроқ бўлинг, афандим.

Кўп узоқлаб кетманг яна. Ҳадемай — бўрон.  
Бундай пастқамларда гала йиртқич юради.

### Антигон

Бор, мен чақираман.

### Матрос

Шукур тангриларгаким,  
Шундоқ оғир бир ташвишдан охир қутулдим.

(Кетади.)

### Антигон

Оҳ, бечора, шўрлик бола! Эшитгандимки,  
Мурдалар ҳам тобутидан туармиш, ҳайҳот.  
Бовар этмас эдим аммо ўтган кечаси  
Шубҳа йўқки, маликанӣ кўрдим мен кушод.  
Оппоқ либос кийиб, бекам қошимга келди,  
Утли оҳлар чекарди ва бош чайқар эди,  
Шундоқ қайғу ичра, шундоқ гўзал сувратда  
Мен илгари кўрмагандим бекамни сира.  
Уч карра бош әгдию сўнг шивирлаб секин  
Бир нималар дейишга у уринди лекин,  
Лекин қайғу-алам билан шўрлик бўғилди,  
Кўздан ёши маржон-маржон бўлиб қуйилди.  
Ва ниҳоят, кўз ёшлиарин ютиб деди у:  
«Оҳ, азизим Антигон, сен қасам ичгансан.  
Сўқир, золим қисматнинг шум бўйруғи билан  
Менинг етим гўдагимга бўлурсан жаллод.  
Овлоқ, ваҳший ерлар кўпdir Богемияда,  
Ноласини эшитмагай бир одамизод.  
Доғи ҳижрон, бўлган ўша гўдагимга сен  
Истайманки, Ҳижрона деб исм қўйгайсен.  
Биламанки, гуноҳинг йўқ, лекин зулмга

Хизмат қилдинг, энди шунинг касофатига  
Паулина дийдорини кўролмагайсан»—  
Фарёд чекиб, ғойиб бўлди у гўзал санам,  
Мен қўркувдан эс-ҳушимни йўқотдим тамом.  
Ва ниҳоят, кўзларимдан учаркан уйқу,  
Англадимки, анчайин бир туш эмасдир бу.  
Туш алдоқчи бўлур, менинг кўрганларим чин.  
Пайқадимки, Гермиона бўлмишdir ҳалок.  
Одил Аполлоннинг ҳоҳиш-тилаги шулким,  
Шу чақалоқ — Поликсеннинг сағир зурёди  
Уз отаси тупроғида топсин хоки пок.  
Наргис гулим, осмон ўзи паноҳинг бўлсин!  
Куйдирмажон номинг билан ётгил ёнма-ён.  
Саломат бўл, кўзим, толе ҳамроҳинг бўлсин,  
Ва бўлгайсан тангриларнинг меҳрига нишон.  
Хайр, бўрон қўзғолмоқда! Шўрлигим, хайр,  
Онанг қилмиши деб сени жазолар тақдир.  
Гарчанд кўзларимда нам йўқ, мана, қуп-қуруқ  
Лекин оқмоқдадир қалбим қон бўлиб бу дам.  
Эҳ, лаънатлар бўлсин менга, ўша соатда  
Ақл-идрокимдан ажраб, ичганман қасам.  
Хайр, болам. Қуюқлашиб қора булатлар,  
Кун юзини тўсиб, тундек сиёҳ қилурлар.  
Гувуллашиб оқмон билан денгиз шу палла,  
Етимчамга айтишмоқчи бўлишар алла.  
Кема қани? Шамол мунча учқур бетоқат.  
Тимқоронғу! Нимадир у? Үкирган нима?  
Айик, айик! О, тангрилар, мен ҳалок бўлдим!

*(Айик қувади, Антигоҳ қочади.)*

Чўпон киради.

Чўпон

Ун ёшга тўлиб, йигирма учга етмаганлар яшаб нима  
қилади ўзи. Улар ёшликни ухлаб ўтказса ҳам бўлаве-

ради, нега десангиз, хотинларнинг қорини қаппайтириш, қарияларнинг жигига тегиш, жанжал-тўполон кўтариш ва ўғриликдан бошқа ҳунарлари йўқ.

*(Саҳна ортида овчилар бурғуси чалинади).*

Эшитяпсизми? Шундоқ об-ҳавода ким ов қиласди, ўша йигирма ёшли зумрашалар-да! Иккита қўйимни ҳуркитиб, қочириб юборишиди. Мендан олдинроқ бўрига йўлиқишимаса, гўрга эди. Яхиси, уларни яйдоқ ердан, соҳилдан излаган матьқул. Улар шунаقا жойларни хуш кўришади. Худованди каримлар, менга раҳм қилинглар, ўзингиз соҳиби ихтиёсрс!— Воҳ, нима бу? Ё қудратингдан, чақалоқ-ку! Дўмбоққина-я! Үғилмикан, қизмикан? Оҳ, сен кимнингдир гуноҳига далилсан. Ҳа, бе-савод бўлсан ҳам кўриб турибман, бу иш бирор чўрими ёки оқсоchnинг кўмагисиз битмаган. Баччагарлар ишни ҳойнаҳой зинапоя остидами, омборхонадами битиришган. Ўшанда манави бояқишдек совуқ қотиб дийдирашмаган. Бояқишини олмасам, увол. Ҳа, айтмоқчи, ўғлим қаёқда қолди? Боягина нариёғдан овоз берганди-я. Эҳ-ҳей!..

Деҳқон киради.

Деҳқон

Эҳ-ҳей!

Чўпон

Вой, сен шундамидинг! Қабрда чириб кетганингда ҳам одамлар гап-сўз қилиб юрадиган аломат бир нарсани кўрмоқчи бўлсанг, қани, келавер. Ҳа, нима бўлди?

## Деҳқон

Мен денгиздаям, соҳилдаям шунаقا ҳодисотни кўрдимки, асти қўяверасан! Денгиз деганинг энди денгиз эмас — осмону фалак! У осмон билан шу қадар туташиб кетганки, орасидан қил ҳам ўтмайди.

## Чўпон

Хўш, нима қилибди?

## Деҳқон

Вой, унинг ўкиришини, ўзини қирғоққа отишими кўрсайдинг! Бу ҳам майлику-я, сен анави шўринг қурғурларнинг дод-фарёдини эшитсайдинг! Уларни дам кўкка иргитади, дам пастга отади. Бир боқсанг, кема мачтаси нақ ойга бориб қадалгудек, бир боқсанг, нақ пи-во бочкасига тушган пўкақдай, кўпикка кўмилиб, гиргир айланади. Ердаги аросатни айтмайсанми! Айиқ унинг елкасига тишлигини ғарчча ботириб олгану шўрлик бўлса ҳамон типирчилаб, жон ҳолатда, мени қутқаринглар, деб қичқиради. Антигонман, аслзодаман деб қичқиради. Сўнг анавиларни эрмак қилиш денизиңинг жонига тегди шекилли, бир ямлаб, кемани ютиб қўя қолди. Аслзода бўлса, бирам додлайди, бирам додлайди, уни мазах қилгандай айиқ ҳам қўшилишиб дод солади. Денгиз ҳам, бўрон ҳам бу дод-войни босиб кетолмайди...

## Чўпон

Во дариф, қачон бўлди бу воқеа?

### Деҳқон

Хозиргина! Мен ҳали киприк қоқишигаям улгурганим йўқ. Чўкканлар сув остида ҳали совумаган, айиқ аслзодани ҳали тушуриб ҳам бўлмаган. Ҳамон устида чўққайиб ўтирибди.

### Чўпон

Афсус, бўлмаганим. Қарияга ҳар ҳолда кўмаклашардим.

### Деҳқон

Афсус, бўлмаганинг, илло, чўкаётганларга ҳам кўмаклашармидинг. Кўрардим, қанақасига кўмаклашардинг.

### Чўпон

Аросат, бўлти, аросат! Аммо сен, азизим, бу ёққа бир қара. Сенга ўлаётганилар дуч келса, менга янги туғилган чақалоқ, рўпара бўлиб турибди. Иўргакларини қара — аслзодаларники! Кўряпсанми? Қани, торт, торт! Очавер-чи, нима бор экан? Фаришталар кўнглимга соглан: бой бўласан деб. Мана, қарабсанки, лоп этиб чақалоқни кўндаланг қилишди. Нега қаққайиб турибсан! Очавер!

### Деҳқон

Омадинг бор экан, қария! Агар гуноҳларингни айтмаса, қариган чоғингда бир ўйнаб-куладиган бўлдинг. Тилла! Мана, ҳаммаси — тилла!

### Чўпон

Сенга айтсам, болам, бу — сеҳрли тилла! Ҳа, кўрасан ҳали. Ол, дарров бекит! Уйга, энг яқин йўлдан уйга

чопқилла! Бир омадимиз келди, лекин ҳеч кимга оғиз оча кўрмал Шайтон кўтарсинг ўша қўйларингни. Уйга югур, уйга!

### Деҳқон

Хазинангни кўтариб, ўзинг боравер, дада. Мен қарайчи, айиқ ҳамон аслзода устидамикин, қанчасини еб улгурдийкин. Айиқ фақат очиқканда қўрқинчли бўлади. Агар аслзодадан бирор суюк-тўпиқ қолган бўлса, дафн этаман.

### Чўпон

Баракалла! Магар қимлигини аниқлайдолсанг, мени чақир!

### Деҳқон

Бўпти, кўмишга ёрдамлашасан,

### Чўпон

Бугун кунимиз хайрли келди, болам, уни хайрли ишлар билан якунлаш керак.

Кетадилар.

## ТУРТИНЧИ ПАРДА

Хор қиёфасида Замон киради.

### Замон

Ҳамма ҳам хуш кўрмас, аммо ҳаммага етар кучим.  
 Яхшиликдир, ёмонликдир — баробардир мен учун.  
 Мен — севинчу қайғудирман, чину ёлғонман доим,  
 Қим яхшидир, ким ёмондир, менинг нима парвойим.  
 Мен — Замонман. Учмоқ учун учқур қанот бераман,  
 Афсонавий йироқларга сизни бошлаб бораман.  
 Ўн олти йил масофани ўтажакмиз бир дамда.  
 Ўн олти йил ўтган, аммо изи яшар оламда,  
 Оlam билан ўйин тушмоқ — менинг учун қонундир.  
 Асрларнинг иморатин бузмоқ менга ўйиндир.  
 Бузарман ҳам, тузарман ҳам. Шудир менинг юмушим,  
 Бу одатим азалийдир, азалий бу қилмишим.  
 Ўтмишларнинг шоҳидиман, истиқболга чопарман,  
 Ҳозирнинг ҳар лаҳзасини тўзон билан ёпарман.  
 Бир-бирини қувалашган кунларимни авлодлар —  
 Бир кун келиб, мен яратган афсона, деб атарлар.  
 Хуллас калом, фараз қилинг шу сўзларим сўнгига  
 Ўн олти йил бир муддатни ўтказдингиз уйқуда.  
 Мен кўзгуни айлантирай, кўринг унда бирма-бир  
 Леонт иши энди яккаш — ёлғизлигу аламдир.  
 Воқеалар чорлар бизни Богемия томонга,  
 Поликсеннинг ўғли бугун бўй чўзибди жаҳонга.

Флоризель номи унинг, қомати нақ чинордек,  
 Ҳижронамиз ҳусни тўлиб, гул очибди баҳордек.  
 Нима бўлур, нима қолур, айтолмаймиз албатта,  
 Ҳамма нарса аён бўлур тайин вақти-соатда.  
 Чўпон қизи таърифида байту газал битармиз,  
 Фурсатингиз бўлса, қолинг, охирига етармиз.  
 Фурсатингиз зик бўлса-чи, сизга боқий сўзим шул:  
 Бораверинг, азизларим, ишдан қолмаган маъқул.

## БИРИНЧИ САҲНА

Богемия. Поликсен саройи.

Поликсен ва Камилло киради.

### Поликсен

Азизим Камилло, сендан ўтиниб сўрайман, ҳа деб  
 қистайверма. Йўқ, дейиш шунчалар оғирки, худди bemор-  
 га айлацаман-қоламан. Хўп дейиш, сендан айрилиб қо-  
 лиш эса менга нақ ўлим билан баробар.

### Камилло

Мана, ўн беш йил ўтдики, юртимда бўлмадим. Умрим-  
 нинг кўпи ғурбатда кечди, дуруст, аммо суюкларим ўз  
 она тупроғимда кўмилсин, дейман. Яна валинеъматим  
 бўлмиш қирол қилмишларига пушаймон бўлиб, ортим-  
 дан киши юборибди. Дардига шерик бўлиб, ғанини  
 енгиллатсам, деган умиддаман. Ана шу жиҳат ҳам ме-  
 нинг жўнаб кетишимни тақозо қиласди.

### Поликсен

Камилло, мени чиндан ҳам севсанг, тўсатдан жў-  
 наб кетиб, шунча хизматларингни бир йўла совурма.  
 Сенсиз куним кечмас экан, айбдор — сенинг фазлу фа-

зилатинг. Сендан айрилиб қолгандан кўра, сени билмаганим афзал эди. Сен қилганни бошқалар қилиши гумон. Бас, бошлаган ишингни тугатишинг шарт. Магар хизматларингни етарлича тақдирламаган бўлсам, бу уларнинг бебаҳолиги туфайлидир. Аммо сенга меҳрим, миннатдорчилигим кун сайн зиёда. Сендан ўтиниб сўрайман. Сицилияни, ўша маъшум мамлакатнинг номини оғзингга олма. Уни эслагунча, ўша биродарим, ўзинг айтмоқчи тавбасига таянган қирол ҳақидаги оғир хаёллар мени қуршаб олади. Унинг муҳтарам рафиқаси, болаларининг ўлимини ўйласам, кўксимга нақ наиза санчилади. Менга айт-чи, ўғлим Флоризелни сўнгги бор қачон кўрдинг? Ноқобил фарзанд — подшолар учун ҳам балойи азим, уларни деб чекилган алам яхши фарзандлар ўлимига чекилган қайғудан қолишмайди.

### Камилло

Шоҳим, шаҳзодани кўрмаганимга уч кунча бўлди. Қандай эрмакларта машғул, айтолмаймақ, лекин сўнгги пайтларда саройда кам кўриниб, дарсларга ўз рутбасига мувофиқ, етарлича қунт қилмаётгани рост.

### Поликсен

Буни мен ҳам пайқадим, Камилло ва турган гапки, ташвишга тушдим. Ҳозирча уни яширин назорат этаман, вассалом, ишончли кишиларим шаҳзодани қадам-ма-қадам юзатиб юришибди. Уларнинг айтишича, шаҳзода кўп вақтини кутилмаганда қашшоқликдан қутулиб, бой-бадавлат бўлиб олган чўпоннинг кулбасида ўтказармиш.

### Камилло

Мен бу тўғрида эшитганман, шоҳим. Унинг париваш бир қизи бор. Ҳусайнинг овозаси оламга кетган.

### Поликсен

Менга ҳам шундоқ дейишиди. Қўрқаманки, ўғлим тушиб қолган тузоқ ўша бўлмагай. Йиккимиз бориб, кимлигимизни сездирмай, чўпондан сўраб-суринтирайлик. Аминманки, у соддадиллик билан бор гапни оқизмай-томизмай айтиб беради. Утинаман, бу ишда менга кўмаклашиб юбор ва Сицилия ҳақида ўйлашни бас қил.

### Камилло

Амрингизга ҳозирман, шоҳим.

### Поликсен

Содиқ Камилло!

Энди бориб, кийимларни алмаштирайлик.

Кетишади.

### ИККИНЧИ САҲНА

Чўпон кулбаси яқинидаги йўл.  
Жулдур кийинган Автолик киради.

### Автолик

(куйлайди)

Далалар чаман очди — оҳей, воҳеъ!  
Келаверинг, гўзаллар, бизга!  
Сўлим баҳор чоғи юраклар, бай-бай,  
Мунтазирдир ташрифингизга.

Эгалари кўринмас — оҳей, воҳеъ!—  
Чойшаб билан ёнилмиш девор.  
Тап тортмасдан тортавер, тортганингда май,  
Ўғримасссан, қиролсан, қирол,

Чуғурчуқ чуғулрайди — оҳей, воҳеӣ!  
 «Чучув-чучув» сайрар майнахон.  
 Шундай пайтда ёrim билан кошкийди,  
 Бутазорда ўтирасак пинҳон.

Ажаб даврон эди, шаҳзода Флоризелга хизматкор  
 эдим, шоҳи-духобаларга ўраниб юрадим, энди бўлса  
 бекорчиман.

Каптарим, маъюсланма,  
 Тун қоронғу ҳойнаҳой.  
 Ўғри адашмасин деб,  
 Булутдан мўралар ой.

Мисгаринг келар йўл босиб,  
 Қўлида йўқ бир чака.  
 Менинг ризқим очиқ-сочиқ  
 Турмага тушмагунча.

Мен чойшаб ўғрисиман. Қирғий ин қураётган ма-  
 ҳалда-чи, майда-чуйда ич кийимлардан ҳам тортиниб  
 ўтирамайман. Отам мени Автолик деб атаган: ўзиям  
 менга ўхшаб Уторуд юлдузи остида туғилган шекил-  
 ли, ашаддий киссанур эди. Қимор ўйнайвериб, жонон-  
 лар кетидан изғийвериб жулдур, мосуво бўлдим, куним  
 чакана ўғриликка қолди. Катта йўл устида талончилик  
 қилишнинг оқибати маълум — ё дорга осиласан, ёки  
 калтакка ем бўласан. Менга униси ҳам, буниси ҳам  
 маъқул эмас. Эртанги кунни ўйлаш эса эсимга ҳам кел-  
 майди. Вой, ўлжай! Үлжай!

Деҳқон киради.

Деҳқон

Хўш, каллани ишлатайлик. Ӯн битта қўй йигирма  
 саккиз фунт жун беради, йигирма саккиз фунт жун-

нинг баҳоси — бир фунт тилла, ҳаммаси бўлиб бир ярим минг қўйнинг жуни қирқилди, дейлик. Хўш, қирқилган жун жами қанча бўлди?

### Автолик

(четга)

Тузоқ узилиб кетмаса бўлди, тустовуқ — меники.

### Деҳқон

Йўқ, буни каллада ҳисоблаб бўлмайди. Яхшиси, қўй қирқиш байрамига нималар харид қилишни ҳисоб-китоб қиласи. «Уч фунт қанд, беш фунт майиз, гуруч»— Дарвоҳе, синглим гуручни нима қиласи? Бас, отам уни байрам бекаси қилиб қўйибдими, нарёгини ўзи билади. У жун қирқувчиларга деб йигирма тўртта гулдаста тайёрлаган, жун қирқувчилар ҳаммаси — қулинг ўргисин ашулахон. Уч овозлаб айтишганда, ёмон чиқмайди. Кўпчилигининг овози — йўғон, дўриллаган. Биттаси ўлгудек тақводор, сурнай жўрлигида зикри само ўқийди. Ҳа, пирог учун заъфар олма олишим керак, мускат ёнғоғи билан хурмо керакмас, рўйхатда йўқ. Етти дона ёнғоқ оламан, холос. Бир-икки дона занжавул илдизи, мен буни харидларимга қўшимча қилиб, текинга беришни сўрайман. Тўрт фунт олхўри, шунча майиз.

### Автолик

(ерда ағанаб)

О, нега мен бу дунёга келдим!

### Деҳқон

Худо ҳақи... “

### А в т о л и к

О, ёрдам беринг, ёрдам беринг! Манави жулдурлардан қутилиб олай, кейин ўлсам ҳам майлига.

### Д е ҳ қ о н

Вой, шўрпешана! Бу жулдурларни ечмай, уларга яхшироқ ўралиб олишинг керак-ку!

### А в т о л и к

О, тангрим, бу латта-путталар елкамга тушган минглаб, миллионлаб калтаклардан ҳам баттар,

### Д е ҳ қ о н

Вой, шўрлик! Миллионлаб калтак дейди-я, бунақада одамнинг абжагини чиқазади-ку.

### А в т о л и к

Афандим, мени талаб, калтаклашди. Бор-будимни шилиб, устимга мана шу ислики рўдаполарни ёпиб кетишиди.

### Д е ҳ қ о н

Сени шунчалар абғор қилған ким: пиёдами, суворийми?

### А в т о л и к

Пиёда қилди бу ишни, афандим, пиёда.

## Д е ҳ қ о н

Тұғри, қолдирған матойидан бу ишни пиёда қилғани шундоқ күрініб турибди. Эхтимолки, бу нимчани суворий ҳам кийгандир, аммо ундан бүен аллақаңча замон ўтгани аниқ. Құлингни бер, ёрдамлашиб юборай. Чүз құлингни!

## А в т о л и к

Секинроқ, марҳаматли афандим! Вой — вой-воей!

## Д е ҳ қ о н

Бечора!

## А в т о л и к

Ох, шафқатли афандим! Афтидан курагим чиққанга ўхшайды!

## Д е ҳ қ о н

Шу етмай турувди! Хүш, туролмайсанми?

## А в т о л и к

Секинроқ, марҳаматли афандим! (Уннің ҳамёнини олади:) Секинроқ, муруватли афандим! Сиз менга шафқат-муруват қилдингиз!

## Д е ҳ қ о н

Жиндеқ ақча берайми? Чақам бор эди шекилли.

## А в т о л и к

Иўқ, олижаноб афандим, қўйинг, керакмас. Сиздан

үтениб сўрайман, керакмас. Бундан ярим чақирим нарида қариндошим яшайди. ӽшаникига бораётгандим. Қанча пул керак бўлса, ӽшандан олавераман. Сиздан ўтинаман, менга пул бера кўрманг — бу билан мени ҳақорат қиласиз.

### Деҳқон

Сизни талаган қандай киши эди ўзи?

### Автолик

Мен уни биламан, афандим, бир пайтлар карта ўйнаганмиз. У шаҳзода Флоризелнинг хизматкори эди. Билмадим қай бир фазилати учун уни калтаклаб, саройдан ҳайдашди.

### Деҳқон

Сиз, қай бир гуноҳи учун, демоқчисиз, шундоқми? Саройда фазилат учун калтаклашмайди. Аксинча, изват-эҳтиром қилишади... Лекин бари бир у саройда турмайди, ташлаб чиқади.

### Автолик

Ҳа, афандим, мен қай бир гуноҳи учун демоқчидим. Мен у одамни яхши танийман. Бир пайтлар май мун ўйнатарди, кейин қозига югурдак бўлди, сўнгра қўғирчоқвозлик қилиб, саёқ ўғилнинг қисматини кўрса тиб юрди, ниҳоят, менинг қўргонимдан бир чақирим нарида яшовчи чегачининг бевасига уйланиб олди Турли-туман қингир-қийшиқ ишлар билан шуғулланда ва охир-оқибат муттаҳам бир ялангоёқча айланди қўйди. Уни Автолик дейишади.

### Д е ҳ қ о н

Вой, лаънати-ей! Угри, учиға чиққан ўгри у! Ҳайыр маросимлари дейсизми, ярмаркалар дейсизми, айик уриштиришлар дейсизми — ҳамма жойда тентираб юргани-юрган.

### А в т о л и к

Қаромат қилдилар афандим, қаромат. Ўша, ўшанинг худди ўзи. Устимга манави ислиқиларни илиб кетган ўша бетавфиқ.

### Д е ҳ қ о н

Бутун Богемияда ундан қўрқоқроқ дайди топилмайди. Бўйингиз сал баландроқ бўлиб, қовоқ уйиб, башарасига бир тупурганингизда борми — нафаси ўчарди-қоларди.

### А в т о л и к

Сизга айтсам, афандим, мен уриш-жанжални ёмон кўраман. Кўнглим озиб қолади — ишонасизми, у лаънати буни биларди.

### Д е ҳ қ о н

Хўш, энди аҳволингиз нечук?

### А в т о л и к

Дуруст, марҳаматли афандим, пича дуруст. Мана — тура оламан, мана — юра оламан. Ҳаттоқи, сизга, хайр! — деб қариндошимникига қараб секин равона бўлиш ҳам қўлимдан келади.

### Д е ҳ қ о н

Сизни йўлгача кузатиб қўйсаммикин?

### Автолик

Йўқ, марҳаматли афандим, ҳожати йўқ.

### Деҳқон

Мен жун қирқиши байрамига деб ул-бул харид қилмоқчидим.

### Автолик

Омадингизни берсин, марҳаматли афандим.

### Деҳқон кетади.

Уша харидлар учун ҳамёнингда ҳемири топилармийкин? Уша жун қирқишингга ҳам бораман, сени яна бир бор шилмасам, майли, исмим энг инсофли инсонлар рўйхатининг бошида бўлаверсин.

(*Куйлайди.*)

Эй пиёда, қадам ташла, олға бос,  
Ёмғирда ҳам, тўёнданда ҳам юр фақат.  
Қувноқ бўлсанг, юз чақирим писандмас,  
Маъюс бўлсанг, бир чақирим — мاشаққат.

(*Кетади.*)

### УЧИНЧИ САҲНА

Чўпон кулбаси олдида ўтлоқ,  
Флоризель билан Ҳижронга киради.

### Флоризель

Шу либосда яна гўзал, оромижонсан,  
Чўпон қиэмас, илоҳасан, зеби жаҳонсан.

Гулбаҳорга элчиидирсан. Қирқув байрами  
Атрофингда юзлаб барра қўзини тўплар,  
Худойимни қуршагандай илоҳий зотлар.

### Ҳижона

Гапларимни маъзур тутинг, азиз шаҳзодам,  
Сизга танбек бериш менга муносиб эмас,  
Аммоқи сиз, салтанатнинг ёлғиз умиди,  
Оддий чўпон чакмонини кияр экансиз,  
Чўпон қизни илоҳа деб билар экансиз,  
Бу жуда ҳам ғалатидир, гаройиб бир ҳол.  
Байрам бўлмаганда, байрам шарафи учун  
Турли-туман кийинишлар бўлмаса русум,  
Ушбу либосингиз менга тушмасди манзур,  
Негаки у кийимимни ва кимлигимни —  
Фақир насабимни менга эслатиб туарар.

### Флоризель

Тикка парвоз қилиб, ажаб ишорат билан  
Мени сенга бошлаб келган лочинга аҳсан.

### Ҳижона

Тилагингиз менга паноҳ бўлсин илойим  
Олий насабингиз ҳар хил хавотирлардан  
Сизни эмин тутар, аммо мени-чи, қўрқаман.  
Тафовутимизни эсга олишимданоқ,  
Даҳшат босиб, юрагимга тушади титроқ.  
Ахир нима бўлур, айтинг, нима бўлур, хўш,  
Тасодифан бу тарафга қайрилса қирол.  
Е тангрилар! Тожу тахтнинг ворисини у  
Чўпон кийимида кўриб, нималар деркан.  
Ва шу оддий ва тасқара кийимимда мен  
Унинг назарига қандай бардош бераман?

### Флоризель

Оқибати бахайр бўлур бари, Ҳижронам,  
 Ахир, ишқ ўтида ёнган худовандлар ҳам  
 Жониворлар сувратига киришгани рост.  
 Нептун қўйқор бўлган экан, Юпитер—ҳўқиз,  
 Мендек чўпон бўлиб олган Аполлон-шоввоз.  
 Аммо лекин улар сажда қилган париваш  
 Шунча раъно бўлмагандир, шунчалар оташ,  
 Тилаклари тилагимдек тиниқ бўлмаган.  
 Мен бурчимни юрагимга соқчи айладим,  
 Номусимни тилагимга посбон сайладим.

### Ҳижона

Бу савдодан воқиф бўлса отангиз агар,  
 Қаҳру ғазаб оташида ёнади, илло.  
 Ҳа, шаҳзодам, иккисидан бири муқаррар:  
 Ё мен адо бўлурман, ё ишқингиз адо.

### Флоризель

Бундоқ дема, ёлбораман, гўзал Ҳижронам,  
 Пуч, беҳуда гумонларнинг қайғуси билан  
 Шодиёна шу байрамни хуфтон айлама,  
 Ёки сенга ёр бўлурман, ёки бўлмасман,  
 Ўшал подшоҳ падаримга ўғил бўлмасман.  
 Ҳа, мен тақдир йўлларига кўндаланг бўлиб,  
 Қароримда событ бўлиб тураман мутлоқ!  
 Қани, битта кулиб, менинг кўзларимга боқ,  
 Эртага не бўларкин, деб сира ўйлама,  
 Сен бугуннинг нашъасини сурабер. Қара,  
 Ҳар тарафдан келишмоқда бизга мёҳмонлар.  
 Худди никоҳ айёмимиз бошланганидай,  
 Сен завқларга тўлиб, шодон юришинг керак.  
 Ишон, ўша айёмимиз келур муқаррар.

## Ҳижона

Бизни доим паноҳида тутсин худолар!

## Флоризель

Мана, меҳмонлар ҳам келиб қолишди. Жоним,  
Лутфинг билан сен ҳаммани қувонтири, токим  
Қувонч ўти билан кўзлар, ёноқлар ёнсин.

Бошқача кийинган Поликсен ва Камилло, улар орти-  
дан чўпон, Доракс, Мопса, деҳқон ва бошқа-  
лар киришади.

## Чўпон

Қизим, нега ўтирибсан? Шундоқ айёмда  
Марҳум онагинанг агар тирик бўлганда,  
Дастурхони ноз-неъматдан ярқирар эди.  
Ҳой, келинглар бу ёқقا, деб чақирар эди.  
Меҳмонларга сидқидилдан хизмат қиласди.  
Улар билан қўшиқ айтиб, ўйнаб-куларди.  
Кимга қадаҳ тутар, кимга тутарди таом  
Ҳамма билан хуш тавозе, ширин, хуш калом,  
Жиндак май симириб, Ѹна гул-гул ёнарди;  
Давраларга жон бағишлаб буткул ёнарди;  
Сен бўлсанг-чи, ўтирибсан ялпайиб, қизим,  
Нақ меҳмонда ўлтиргандек бир чеккада жим.  
Туриб, дарров қарши олгин, мана, меҳмонлар,  
Бегонани эркаласанг — ошино бўлар.  
Қизаришинг бекор, ахир, уй бекасисан,  
Шоду хандон қаршиласанг меҳмонни қанча,  
Қўйларимиз жуни майин, мўл бўлур шунча.

## Ҳижона

(Поликсенга.)

Тақсир, хуш келибсиз. Ушбу байрамда отам  
Бека бўлишимни менга буюрди бу дам.

(Камиллога)

Сиз ҳам хуш келибсиз, қани, марҳабо.—Доркас,  
Меҳмонларга гулдасталар тутиңг шу нафас.  
Манави — размарин, мана — рута, қишида ҳам  
Усаверар ёздагидек муаттар, кўркам.  
Шу гул каби очилгайсиз, кулгайсиз бугун,  
Бизнинг азиз меҳмонимиз бўлгайсиз бугун.

Поликсен

Ташаккўллар бўлсин сенга, гўзал чўпон қиз.  
Зотан қиши фаслига етиб келганлар учун  
Қиши гуллари ярашиқдир.

Хижрана

Менинг афандим,  
Унутмангким, сунбуланинг сарин ҳавоси  
Саратоннинг ҳовурига тўлиқдир ҳали,  
Гарчи қор-қировли кўнлар яқинлаб қолди.  
Бу фаслининг энг муаттар гул чечакларӣ  
Чиннигулу баҳмалгулдир. Лекин уларни  
Табиатнинг ўгайи деб аташади, рост,  
Мен боримда ўстирмадим бу чечакларни.

Поликсен

Не сабабдан сен уларни ранжитдинг, қизим?

Хижрана

Эшитдимки, уларнинг шўх чиройи, ҳусни  
Табиатдан эмас, сидқи ҳунардан эмиш.

## Поликсен

Хўш, нима қилибди? Ахир, табиатни ҳам  
 Табиатнинг ўзи билан безайди одам.  
 Табиатнинг боласидир санъат ва ҳунар,  
 Биз ёввойи бир оғочни яхшилайлик деб  
 Нозик қаламчани ҳар гал этганда пайванд,  
 Ақл табиат устидан тантана қиласар,  
 Лекин ўша табиатнинг кўмаги билан.

## Хижона

Шак-шубҳасиз,

## Поликсен

Бас, боғингда баҳмалгул ўстир,  
 Табиатнинг ўгайи, деб таҳқир этмагил,

## Хижона

Эркакларга упа-элик ёқади, аммо  
 Мен юзимга упа-элик сурмайман асло,  
 Худди шундоқ хуш кўрмайман баҳмалгулни ҳам,  
 Лекин сизга хуш келгудек гуллар топаман.  
 Мана гулинаньо, мана садафгул, раъно,  
 Барра гуллар шомда мудраб эгик бош билан,  
 Ўйғонурлар қуёш билан, кўзда ёш билан.  
 Булар бари — ёз ўртаси чечаклари дир,  
 Ўрта ёшли кишиларга ғоят ярашур.  
 Ола қолинг!

## Камилло

Магар сенинг қўйинг бўлсайдим,  
 Сенга боқиб термулишим менга бас эди,  
 Ўтга оғиз урмас эдим.

## Ҳижрона

Тангри Юпитер!

Үнда тинка-мадорингиз кетарди қуриб,  
Қишишамоли учирарди чирпирак қилиб.

(Флоризелга)

Гўзал дўстим! Сенинг баҳор ёшингга монанд  
Баҳор чечакларини мен қайдан топаман?  
Қани бўлса эди менда, дугонажонлар,  
Сизнинг ёшингизга монанд яшил маржонлар,  
Гўзал Проперина, шамол шиддати билан  
Дий аравасида мағрур учар экансан,  
Чўчиб туширганинг сулув чечаклар қани?  
Уша чечакларга ўзинг ноил эт мени.  
Навбаҳорнинг даракчиси латиф, серханда,  
Тароватли нилуфарлар бўлсайди мёнда!  
Венеранинг нафасидек хушбўй нафасли,  
Шаҳло кўзли бинафшалар менда бўлсайди,  
Баъзи қизлар каби бўса мазасин билмай,  
Нозик, паришонҳол, ғунча барглари майдада —  
Якка-ёлғиз яшайдиган чечаклар қайда?  
Атир гуллар қани, сада райҳонлар қани?  
Наъматаклар қани, гули хандонлар қани?  
Сизга атаб гулчамбарлар тузардим бу дам.  
Ва кўмардим улар билан севганимни ҳам.

Флоризель

Нақ мурдани кўмгандек?

## Ҳижрона

Иўқ, тўй тўшагини,

Ха, сен ҳақсан нақ мурдани кўмгандек, фақат  
Уша ўлик оғушимда этилар дафи.  
Дўстларим, олингиз анво гул-печаклардан!  
Шу кийимда ўзимга ишқ ҳангамасини  
Ўйнаган актирисага ўхшаб кетаман.

### Флоризель

О, сен не қилмагил, гўзал гулим Ҳижрона,  
Бари сенга ярашади, ўзинг фарзона.  
Сўз бошласанг — сўзларингга сира тўймасман,  
Агар куй бошласанг — тинглаб, булбулим, бирдан  
Сени ёри жоним, дея хаёл этаман.  
Тикиш, тўқишинг ҳам бирдек ярашур сенга,  
Ё садақа берсанг бева-бечораларга.  
Ўйнар бўлсанг, ўйинларинг қоматингга зеб,  
Шивирлайман: ўйна, жоним! Яна ўйна! — деб.  
Ғамзаларинг тўлқин уриб оқсиллар давом,  
Маликасан, жоним, сеҳри-чиройсан тамом!

### Ҳижрона

О, Дориклес, мақтовларинг ҳаддидан ошди,  
Гўзал шоҳид бўлиб магар маъсумлигингга,  
Еноғингда ёшлик ўти ўйнамасайди,  
Бу нимаси, дея балки савол өтардим,  
Мақтаб ўлдирмоқчисан, деб хаёл өтардим.

### Флоризель

Менинг мақтовларим қанча бегубор эса,  
Сенинг хавотиринг шўйча беҳуда, бекор.  
Хўп, рақсга энди! — Қўлинг бергил, Ҳижрона!  
Биз умрбод биргамиз, ҳеч ажралмагаймиз,  
Бир жуфт кабутарга ўхшаб.

### Ҳижрона

О, улар учун,  
Кабутарлар учун қасам ичмоққа шайман!

### Поликсен

Чўлон қизлар орасида шундоқ санамни  
 Ҳали дунё кўрган эмас. Сипо, камтарин,  
 Бутун сиймосидан ёғар олижаноблик,  
 Шундай бир овлоқда шундай малоҳат.

### Камилло

Қаранг,  
 Шеригини тинглаб, қандай қизариб кетди.  
 Чиндан қатиқ билан қаймоқ маликаси у!

### Декон

Эй, музика!

### Доркас

Сен Мопса билан-а! Мана саримсоқниёз,  
 Мопсани ўпгандан кейин еб олганинг соз.

### Мопса

Вой, гапини қаранг! Ахир ўзинг-чи, ўзинг...

### Декон

Ҳай, жим! Байрам ахир, одоб сақлайлик бир оз.  
 Қани, ҳамма биргалашиб, рақсга тушамиз.

Музика. Чўлон йигит-қизлар рақсга тушишади.

### Поликсен

Хўш, қария, айт-чи, анув чиройли чўпон  
 Қизинг билан бирга рақс тушаётган ким?

## Чўпон

Анавими! У — Дорик\*лес! Бойвачча куёв.  
 Менга ўзи айтган, лекин шундоқ бўлса ҳам  
 Ишонаман, номусли ва ҳалол бир йигит!  
 Ҳижронани севаман деб қасам ичади!  
 Унинг кўзларидан севги дарсини ўқиб,  
 Шундоқ термулади, шундоқ термуладики,  
 Мовий кўлга боқиб, щунча суқланмайди ой.  
 Бир-бирига тенгдир меҳри-муҳаббатлари,  
 Бир-биридан бир бўса ҳам зиёда эмас.  
 Онт ичаман.

## Поликсен

У ажойиб рақс тушади.

## Деҳқон

Не қилмасин, қай бир ишга уннамасин у,  
 Қойил қилас, асир этар, нимасин айтай.  
 Ҳа, Дориклес Ҳижронага уйланар бўлса,  
 Хазинага эга бўлар. Хулласи калом!

Хизматкор киради.

## Хизматкор

Хўжайнин, дейман, эшикдаги атторни эшицсангиз борми, чилдирма билан найга бунақа рақс тушиб ўтирмасдингиз. Суриайга ҳаттоқи қайрилиб ҳам боқмасдингиз. У азамат қўшиқ кетидан қўшиқни шундоқ қалаштирадики, унинг олдида сизнинг пул санашингиз ҳеч гап эмас. Қадимий қўшиқлар билан ичи тўлиб кетганми, дейсиз. Ҳамманинг оғзини очириб ўтирибди.

\* Богемия шаҳзодаси ўзини Ҳижронага шу ном билан танитган (тарж.).

## Деҳқон

Ўзиям айни пайтида келибди. Чақир бу ёқقا. Мен қадимий қўшиқларни яхши кўраман, айниқса, ўйноқиси-ни ғамгин, ғамгинини ўйноқи қилиб айтса.

## Хизматкор

У ҳар балони билади, узунниням, қисқасиниям, эр-каклар учунми, аёллар учунми — айтаверади. Бирор савдогар қўлқоп сотиб, бировни мунча хурсанд қилолмаган. Еш қизлар учун ишқий қўшиқлари бор, ҳалигидака, қичик гапларсиз, биласиз-ку, бунақаси кам учрайди. Нақоратлари бирам сипо, бирам сипо, нуқул дессангиз: «Ушла уни! Тишла уни!» Бордию бирор беҳаёқ қизнинг қитиқ-патига тегиб қолса, қизнинг жавоби: «Ҳап, яхши одам, мени ранжитманг». Ҳа, худди шундоқ, қиз ўшани чақади-олади: «Ҳап, яхши одам, мени ранжитманг!»

## Поликсен

Манавини азамат деса бўлади!

## Деҳқон

Йигитмисан йигит! Қалай, яхши моллари борми?

## Хизматкор

Камалакнинг етти рангида товланувчи ленталар, ҳийлаи аъмол билан тўқилган, ҳатто зукко қозилар ҳам излаб, тугунини тополмайдиган тўр-пардалар, тасмачалар, жияклар, батистлар, хуллас, ҳаммаси бор,— бунинг устига уларни қўшиқ билан шундоқ таърифлайдики, гўё матомас, тангриларми ёхуд маъбудалар-

ми, дейсиз. Кўйлак ҳақида кўйлаганда кўкдаги фа-ришталарга мадҳу сано ўқияпти, деб ўйлайсиз, енги ва ёқасидаги кашталар мақтовини шундоқ келтиради-ки, бай-бай-бай...

### Деҳқон

Тезда бошлаб кел, ўша қўшиқларни бу ерда куйла-син.

### Ҳижрона

Фақат огоҳлантириб қўй, мазза-матрасиз нарсалар айт-масин.

Ҳизматкор чиқади.

### Деҳқон

Ўша атторларда, сингилжон, шунақангি нарсалар учрайдики, сен ҳатто хаёлингга ҳам келтиролмайсан.

### Ҳижрона

Акажон, мен хаёлимга келтиришни ҳам ўйламайман.

### Автолик

(куйлаб киради)

Оппоқ қордек матойим,  
Қораси — қарғашойи.  
Рўмолим, қўлқопларим,  
Атиргулдек мулоим.  
Юзга, бурунга ниқоб,  
Байрамда тақишига боп.  
Атирлару тароқлар,  
Маржонларим ярақлар.

Ула-эликнинг созин  
 Йигитман деган олсин.  
 Ленталарим бир талай,  
 Сизга ярашур, бай-бай.  
 Қани олавер, толма,  
 Кейин армонда қолма.  
 Шод бўлсин десанг малак,  
 Пул керак, пулжон керак.  
 Сотавермай сафсата,  
 Олавер шартта-шартта!

### Деҳқон

Монсага ошиқ бўлмаганимда мендан бир чақа ҳам ундиrolmasдинг. Нетайки, унга қул бўлиб қолдим, энди лента ва қўлқоплар билан товон тўлашга тўғри келади.

### Монса

Сен уларни байрамдаёқ совға қилмоқчи эдинг. Майли, ҳеч бўлгандан кўра...

### Доркас

Мишишларга қараганда, у сенга бошқа нарса ҳам ваъда қилган шекилли.

### Монса

Аммо сенга қилган ваъдасини ошиғи билан эдо этган. Қайтими ни берганингда — қизармасанг, бас.

### Деҳқон

Ҳай, сенларда ҳаё борми ўзи? Бунақада ҳадемай этакларингни бошларингга қоплаб оласанлар, ку. Буна-

қа гаплар молхонада, ошхонада, ётоқхонада бўлади, наҳотки, кўчага олиб чиқсаларинг? Шивирлаб гапиришсаларинг ҳам гўрга эди. Шақиллашга бало борми?

### Мопса

Юр, менга маржон билан муаттар қўлқоп ваъда қилгансан. Мен тугатдим.

### Деҳқон

Йўлда мени шип-шийдам қилишди, деб айтдим-ку. Чўнтағимда ҳеч вақо йўқ.

### Автолик

Рост айтасиз, тақсир, бу ердаги йўлларда муттажамлар бижгиб ётибди. Оҳ, эҳтиёт бўлиш керак, эҳтиёт!

### Деҳқон

Бир ерда ҳеч ким сени щилмайди, ошина, хотиржам бўлавер.

### Автолик

Тақсир, мен ҳам шундоқ деб умид қиласман: молларим — асл, қимматбаҳо моллар.

### Деҳқон

Манавининг нима? Қўшиқларми?

**Мопса**

Утнаман, шулардан, менга олиб бер. Босилган қўшиқларга ўлгудек ўчман. Босилибдики, демак, рос гаплар экан-да.

**Автолик**

Мана буниси жуда аломат — ҳазин ғвоз билан куйланади: судхўрнинг хотини йигирма қоп тилла туққани, кейин илон-чаёнлар ва қовурилган қурбақа ейман, деб туриб олгани ҳақида.

**Мопса**

Шу рост гапми ўзи?

**Автолик**

Рост бўлганда қандоқ, бундан бир ой бурун содир бўлган.

**Доркас**

Судхўрга ўлсам ҳам тегмасдим.

**Автолик**

Шу ишга гувоҳ бўлган Фийбат хола деган доя кампир ва беш-олтида бинойидек хотинлар тилга олинади. Ишонаверинг, мен ёлғон сотмайман.

**Мопса**

Жоним, шу қўшиқни ола қолайлик.

### Деҳқон

Хўп, олиб қўй. Аввал бошқа қўшиқларни ҳам кўрайлик, кейин бошқа молларни ҳам қарайлик.

### Автолик

Манави ҳам аломат, саксонинчи апрель, чоршанба куни сув бетидан қирқ минг газ кўтарилиб, тош юрак қизлар ҳақида қўшиқ айтган балиқ хусусида. Айтишларича, ошиғига шафқат этмагани учун совуқ бир балиққа айланиб қолган аёл экан у. Жуда қайғули, лекин, энг муҳими, ишонса бўладиган қўшиқ.

### Доркас

Сенингча, рост галми шу?

### Автолик

Ростлигига бешта қози шаҳодат муҳрини босган, бошқаларнинг гувоҳлиги сандифимга сиғмади.

### Деҳқон

Буни ҳам олиб қўй. Яна бошқасини ол.

### Автолик

Мана бу шўх қўшиқ, лекин жудаям аломат.

### Мопса

Шўхини сотиб ола қол.

### Автолик

Бунақаси топилмайди. «Биз, икки қиз севиб қолдик бир йигитни.» Бутун вилоятда буни куйламаган қиз йўқ. Ҳамма жойда талаш, худо ҳақи!

## Монса

Агар сен жўр бўлсанг, биз Доркас билан икковлашиб куйлардик. Уч овозга мўлжалланган деяпсан-ку.

## Доркас

Биз буни бир ой бурун эшитганмиз.

## Автолик

Куйлаймиз, куйлаймиз, нега куйламас эканмиз!  
Ахир куйлаш менинг ҳунарим-ку. Қани, бошладик!  
(*Куйлай бошлайди*).

Хой, қизларжон, даф бўлинг,  
Жонга тегдингиз роса!

## Кизлар

Ха, йўл бўлсин, қаёқقا?

## Автолик

Воринг, ишингиз нима.

## Кизлар

Уятсиз, безбет, қўпол!

*(Басма-бас)*

Хўш, энди маъшуқанг ким?  
Бизга қасам ичгандинг.  
Алдадинг бизни, айёр —  
Қишлоққами, отизга?

## Автолик

Нима, қулмидим сизга?

## Қизлар

Қочди, қочиб қолди у.

(Басма-бас)

Мени ёрим деб атаб,  
Мен-чи масхаралаб,  
Номусим ўғирлади.

## Деҳқон

Етар, кейин куйлаймиз. Отам меҳмон афанди билан  
муҳим бир нарсани гапиришаётганга ўхшайди, халал  
бермайлик. Кетдик, қани қутингни күттар. Қизларжон,  
иккингизга ҳам совға оламан. Аттор, биринчи хари-  
дор—камина! Юринг, гўзалларим!

(Monса ва Доркасни бошлиб чиқади)

## Автолик

Энди уни шиламан.

(Куйлайди)

Менга совға қил, ўртоқ,  
Лента, упа ва тароқ,  
Естиққа тўр-жимжима,  
Қўйлак ёки шол рўмол,  
Пулга кўзинг қиймаса,  
Арзимас бир нарса ол,  
Пулни туғиб қўйсангу  
Ёрингни шод этмасанг,  
Бундан пима фойда бор.

Хизматкор қайтиб киради.

## Хизматкор

Хўжайнин, дейман, нариёғда учта эчкибоқар, учта  
чўчқабоқар, уч қўйбоқар — устларига эчки териси ёпи-

ниб олишган ўзларини алламабало — сатирми, сартирми, деб аташади. Рақслари ҳам ажабтовур. Қизлар уни сакрашу югуришдан иборат чолоб деб атاشяпти, ҳа, бу гапни бизларсиз ўйинга тushiшаётгани учун аламдан айтишяпти-да. Чўчқабоқарлар, рақсни нуқул чир айланиб, таъзим қилиш деб тушунадиганлар таъбига ўйинимиз жилла ботмаса ҳам, бари бир хуш ёқади, деб қасам ичишяпти.

### Чўпон

Керакмас, ҳайдаб юбор! Ўшаларсиз ҳам қаланғи-қасанғи эрмаклар тўлиб ётибди. Муҳтарам мөҳмонлари-миз ранжиб қолишади.

### Поликсен

Бизни курсанд қилмоқчи бўлганларни хафа қиляп-сан. Сендан илтимос, кўрсат ўша раққосларингни.

### Хизматкор

Уларнинг айтишича, уч чўчқабоқар ҳатто қирод ҳу-зурида ҳам рақсга түшишганимиш ўша масхаравозлар-нинг энг пачоги ҳам ўн икки ярим газ баландга сакрай олармиш.

### Чўпон

Бас, муҳтарам мөҳмонларки рози экан, чақиравер.

### Хизматкор

Улар эшикда мунтазир.

**Хизматкор чиқади ва раққослар билан  
қайтиб киради.**

**Ўн икки сатир ўйинга тушади.**

## Поликсен

(чўпдоңга)

Сен баъзи бир нарсаларни билмайсан,  
ошнам.

(Камиллога)

Биз нимага чўзяпми? Тугатмоқ керак.  
Чол эзмаю овсар экан.

(Флоризелга)

Хўш, барно йигит?  
 Сен шунчалар ошиқсанки, байрамни тамом  
 Унтибсан магар, сенинг ўрнингда бўлсам,  
 Севгилимини кўмар эдим совғалар билан.  
 Қавлаштириб савдогарнинг тугуларини,  
 Ахтардим унинг учун энг асл мато:  
 Сен-чи, харид айламадинг унга ҳеч вақо,  
 О, маъшуқанг бу тўғрида ўйлаб кўрсайди,  
 Мени севмайсан, деб сенга айтарди ошкор,  
 Шунда сенинг жавобинг ҳам бўларди душвор.

## Флоризель

Аэзиз меҳмон, ёrim менинг муҳаббатимни  
 Улчамагай бундай майда-чуйдалар билан.  
 Мен қалбимда асрятман саодатимни,  
 Уша совға унивидир, унга аталган.  
 Жоним, бир замонлар севги ўтида ёнган  
 Мана шу чол ҳузурида айтай ишқи роз.  
 Ижозат бер, қўлларингни кафтимда тутай,  
 Уларнинг қуш қанотидек майнлиги рост.  
 Улар арабларнинг садаф тишидан ҳам оқ,

Улар қутб сийнасида ярқираб ётган,  
Қиши шамоли ялаб ўтган қор каби оппоқ.

### Поликсен

Хўш, кейинн-чи? Узи оппоқ бўлган бир қўлни  
Қандоқ қилиб сен беғубор этарсан яна!  
Мен сўзингни бўлдимми-а? О, давом этдир,  
Назаримда сен қасамёд этмоқчисан?

### Флоризель

Ҳа,  
Сиз шоҳидим бўлцинг,

### Поликсен

Манов дўстим-чи?

### Флоризель

У ҳам!

Шоҳидим бўл, осмон, замин, мунаvvар олам!—  
Агарда мен барнолардан барно бўлсайдим,  
Агарда мен подшолардан подшо бўлсайдим,  
Агарда мен донолардан доно бўлсайдим,  
Ҳаммасини бағишлардим ишқингга, санам,—  
Ҳаммасини этар эдим ўзингга нисор.  
Е бўлмаса, ўлар эдим!

### Поликсен

Қандай саховат!

### Камилло

У ошиғи шайдо!

### Чўпон

Сен-чи, не дейсан, қизим?

### Ҳижрона

Мен бунчалар келишириб айта олмайман,  
Бундан ортигини хаёл эта олмайман.  
Фақат ўз севгимга боқиб, этаман қиёс —  
Мени қандоқ севишинй.

### Чўпон

Бу жуда ҳам соз.  
Гувоҳликка ўтинг, деймиз янги дўстларни,  
Рози бўлдим, мен қизимни унга бераман,  
Ўзига ярашиқ сепу сарупо билан.

### Флоризель

Ҳижронанинг сепи — ҳусну фазилатидир,  
Сизга нотаниш бир кимса қиларкан қазо,  
Шунчалар бой бўларманки, шунча бадавлат,—  
Бундай бисот тушингизга кирмаган ҳатто —  
Кел, оқсоқол, энди бизга оқ фотиҳа бер.

### Чўпон

Қўлингизни беринг!

### Поликсен

Жиндак сабр қил, ошнам!  
— Отанг борми?

### Флоризель

Бор, нимайди?

**Поликсен**

Бу ишларингдан  
Хабардорми?

**Флоризель**

Хабари йўқ, билмагани соз.

**Поликсен**

Үғилнинг тўйида ота — соҳиби эъзоз  
Менга айт-чи отанг магар жинни эмасми,  
Қариганда айнаб, ақлу ҳушидан озган?  
Тили соқов, қулоғи кар эмасми магар?  
Соҳиб хонадонми? Кўзи, кўріши қалай?  
Шол эмасми, тўшагида чўзилиб қолган?

**Флоризель**

О йўқ, тақсир, отам ҳали қаримас асло,  
Тенгдошлари ичра унинг қомати расо.

**Поликсен**

Мен шу оппоқ соқолимга қасам ичаман,  
Ки ноқобил фарзанд, ёмон ўғил экансан.  
Ўғил деган ёр танлашга ҳақлидир, дуруст.  
Аммо ота бахти — ўғил садоқатию  
Неварадалар иқболида, деганлари рост.  
Сенга доно бир маслаҳат берар эди у.

**Флоризель**

Азиз меҳмон, сўзингиз ҳақ, эътиrozим йўқ,  
Аммо айтиб бўлмас шундоқ сабаблар борки,  
Тўйимизни сир тутишга даъват этади.

Поликсен

Отангга айт!

Флоризель

Йўқ, йўқ, асло!

Поликсен

Сен отангга айт!

Флоризель

Айтолмайман,

Поликсен

Сўйла унга севар ёрингни,  
Уйлайманки, чол сира ҳам хафа бўлмайди.

Флоризель

Қасам ичиб айтаманки, бу мумкин эмас  
Тасдиқ этсангиз бас аҳду-паймонимизни.

Поликсен

Аҳдингнимас, ажримингни тасдиқ этаман.

(Ўзининг асл қиёфасида кўринади)

Сен, зумраша! Яна менга ўғил эмиш бу!  
Энди нечук лойиқдирсан шаҳзодаликка,  
Чўпон таёғига тожни алмаштирдинг-ку!  
Сен-чи, қари туллак! Афсус, оёғинг гўрда,

Лекин қолган умринг энди тугайди дорда —  
Сен-чи, сен, жодугар, суюқ, сурбет, қизалоқ!  
Менинг ворисимга нозу ишвалар қилиб,  
Йўлдан оздирмоқчимисан!

### Ч ўпон

Эвоҳ, ҳудойим!

### Поликсен

Ойимқиз, мен эсингизни киритиб қўйгум,  
Яхшилаб бир савалатсан ҳушёр тортасиз.

(Флоризелга)

Энди ушбу оstonадан қадамингни уз,  
Ва умрбод бу даргоҳни ёдингга олма,  
Йўқ, десанг; тожу тахт билан хайрлашавер!  
Эсингда тут шуни! Қани, ортимиздан юр!—  
Сен-чи, қари туллак, ёлғиз ўлиминг билан  
Гуноҳингни гарданингдан соқит этасан!—  
Сен, жодугар, шуни яхши тушунib олким,  
Ҳар кимга, шу тентакка ҳам лойиқсан балким.  
Аммо лекин ўзини кўп адо этди ул,  
Сени деб хор этди, балки гадо этди ул.  
Агар унга тағин кулбанг эшигин очсанг,  
Еки қучоқ очиб унга, меҳрингни сочсанг,  
Онт ичамаи, қанча бўлма париваш, дйлбар,  
Ўлиминг ҳам оғир бўлур сенинг шу қадар.

(Кетади.)

### Ҳи ж рона

Қатлсиз ҳам энди ўлдим, халос бўлдим мен.  
Аммо унинг таҳдидлари чўчитолмади,

Бир-икки бор сўзини ҳам бўлмоқчи бўлдим,  
 Яъни, кулба устида ҳам, сарой узра ҳам  
 Битта қўёш нур сочади, осмон битта, деб.  
 Бизни энди ҳолимизга қўйинг, шаҳзодам,  
 Шундоқ бўлишини мен-ку яхши билардим.  
 Сиз эҳтиёт бўлиб энди қўйингиз қадам,  
 Гафлат уйқусида эдим, мана, уйғондим.  
 Қўйинг, энди қўй-қўзимнинг олдига борай,  
 Тўйиб-тўйиб йиглаб олай.

### К а м и л л о

Сўзла, отахон.  
 Тирик эканингда мундоқ мияни ишлат.

### Ч ў п о н

Ўйламоқ ҳам, сўйламоқ ҳам мен учун мушкул.  
 Эҳ, шаҳзода! Сенинг шундоқ қилиғинг билан  
 Ҳалок бўлур энди мэндек саксон яшар чол.  
 Бобом, отам жон берган у жойда, тўшакда  
 Оёғимни чўзиб туриб ўлмоқчи эдим,  
 Уша марҳумларга ҳамроҳ бўлмоқчи эдим.  
 Нима қилиб қўйдинг ўзи! Ҳадемай жаллод  
 Ювиқсиз танимни жойлаб кафанга, ҳайҳот,  
 Тупроққа кўммайди, жарга улоқтиради.  
 Оҳ, лаънати! Сен муқаррар билғансан бунинг —  
 Шаҳзодалигини. Энди нима қилдим мен?  
 О, фалокат! Қатлгача ўлсайдим кошки!

(Кетади.)

### Ф л о р и з е л ь

Нега тикиласан бундоқ таажжуб билан?  
 Менга оғир, аммо руҳим ҳадикдан йироқ.

Кучим, иродамни тағин тоблар мاشаққат,  
Устиворман, қароримдан чекинмасман, йўқ,  
Мен отамга бўйсунмайман, фақат ва фақат  
Мақсад сари интиламан, ниятим — ният.

### К а м и л л о

Отангизнинг феъли-ҳуий аён, шаҳзодам.  
У аламда ёниб, сизни тингламайди ҳам.  
Ҳозир унинг ҳузурига бориш бефойда,  
Енига йўлатмас, балки қўймас ичкари,  
Сиз яхшиси кутинг, пича босилсин ҳоври.

### Ф л о р и з е л ь

Хўп, кутаман, Камилло, бу сизмисиз?

### К а м и л л о

Узим.

### Ҳ и ж р о н а

Мен неча мартараб унга айтгандим, ахир,  
Бошқалар бу, ишдан хабар топишдими, бас,  
Бало келиб, иқболимиз топар деб абас.

### Ф л о р и з е л ь

Йўқ, санамим, баҳт-иқболинг пайҳон этилмас,  
Токи тирик эканман — гар қасамим бузсам,  
Ҳаёт битар, қулаб тушар гумбази олам.  
О, сен бошинг кўтаргину кўзларимга боқ,  
Отам тожу тахтдан мени айласин жудо!  
Менга мулки давлат — сенинг муҳаббатингдир.  
Сенинг васлинг.

К а м и л л о

Эсингизни йиғинг, шаҳзодам.

Ф л о р и з е л ь

Менинг муҳаббатим — ақлим, фаросатимдир.  
Ақлим агар түсиқ бўлса, ишқимга, ҳамон  
Воз кечаман, жунун бўлур насибам тамом.

К а м и л л о

Сиз беҳуда бу аламни қўйинг, шаҳзодам.

Ф л о р и з е л ь

Менга бари бирдир энди — қувончим, шавкат,  
Онтим, аҳду паймонимга мадад берса, бас.  
На номус, на шараф, сўзим чиндир, Қамилло,  
На буюк Богемиянинг қадимий тахти,  
На тоғлар, на дengизларнинг бойлик-сарвати  
Мени қатъий қасамимдан айнита олар,  
Хиёнатга бормасман мен ўшаларни деб.  
Шундоқ экан, Қамилло, мен сиздан сўрайман,  
Сиз отамга муқаррибсиз, дўсти-қадрдон,  
Мен уни тарк этиб, буғун кетарман йироқ,  
Агарда у мени эслаб, чеқаркан фироқ,  
Сиз тасалли беринг, бўлинг дардига дармон.  
Унинг ҳақсиз ғазабини силанг, юмшатинг  
Мен юракдан ишонаман, ҳаёт баҳрида  
Биз чинакам йўлимизни олгаймиз топиб,  
Сиз отамга сўзларимни бир-бир етказинг,  
Она юртда ўзининг чин севгани билан  
Баҳтли бўлиш умидини тамом йўқотиб,  
Ўғлингиз бош оққан ёққа сузуб кетди, денг.  
Кемам шай турибди, зотан шайланган эди

Бошқа ниятлару ўзга мақсадлар учун.  
Хайё-ҳайт, деб бир ёқларга сузиб кетарман,  
Буни билиш фойдасизdir энди сиз учун.

### Қ а м и л л о

Сабот ҳамроҳингиз бўлсин, азиз шаҳзодам,  
Лекин тинглаш керак яхши маслаҳатни ҳам...

### Ф л о р и з е л ь

Ҳижронана, қулоқ сол... Жиндек сабр, Қамилло.—

*(Ҳижронани саҳна ичкарисига бошлиайди)*

### Қ а м и л л о

У қочмоққа узил-кесил қарор айлади.  
Кошки мен ҳам ҳамроҳ бўлиб жўнасам эди,  
Иўлда қўриқласам турли тасодифлардан,  
Унга хизмат қилсам, яна юртимга қайтиб,  
Яна ўша шўрпешона Леонти кўрсам,  
Кўрсам валинеъматим ва ҳукмдоримни,  
Тараҳҳумлар билан унинг ҳолини сўрсам.

### Ф л о р и з е л ь

Ўтишаман, маъзур тутинг, азиз Қамилло:  
Ташвишим кўл, назокатли бўлолмаяпман.

### Қ а м и л л о

Марҳаматли шаҳзодам, сиз эшитгандирсиз  
Отангизга қилган ҳалол хизматларимни.

## Флоризель

Ха, сиз ҳалол садоқатли хизмат қилдингиз,  
Отам буни айтишни кўп яхши кўради,  
Қандай мукофотласам, деб ўйлаб юради.

## Камилло

Хўп, шаҳзодам, бу тарафи жуда соз, зотан.  
Мен қиролни ва қиролнинг яқинларини  
Севаман, деб онт ичишга ҳожат йўқ экан,  
Сизни ҳам севаман, хизмат қилмоқчидирман.  
Кенгашимни қабул қилинг, айтайнин кушод —  
Сизни, яна сизнинг гўзал маҳбубангизни  
Қайси юртда қучоқ очиб, кутажаклар шод.  
Осмон паноҳингиз бўлсин! — Қўраман аён  
Фақат ўлим сола олур ўртага ҳижрон.  
Бас, пайсалга солмай, тезда никоҳдан ўтинг,  
Юмшатаман, мен қиролнинг қаҳри-заҳрини  
Ва сиз билан ярашмоққа ундишман уни.

## Флоризель

Қирол... биз билан-а. О, бу буюк мўъжиза!  
Камилло, жон дўстим, шундоқ қилсайдинг кошки,  
Истасанг, мен жонимни ҳам берайин.

## Камилло

Тўхтанг,  
Қай тарафга сузмоқчисиз?

## Флоризель

Ҳали номаълум,  
Кисмат бизга, қочингиз, деб айлади фармон,

Бўйсунамиз ва тақдирга келтириб имон,  
Шамол эслан ёққа сузиб кетаверамиз.

### Қ а м и л л о

Баски, шундоқ әкан — менинг маслаҳатим! Сиз  
Дарҳол Сицилия томон сузиб кетингиз.  
Сузиб кетингиз шу суюқ ёрингиз билан.  
(У сизники әканлиги кўрга ҳам равшан)  
Боринг тўппа-тўғри қирол Леонт ёнига.  
Ҳа, айтмоқчи, сизнинг гўзал ҳамроҳингизга  
Маликаларга хос зийнат, саруло керак.  
Леонт қучоқ очиб, сизни қаршилар бешак.  
Отангизнинг олдидаги гуноҳи учун  
Кўзига ёш олиб, сизга айттар тазарру,  
Кейин ўпар шаҳбонунинг қўлларини у,  
Меҳрини қиёслар собиқ нафрати билан  
Муҳаббати эса яшнаб қулф урар чунон.

### Ф л о р и з е л ь

Ва лекин, Қамилло, қай бир баҳона билан  
Қирол ҳузурида ҳозир бўламиз?

### Қ а м и л л о

#### Айтинг,

Қирол юборди деб дуо тасалли билан.  
Кейин ўзингизни қандоқ тутишингизни,  
Фақат уч кишига аён ушбу асрорни  
Қиролнинг номидан қандоқ айтишингизни  
Мен сизга ёзаман, азиз шаҳзодам, фақат  
Леонт билан учрашганда ҳар сафар албат  
Бу тўғрида такрор-такрор сўзламоқ керак.  
Сизда Поликсенни кўриб, қувонсин қирол,  
Отангизга ишонгандек ишонсин қирол.

## Флоризель

Ташаккур, Қамилло. Жуда ажойиб режа.

## Қамилло

Бу менингча яхшироқдир, сув-сарҳад кечиб,  
Бегона, ёт қирғоқларга томон юришдан.  
Олис, ғаним ўлкаларга қадам қўйишдан,  
Фалокатлар турар унда оғзини очиб.  
Унда машаққатлар чекиб, толиққан сайёҳ  
Тўхтар экан, лангариға суюнур фақат.  
Яна эсда тутиңг шуни, азиз шаҳзодам,  
Муҳаббатнинг тамалидир тўқис маишат  
Қайғу ҳусн-тароватни бузиб кетади,  
Туйғу деганингиз шунда тўзиб кетади.

## Ҳижрона

Ҳақ эмассиз, қайғу билан, машаққат билан  
Гул чеҳралар сарғаяди сарғайса, лекин —  
Асл туйғу собит қолар.

## Қамилло

О, баракалла!  
Қирқ йилда бир турилади сизга ўхشاши,  
Чўпон қиз.

## Флоризель

О, марҳаматли, азиз Қамилло!  
Унинг насл-насаби паст бўлгани билан,  
Қалби билан қиёфаси нақадар баланд.

### Ҳижрона

Бас, бу мақтovлардан тамом хижолатдаман.

### Флоризель

Менинг суюклигим, менинг гўзал Ҳижронам!  
 Қайси гуноҳимиз учун бу азиятлар!—  
 Сиз отамни қутқаргансиз, азиз Қамилло.  
 Дўсти-халоскорсиз. Нима қилишим керак?  
 Қирол Леонт ҳузурига бориш учун мен —  
 Маблағ, заррин либосларни қайдан оламан?

### Қамилло

Бу тўғрида ташвиш тортманг, азиз шаҳзодам.  
 Биласизки, бор давлатим Сицилияда.  
 Хат ёзиб бераман, сизга беришар кийим,  
 Ташвиш чекманг, ажабланманг, дея атайин;  
 Юринг яна бир гапларни сизга айтайин,

Четга чиқишиади.

Автолик киради.

### Автолик

Ҳа-ҳа! Эй, шу ҳалоллик дегани ўзи гирт аҳмоқлик эмасми! Унинг суюкли сингилчаси бўлмиш соддадиллик-чи? У ҳам гирт авомлик-ку! Латта-путталаримни уларга ошириб бўлдим. Сандигимда ҳеч вақо қолмади: на сохта олмослар, на ленталар, на ойначалар, на тўғнагичлар, на қўшиқлар, на тасмачалар, на қўлқоплар, на иплар, на тақинчоқлар, на узуклар — мана, бўмбўш! Худди мен баҳт келтирувчи туморлар сотаётгандек, ҳаммаси ўлиб-тирилиб ёпишди. Шунда кимнинг ҳамёни семизроқ бўлса, кўз остимга олиб қўйдим.

Оқилман деб мақтанган аиави масхаравоз қизларининг қўшиғига чуонам маҳлиё бўлдики, сўзи ва оҳангини ўрганиб олмагунча ёнимдан бир қарич ҳам жилмади. Ўнга қараб бошқалар ҳам оғизларини очиб тура беришиди, бутун жисмлари — қулоқ... Этак остидан истаган ҳамёнга қўл чўз, истаган чўнтакни кес, калит занжирини аррала — бирор пайқамайди. Ҳаммаси каминанинг қўшиғига маҳлиё, ўша олди-қочди гапларга гиргиттон. Улар шундоқ қўзларини бақрайтириб ухлаб туришаркан, мен байрамга деб қаппайтирилган ҳамёнларни ўмаравердим. Аиави эзма чол: «Вой, қизим-ей!», «Вой, шаҳзодамей!» деб кутилмаганда дод солиб кириб, похол титкилаётган зағчаларни чўчитмаганда борми, нақ ҳамён зотига қирон солардим.

**Камилло, Флоризель ва Ҳижрон асаҳа ичкари-  
сидан чиқиб келишади.**

### Камилло

Менинг хатим сизга ҳамроҳ бўлиб боради,  
Тарқатади унинг шубҳа-гумонларини,

### Флоризель

Қирол Леонт сизга ёзадиган хат эса...

### Камилло

Отангизга бир ажойиб тухфа бўлади.

### Ҳижрона

Осмон сизга паноҳ бўлсин! Ҳар бир сўз билан  
Бизга севинч бағишлайсиз.

### К а м и л л о

(Автоликни кўриб)

У ким бўлдийкин?

Ким бўлмасин, ҳамроҳ бўлур сизга аломат,  
Барча воситани ишга солишимиз шарт.

### А в т о л и к

Агар эшитиб қолишган бўлса — тамом, осилдим, дея-  
вер.

### К а м и л л о

Хой, азamat! Безгак тутгандай намунча қалтирайсан?  
Қўрқма, ёмон ниятимиз йўқ.

### А в т о л и к

Тақсир, мен бир фақир-бечораман,

### К а м и л л о

Шундайлигингча қолавер. Фақирликни ўғирлаб  
бўлмайди. Биз фақат бечораҳол кўринишингнингина  
олмоқчимиз, холос. Қани, бўл, ечина қол — бу жуда  
зарур, ошиам — кейин манави жаноб билан кийим-  
ларингни алмаштириб ол. Тўғри, у ютқизади, лекин  
бари бир сен устига тағин устама оласан.

### А в т о л и к

Тақсир, мен бир бечора-ғарифман. (Четга.) Ким-  
лигингизни кўриб турибман.

## К а м и л л о

Қани, қимирла, тезроқ! Күрмаяпсанми, жаноб ечин-япти.

## А в т о л и к

Ростдан-а? (Четга.) Мен бунақанги ҳазилкашликтининг таги зил кетишини биламан.

## Ф л о р и з е л ь

Бўла қол, ошнам.

## А в т о л и к

Албатта, саҳоватингиз учун ташаккур. Лекин, ростини айтсам, менга ноқулай...

## К а м и л л о

Белбогни еч тезроқ, қани, тугмани бўшат.

Ф л о р и з е л ь    в а   А в т о л и к    кийимларини алмаштиради-  
лар.

Саодатли гўзал, менинг башоратимга  
Фалак ўзи омад бериб, етказгай барор.  
Бутазорга кириб, қайта кийиниб чиқинг.  
Юзнигизни ўраб олинг бўйинбоғ билан,  
Шаҳзоданинг қалпоғини кўзга туширинг  
Ва гаваига ўтиб олиниг, кимдир шу маҳал  
Ўйлайманки, ортиигиздан кузатиб туар.

## Ҳ и ж р о н а

Ўйнаш керак, чамамда, нақ саҳнадагидай.

К а м и л л о

Баракалла. Тайёрмисиз, менинг шаҳзодам?

Ф л о р и з е л ь

Шу турқи-тароватимда ҳаттоки отам  
Танимасди дейман мени учратганда ҳам.

К а м и л л о

Иўқ, сиз қалпоқ киймаиг, уни буёққа беринг.

(*Қалпоқни, олиб, Ҳижронага узатади.*)

Маликам, сиз бора қолинг

(*Автоликка*)

Хайр, биродар.

А в т о л и к

Хайр, синьор!

Ф л о р и з е л ь

Ҳижронам, бир гапим бор эди...

(*Унинг қулогига шивирлайди.*)

К а м и л л о

(четга)

Мен қиролнинг олдига бориб,  
Уларнинг бу қочишидан этай хабардор.

Айтай, қай тарафга қараб қочганларин ҳам,  
 Қирол шунда қочоқларнинг изидан тушар.  
 Шубҳасизки, мен қиролга ҳамроҳ бўламан,  
 Шунда соғинганим гўзал Сицилияни  
 Кўриш яна насиб бўлар.

### Флоризель

Азиз Қамилло,  
 Осмон сизга паноҳ бўлсин. Биз йўлга тушдик.

### Қамилло

Хўп, хўп, бора қолинг. Тезроқ жўнаган маъқул.

Флоризель, Ҳижрона ва Қамилло кетишади.

### Автолик

Хо-хо! Ҳаммасини пайқадим, ҳаммасини эшитдим!  
 Үғри учун энг муҳими: тиккайган қулоқ, ўткир кўз ва  
 эпчил қўл, дейишгани бежиз эмас. Сезгир бурун ҳам  
 зиён қилмайди — ҳидлаб-ҳидлаб, бошқа тана аъзолари  
 учун бир зумда иш топиб беради. Лекин замонамиз —  
 каззобга жаннат. Бунақа айрибош устамасиз ҳам  
 дуруст; устамаси билан эса — худди ҳазинанинг ўзи.  
 Биздақаларга тангрилар мададкор, қаёққа қўл чўз-  
 майлик, ишимиз бароридан келаверади. Кимсан, шаҳ-  
 зода жувонбозлик йўлига кирибди, отасидан қочиб  
 кетяпти азамат, яна бўйнига осиғлиқ тоши ҳам бор.  
 Қиролни хабардор қилиб қўйишини номус бурчим деб  
 билганимдаям, бу гапни айтишга ошиқмасдим. Аммо  
 хабар қилмаслик — беномусликдан ҳам баттар. Бас,  
 ўз эътиқодимда қоламан.

Деҳқон билан Чўпон киради.

Четроқда турай. Яхши калла учун тағин бир иш  
 борга ўхшайди. Ақлли одам ҳамма жойда ўзига иш

топиб олади; истаган чорраҳада, истаган дўкон, бутхона, қозихона дейсизми, ҳаттоқи дор тагида ҳам.

### Деҳқон

! Бўлди, бас, қанақа одамсан ўзи! Қиролга айтиш керак, вассалом, менинг қизиммас, ташландиқ деб.

### Чўпон

Йўқ, сен аввал эшит...

### Деҳқон

Йўқ, сен эшитсангчи...

### Чўпон

Хўш, гапир.

### Деҳқон

Бас, у сенинг жону танингдан эмас экан, демак, қиролни ҳақоратлаган ҳам сенинг жону танингмас. Демак, сенинг жону танингни жазолаш ножоиз. Унинг ёнидан нималар топиб олгансан, барини кўрсат. Эгнида нима бор эди-ю бўйнида нима бор эди, хуллас, ўзи яшириб сақлаётганларидан бўлак, ҳаммасини. Кейин қонун дегани хуштагини чуриллатаверсин. Тупур, сенга нима.

### Деҳқон

Мен қиролга ҳаммасини айтаман: ўғлиниг тамом кори, бор кирдикорини. У отасини ҳам, мени ҳам лақиллатмоқчи бўлди — мени подшонинг муқарриби қилиб кўтармоқчи бўлди-я, хумпар.

## Д е ҳ қ о н

Балли, худди муқаррибус-султон қилиб кўтармоқчи бўлди! Шундоқ қилганда борми, қонимиз роса қимматлашарди, билмадим, бир қатраси неча минг танга баҳоланаарди.

## А в т о л и к

(четга)

Ақли бажо,вой,'қизталоқлар-ей!

## Д е ҳ қ о н

Юр, бўлмасам, қиролга учрашайлик. Тугунчадаги ни кўриб, ўзиям соқолини юлса керак.

## А в т о л и к

(четга)

Валинеъматимнинг қочишига ҳалал беришмаса, гўрга эди.

## Д е ҳ қ о н

Қиролни саройда учратолсак, бас.

## А в т о л и к

(четга)

Гарчи табиатан ўғри бўлсан ҳам, баъзан тўғри бўлиб кетаман. Атторлик аломатини яшириш керак.  
(Ясама соқолини юлади.) Ҳа ислиқилар, йўл бўлсий!

### Чўпон

Саройга, муҳтарам афандим.

### Автолик

Саройда ишларинг борми? Кимга ишларинг бор? Қанақа иш? Тугунчадаги нима? Исмингиз, унвонингиз, молу мулкингиз, таълим-тарбиянгиз, ёшингиз — ҳаммасини айта қолинг тезроқ!

### Декон

Биз фақиру ҳақирлармиз, тақсир.

### Автолик

Ёлғон! Сиз қўпол, исқирт одамларсиз, менга тўғрисини айта қолинг. Алдоқчилик — савдогарларга таллуқ. Улар биз, аскарларга ёлғон-яшиқ сотишади, биз уларга шамшир тифи биланмас, жарақ-жарақ тилла билан ҳақ тўлаймиз хуллас, улар бекорга ёлғон сотишмайди.

### Декон

Жаноблари чамамда бизга ҳам тўламоқчи эдилар-у лекин ўзларини тўхтатиб қолдилар шекилди.

### Чўпон

Тақсир, ижозатлари билан сарой аъёни бўлсангиз керак.

## Автолик

Ижозатлари биланми, ижозатлари биланмасми, лекин сарой аъёни эканлигим рост. Аъёнлигим кийнмидан аён эмасми? Аъёнлигим савлатимдан кўринмайдими? Ҳидимдан-чи, аъёнлигим сезилмайдими? Сенга бурнимни жийириб боқишимдаи-чи? Сенинг майдачуда ишларингни суриштирсам, дарров мени аъёнмас, деб ўйладингми? Мен бошимдан то оёғимгача қуиб қўйган аъёнман, сени саройга киритишим ҳам, киритмай, ҳайдаб юборишим ҳам мумким, қани, муддайингни баён қил!

## Чўпон

Тақсир, қиролга ишимиз бор эди.

## Автолик

Адвокатинг борми?

## Чўпон

У нимаси, тақсир, ижозатингиз билан?

## Деҳқон

Саройда адвокат деб куркани айтишади. Менда унақаси йўқ, десанг-чи.

## Чўпон

Тақсир, менда курка ҳам, хўроз ҳам, товуқ ҳам йўқ.

## А в т о л и к .

Қандай бахтки, туғилғанман бекзода бўлиб!  
Авом бўлиб тугилсан, не қилардим унда,  
Шунинг учун сизга шафқат айлагум пича.

## Д е ҳ қ о н

Улуг бир амалдор бўлса керак.

## Ч ў п о н

Кийими бажо, лекин кийиниши бежо.

## Д е ҳ қ о н

Бу баъзида сал овсарроқ бўлиб кўринадиган улуг амалдорнинг худди ўзгинаси. Баланд мартабали бир зот, тиш тозалагичи шундан далолат беради.

## А в т о л и к .

Анави тугундаги нима? Қутичами? Қутичада нима бор?

## Ч ў п о н

Тақсир, қутичада шундоқ бир сир борки, у ёлғиз қиролга аён бўлиши мумкин, агар қирол ҳузурига ҳозир кирсам борми, бу сирдан у дарров воқиф бўларди-қўярди.

## А в т о л и к .

Бекорга овора бўласан, қария.

## Ч ў п о н

Нега, тақсир?

**А в т о л и к**

Қирол саройдамас. У кемасига ўтириб, сайрга жўнади. Фаросатларинг етишса, айтай, қиролимизнинг бошига оғир қайғу тушган.

**Ч ў п о н**

Эшитдик, тақсир, бунга ўғли сабабчи эмиш, ў чўпон қизига ўйланмоқчи бўлибди.

**А в т о л и к**

Агар ўша чўпон қўлга тушмаган бўлса, қочиб қолгани маъқул. Уни шунақангি азобу уқубатлар, шунақангি қийноқлар кутадики, нақ одамнинг ичаги узилиб, ҳайвоннинг юраги ёрилади.

**Д е ҳ қ о н**

Ростданми, тақсир?

**А в т о л и к**

Ёлғиз унинг ўзимас, етти пушт уруғ-аймоги жаллод болтасига ем бўлади. Жазоси! Қандайдир пастикаш, эси айнаган қўйбоқар шаҳзодани куёв қилмоқчи бўлса-я. Айтишларича, уни тошбўрон қилишармиш. Лекин унақада осонгина ўлади-қўяди. Подшо тахтини қўтонга кўчириш! Ё тавба! Бунинг учун энг даҳшатли қатл ҳам оз!

**Д е ҳ қ о н**

Ижозатингиз билан, тақсир, ғолибо эшитмадингизми, ўша қариянинг ўғли ҳам бормикан?

### Автолик

Бор, унинг ҳам терисини шилишади. Қейин асал суркаб, қовоқари уясининг ёнига қўйиб қўйишади. Чала ўлик бўлмагунча ўша ерда тураверади. Сўнгра ароқми ёки шунга ўхшаш бирор ичимлик билан жон киргизиб, энг жазирама кунда тош деворга суюб қўйишади, ўша ерда жони узилгунча, пашшаларга таланиб ётаверади. Ҳа, ўша муттаҳамлар ҳақида гапиришдан нима фойда? Яхшиси, қиролга қандай ишингиз борлигини менга айта қолинг, афтидан фақир ва ҳалол одамлар кўринасиз. Мени яхшилаб хурсанд қылсангиз, бас, қирол ҳузурига бошлаб бораману унинг қулогига бир оғиз шипшитиб қўяман. Сизга қиролдан бўлак ёрдам бера оладиган ёлғиз менман.

### Декон

(чўпонга)

У жудаям зўр кишига ўхшайди. Мойла, мойлаб юбор, чўз тилладан. Амалдор дегани ўжар айиққа ўхшайди, лекин тилла берсанг, бас, бурнидан етаклаб юраверасай. Ҳамённи олиб, кафтига бўшат, вассалом. Ҳа, «тошбўрон қилишади, тириклайнин терисини шилишади», деганини унутма.

### Чўпон

Агар жаноблари бизга мадад бермоқчи бўлсалар, мана, мендаги бор тилла. Физиллаб уйга бораману яна шунча ола келаман, унгача манави йигитча қўлингизда гаров бўлиб тураверади.

### Автолик

Айтганимни олдин бажарай, кейин қолганини бе-  
рарсан.

## Чўпон

Хўп бўлади, жаноблари.

## Автолик

Хўш, ҳозирча ярмини бера қол. Сен ҳам шу ишнинг ташвишидамисан?

## Декон

Қисман шунақароқ, муҳтарам афандим. Мекинг теримда юришнинг хосияти камроқ, лекин шундай бўлса ҳам уни шилиб олишмайди, деган умиддаман.

## Автолик

Фақат чўпон ўғлиниң терисини шилишади. Ёки уни дорга осишади, бошқаларга ибрат учун.

## Декон

Баракалла, тасалли бердинг.—Йўқ, биз қиролга учраб, унга гаройиботларни кўрсатайлик. Ҳалиги сенинг қизинг, менинг синглим эмаслигини айтайлик, йўқса, ўлдим, деявер. (Автоликка.) Тақсир, иш битгач, мен ҳам шунча тилла бераман, қария уйдан тилла келтирмагунча, қўлингизда гаров бўлиб туравераман.

## Автолик

Мен сизларга ишонаман. Унг томонга, денгиз қирғогига қараб юринглар. Мен бир зумда нариёққа ўтиб, ортингиздан етиб оламан!

## Деҳқон

Шундоқ одамнинг бизга йўлиққани — худонинг инояти, ҳа, худонинг инояти.

## Чўпон

Унинг айтганига юрайлик. Уни бизга фалак ўзи мададкор қилиб юборган.

Чўпон ва Деҳқон кетишади.

## Автолик

Борингки, мен ҳалол одам бўлишга аҳд қилдим, дейлик, лекин бари бир қисмат бунга йўл қўймайди. У ўлжани нақ оғзимга келтириб солади. Бу гал неъматига икки карра мұяссар этди. Ҳам тилла олдим, ҳам хўжайним бўлмиш шаҳзодага хизмат қилдим. Шу сабаб бўлиб, мартабам зиёда бўлса, ажабмас. Аnavи миясиз каламушларни шаҳзоданинг кемасига тўғрилайман. Шаҳзода уларни тингламай, кемадан ҳайдаб туширса, майли, хизматим ҳақига мени саёқ, деб сўқаверсин. Бунақанги ном билан мени чўчитиб бўйсан, дашномларга этим ўлиб, ўрганиб қолганман. Хўш, анавиларни шаҳзода олдига бошлаб борай-чи, зора бирор гап чиқиб қолса. (*Кетади.*)

## БЕШИНЧИ ПАРДА

### БИРИНЧИ САҲНА

Леонт саройида бир зал.

Леонт, Клеомен, Дион, Паулина ва бошқалар  
киришади.

#### Клеомен

Беҳуда ғам-алам чекиш, шоҳим, бас энди.  
 Ахир гуноҳ учун роса тўланди товоң,  
 Айбни босиб кетди андуҳ билан пушаймон.  
 Фурсатидир энди маъзур тутсангиз ўзни,  
 Маъзур тутган каби сизни шу қодир фалак,  
 Ҳудовандлар унуганни унутмоқ керак.

#### Леонт

То ўлгунча ёд этарман Гермионани;  
 Юрагимни ёқар айбим — қора қилмишим.  
 Қандай қилиб маъзур тутай қабоҳатимни,  
 Қабоҳатки, ворисимдан жудо айламиш,  
 Қабоҳатки, қуёш каби оламда танҳо  
 Ўша жону жаҳонимни қабрга солмиш.

#### Паулина

Таассуфки, айтганингиз бағоят тўғри!  
 Дунёдаги бор хотинни йифиб мабодо,  
 Ҳар биридан бир фазилат олиб, ягона —  
 Санам ясалганда, шоҳим, ўша ҳам балки  
 Үлдирилган малиқамга тенг келолмасди.

### Леонт

Ха, сўзинг ҳақ! Ўлдирилган... ҳмм... ўлдирилган...  
 О, сен аямайсан, шартта чақиб оласан!  
 Хўш, нима ҳаққинг бор... Майли, чўзмайлик ортиқ.  
 Аммо сен ҳам таъналарни бақ қил тамоман!

### Клеомен

Ахир минглаб мавзу боис-баҳона бор-ку  
 Сизнинг меҳру оқибатга муносиб, лойиқ,  
 Яна подишо учун суду самарга тўлиқ.

### Паулина

Мен биламан, уйлантирмоқ бўласиз уни.

### Дион

Хўш, айтинг-чи, бундан зарур тадорик борми?  
 Хоним, юртнинг қисматига ачинмайсизми?  
 Шавкатли бир насл қуриб битса майлим?  
 Ўйлаб кўринг ахир, қандай бало қўзгалур  
 Қиролимиз таҳт устида қолса бефарзанд.  
 Бизга қувонч-тасаллидир: марҳум руҳи  
 Парвоз этиб, ноил бўлди равзага чиндан.  
 Энди тирик қолганларни ўйламоқ зарур.  
 Янги ворис таваллуди сингари, зеро,  
 Нима бор давлатга яна муҳим, бебаҳо?

### Паулина

Қирол учун маликани қайдан топасиз,  
 Ки фазл аро марҳумага тенг келсин ўша?  
 Мумкинмидир сира шундоқ қайсарлик билан  
 Қарши турмоқ тангриларнинг иродасига?  
 Ё Аполлон баҳоратин унутдингизми?  
 Қодир худо айтган эди, йўқолган қизи

То топилмас экан, Леонт безурёд қолур.  
 У топилса, Антигоним уйига қайтса,  
 Бу хаёлга сиғмас буюк мўъжиза бўлур.  
 Аммо илож қанча? Тақсир, маслаҳатингиз  
 Тескаридир самоларнинг измига тамом.  
 Ворис топилади, шоҳим, хотиржам бўлинг!  
 Ахир биласиз-ку, ўша Буюк Искандар  
 «Лойиқ кимсага» деб тахтни мерос қолдирган.  
 Кейин унга ўшайдоқ бир ворис топилган.

### Леонт

Балли, Паулина, азиз Гермионанинг  
 Хотирасин юрагингда тутасан эзгу.  
 Агар маслаҳатларингга қулоқ солсайдим,  
 Ҳозир бадбахт эмас, балки баҳтли бўлардим  
 Унинг хумор кўзларига термулиб такрор,  
 Лабларидан жон бўсасин ғлар эдим мен.

### Паулина

Уша лаблар ўзни қанча этмасин нисор,  
 Ноз-неъмати тугамасди сира ҳам.

### Леонт

#### Балли!

Унақаси топилмайди! Агар бошқага  
 Юрагимни берсам, гўзал Гермионанинг  
 Күтлуг руҳи қад кўтариб қаршимда тикка,  
 Сўрамасми мендан: «Недур гуноҳим?»— дея.

### Паулина

У ҳақ бўлур агар шундоқ савол сўраса.

Леонт

Албатта ҳақ. Уйнашга ҳам ҳатто қўрқаман,  
Үлдирадим шуңда янги хотинимни мен.

Паулина

Мен-чи, яшар эдим фақат шунга орзуманд  
Маликанинг руҳига мен кира билсайдим,  
Шитоб билан қаршиғизда бўлардим пайдо.  
«Янги ёрнинг кўзларига термулинг, кейин  
Кўнглиңгизни айтинг!»— дея солардим нидо.  
Сўнгги қичқириғим: «Эсла, унутма мейи!»  
Ларза солур эди сизга қалдироқ каби.

Леонт

Юлдуз бўлиб порлар эди унинг кўзлари,  
Бошқаларнинг кўзлари-чи — кўмирдай хира.  
Паулина, хотиржам бўл, Леонт кўнглини  
Ўзга ёрга бермас, энди уйланмас сира.

Паулина

Бас, ҳозироқ қасам ичинг, фақат ва фақат  
Сенинг розилигинг билан уйланурман деб.

Леонт

Жоним ҳақи, мен шундоқ деб қасам ичаман.

Паулина

Сиз, жаноблар, қасамига шоҳид бўлингиз.

Клеомен

Уни боплаб боғладингиз!

Паулина

Узим ечаман!  
Агарда Гермионага ўхшашин топсам.

Клеомен

Хоним...

Паулина

Жим бўлингиз!— Шоҳим, яна бир карра  
Уйланишни этаркансиз агар ихтиёр,  
Изн беринг, топиб берай мен сизга дилдор.  
Бир санамни биламан мен, Гермионадан  
Сал каттароқ, лекин унга жуда ҳам монанд.  
Ки, марҳума маликанинг руҳи шубҳасиз  
Бу никоҳни олқишилаб, оқ фотиҳа ўқир.

Леонт

Дўсти содиқдирсан! Майли, сенга инондим,  
Тақдиримга ўзинг энди топавер тадбир.

Паулина

(четга)

Уйланмайсиз, подшоҳим, ошиқманг мунча,  
Гермиона қабрдан то қўзғолмагунча.

Сарой аъёни қиради.

## А ъ ё н

Хукмдорим, ташриф этмиш хорижий бир зот,  
 Флоризель деб ўзини танитди бу дам,  
 Богемия шаҳзодаси, Поликсен ўғли,  
 Унга ҳамроҳ — ёш малика, сулув бир санам.

## Леонт

Нима? Шундоқ тасодифан! Бу мумкин эмас!  
 Бундоқ ташриф унинг исми шоҳонасига  
 Ярашмайди. Қалай, кўпми хос маҳрамлари?

## А ъ ё н

Ҳамроҳлари кўпмас, уч-тўрт хизматкор, холос.

## Леонт

Улар билан биргамидир ёш малика ҳам?

## А ъ ё н

Бир санамким бунақасин дунё кўрмаган.

## Паулина

О' қайдасан, Гермиона! Янги замона  
 Кибру ҳаво билан боқур эски айёмга.  
 Сен, марҳума, энди чиндан йўл бўшатурсан  
 Янги ҳусну малоҳатга, зеби жаҳонга.  
 Ахир ёзгансиз-ку унинг қабр тошига:  
 «Бунақаси бўлмаган, йўқ, бўлмагай!» дея.  
 Уша завқу сууриингиз сўнибди, эвоҳ  
 Мана, янги келган меҳмон сизга дилрабо!

## А ъ ё н

Хоним, маъзур тутинг. Марҳум маликамизни  
 Қарийб унубибман, лекин, тутингиз маъзур,  
 Агар бир кўрсангиз ўша ёш шаҳбонуни,  
 Лабингиздан мақтов эмас, шаккар тўкилур.  
 Таърифини айтотмайман, бу ерда барча  
 Оёғига бош қўярди.

## П а у л и на

Э, қўйсангиз-чи!  
 Хотинлар ҳам бош қўярми?

## А ъ ё н

Ха, хотинлар ҳам  
 Уни хуш кўради, чунки ягонадир у,  
 Биз эркаклар учун асл дурдонадир у.

## Л е о н т

Сен, Клеомен, дўстлар билан чиқиб қарши ол  
 Ва бошлаб кел меҳмонларни қучогимизга.

Клеомен ва бошқалар чиқишади.

Бу — сирли бир жумбоқ бўлиб туюлар менга.

## П а у л и на

О, агарда шаҳзодамиз тирик бўлганда,  
 Дўстлашарди балки анув ёш меҳмон билан.  
 Ахир, улар тенгдошлар-ку.

### Леонт

О, Паулиша!

Бас қил! Шаҳзодани ҳар гал сўзлар экансан,  
Менга худди қайта бошдан ўлгандай бўлар.  
Нега бундай қилдинг, яна ёслатдинг уни —  
Мен меҳмонни кўриб энди бўлурман жинни  
Ана, ўзи келяпти.

Клеомен, Флоризель, Хижрона ва бошқалар  
киришади.

Қани, марҳабо!

О, шаҳзода, садоқатли экан ойингиз!  
Онт ичаман, отангизнинг худди ўзисиз.  
Агарда-чи, йигирма йил ёш бўлганимда,  
Қучоқ очиб қичқирардим: марҳамат, оға!  
Сизни турфа-турфа сўзлар, ажиб туйгулар,  
Шўхликлару умидларга кўмардим тамом.  
Салом, сизга, шаҳзодам! О, шаҳбону салом!  
Мунча латиф бўлмасангиз, мунча дилором!  
Эвоҳ, сиздек болаларим бор эди маним,  
Бахтли ота бўлур эдим мен ҳам беармон,  
Ҳайҳот, ўз бахтимни ўзим хароб айладим,  
Шак келтирдим отангизнинг дўстлигига ҳам.  
Лекин ҳалигача уни севаман жондан,  
Уни яна кўрсам дейман, кўрмоқ истайман

### Флоризель

Бизлар ташриф этдик унинг хоҳиши билан.  
Отам сизга, соҳиби тож биродарига  
Дуо, салом айтиб қолди юрак-юракдан.  
Бемор бўлмасайди, руҳий қуввати тушкун,  
Ўзни сезмасайди ҳорғин, шикасталардек,  
Сиздек ҳукмдорни келиб қучмоқлик учун  
Дашту денгизларни кечиб ўтарди бешак.

## Леонт

О, менинг жон биродарим! Нақадар комил!  
 Ва нақадар олижаноб, дарёйи ҳиммат!  
 Мени баттар ёндиromoқда уят, хижолат.  
 Таширифингизга мен шодман, жигарбандларим,  
 Баҳор чоги ер қуёшга қувонганидай.  
 Аммо айтингиз-чи, шундоқ ҳусни жамолни  
 Отангиз тоғ тўлқиниларга ишонмиш қандоқ,  
 Наҳотқи бир номуносиб оғайнини деб,  
 Шаҳбонуни машақатга қўйибди шундоқ?

## Флоризель

Подшоҳим, сизнинг азиз останангизга  
 Тўппа-тўғри Ливиядан келдик.

## Леонт

Мард Смал  
 Диёридан десангиз-чи, уни то ҳануз  
 Севишар ҳам чўчишади ундан шундоқми?

## Флоризель

Шундоқ, шоҳим. У соҳилда ёш тўкиб қолди  
 Қизи, дилбандини менинг кемамга йўллаб.  
 Хайллашдик ва жанубий шамоллар билан  
 Отамизнинг саломини етказмоқ учун  
 Суза кетдик сизнинг азиз соҳилга қараб.  
 Сицилия қирғозидан маҳрамларимни  
 Мен жўнатдим, то отамга бориб айтсинглар —  
 Маликанинг висолига ноил бўлганим  
 Ва соғ-омон юртингизга етганимни ҳам.

### Леонт

Токи бунда экансиз, бу тупроқ-замйинни  
Худовандлар ёрлақайди, безайди шараф.  
Қодир қисмат отангизни хизматлари-чун  
Садоқатли фарзандларга этмиш мушарраф.  
Осиyllигим учун тақдир куйдирди мени,  
Кошки кўра олсам эди ўғлим, қизимни!

Мулозим киради.

### Мулозим

Хукмдорим, изн беринг, ғалати хабар,  
Бир хабарким, ишониш ҳам қийиндир, бироқ  
Ҳамма ҳақиқат деб уни тасдиқ этмоқда!  
Богемия шоҳи сизга салом йўллайди,  
Рутба, номус ва бурчини унутиб қўйган,  
Битта чўпон қиз-ла қочиб бу ёққа келган  
Шаҳзодани тутиб туришингиз сўрайди.

### Леонт

Қани ўзи? Қирол қайда?

### Мулозим

Шунда, шаҳарда,  
Ҳозир тўппа-тўғри унинг қошидан келдим.  
Сўзларим ҳам узуқ-юлуқ, нега десангиз,  
Воқеалар бир-биридан ажиб, ғаройиб.  
Яна гапничувалтирдим, маъзур тутингиз,  
Қирол келар экан сизнинг саройга томон,  
Оёғига йиқилишди иккита чўпон.  
Ёш шаҳзода билан бирга бу ёққа қочган  
Сохта шаҳбонунинг ота, бғаси экан.

## Флоризель

Бизни сотмиш олижаноб, ҳалол Қамилло!  
Ақд бовар этмас!

## Мулозим

Сўраб кўринг ўзидаи.  
Қирол билан биргадир у.

## Леонт

Ким у? Қамилло?

## Мулозим

Ҳа, подшоҳим, мен у билан гаплашдим ҳатто.  
Чўпонларни сўроқ қилди ўша. Воажаб!  
Шўрликларни қўрқув бўсиб, ўрабди даҳшат.  
Улар қирол оёғида ёниб-қалтираб,  
Ёш тўқади, ер ўпади, қасам ичади.  
Қирол тингламайди, баттар ғазаб қиласди,  
Ҳатто ўша осмоннинг ҳам қути ўчади.

## Ҳижрон

Шўрлик отам! Ишимизни бузмоқлик учун  
Фалақ бизга нобакорни йўлламиш бугун.

## Леонт

Сиз никоҳдан ўтганмисиз?

## Флоризель

Юлдузлар балким  
Денгиз билан топишади, бизга бу мушкул.

## Леонт

Хўш, айтинг-чи, шаҳзодам, шу сиз севган санам  
Подио наслиданми?

## Флоризель

Шундоқ бўлур, албатта,  
Менга хотин, чин рафиқа бўлган фурсатда.

## Леонт

Ҳайҳот, энди у фурсатни узоқ қутасиз,  
Отангизнинг ҳаракати ундайди шунга.  
Афсус, афсус, кўп афсуслар бўлсин, шаҳзодам,  
Ки фарзандлик бурчингизни бузмоқ бўласиз.  
Ачинаман, ачинаман, сиз севган санам  
Насаб эътибори билан сиздан жуда паст,  
Ҳайҳот, шу сабабдан сизга хотин бўлолмас.

## Флоризель

О, сен менинг кўзларимга боққил, азизам!  
Майли, ғаним бўлсин бизга отам, худолар,  
Ишқим собит турар, ҳалок этолмагайлар —  
Сизга ёлбораман, сизга, подшоҳи олам.  
Бир замонлар ёш бўлгансиз, севгансиз сиз ҳам —  
Фақат сиз берарсиз менинг ишқимга нажот.  
Ахир, ҳеч нарсани сиздан отам аямас,  
Тортиқ этар сизга бутун хазинани ҳам!

## Леонт

Шунақами, мен билмасдим, бўлмаса менга  
Бера қолсин қимматбаҳо қайлиғингизни.

## Паулина

Хўқмдорим, кўзингизнинг чақнаши бежо!  
 Эсга олинг, ўлимидан беш ҳафта бурун  
 Рафиқангиз бундан гўзал эмас эдими?

## Леонт

Ажаб... унда мен... ўшани... кўргандай бўлдим!

## Флоризелга

Ҳа, айтмоқчи, сизга ҳали жавоб бермадим,  
 Мен розиман ҳаммасига. Отангиз қани?  
 Биз у билан гаплашамиз, ваъда бераман.  
 Никоҳингиз ор-номусга зид бўлмаса, бас.  
 Мен сизларга дўстман, қани, юринг, шаҳзодам.

Кетишади.

## ИККИНЧИ САҲНА

Сицилия. Леонт саройи олдида  
 Аслзода ва Автолик.

## Автолик

Маъзур тутасиз, тақсир, сиз шу воқеаларнинг  
 гувоҳи бўлдингизми?

## Аслзода

Қутичани очишганини ўз кўзим билан кўрдим:  
 Чўпон бир нималар деб ҳикоя қила боцлади. Бирдан  
 уларнинг юзида улуғ ҳайрат, таажжуб намоён бўлди.  
 Ҳаммани четга чиқишига буюриши. Мен чўпон чақа-  
 лоқни топиб олганини эшишиб қолдим, холос.

## А в т о л и к

Ажаб, иш нима билан тугадийкин?

## А с л з о д а

Бу ёғи менга маълум. Қирол билан Қамиллонинг юзлари бўздек оқариб кетди. Кўзлари нақ қинидан чиққудек чақчайиб қолди. Улар жим туришар, лекин ҳайратлари шу даражада эдиким, гўё бутун дунё остин-устин бўлган ёки қайта туғилаётгандек эди. Бу — қайфуми, қувоиёми, билиб бўлмасди. Ҳар ҳолда уларга аён бўлган нарса ғоят ҳайратомуз эканлиги рост. Балки манави келаётган жаноб кўпроқ нарса билар.

Иккинчи аслзода киради.

Не янгиликлар бор, Рожерс?

## Иккинчи аслзода

Янгилик шуки, ҳаммаёқда байрамга тараддуд кўришяпти. Оракулнинг башорати рўёбга чиқди. Қиролнинг қизи топилди. Сицилияда шу бир соат ичидагўй берган мўъжизаларни куйлаб берішга шоирлар етишмаяпти.

Учинчи аслзода киради.

Мана, Паулина хонимнинг мулозими. У балки мендан ҳам кўпроқ хабардордир. Не гаплар, синьор? Булар бари худди эртакка ўхшайди, одамнинг ишонгиси ҳам келмайди. Қирол қизини топиб олгани ростми?

### Учинчи аслзода

Айни ҳақиқат. Даиллар шунақаки, рад этишга оғиз ҳам очолмайсиз. Малика Гермионанинг либоси, унинг чақалоқ бўйнига таққан маржони, Антигоннинг қутичага солинган мактуби, имзоси — ҳаммага таниш, ниҳоят, ёш қизнинг шоҳона, қиёфаси, ойисига ўхшашлиги, юриш-туришидаги олижаноблик ва ҳоказо минглаб аломатлар унинг қирол қизи эканлигидан далолат беради. Қиролларнинг қандай учрашганини кўргандирсиз?

### Иккинчи аслзода

Кўрмадик.

### Учинчи аслзода

Аломат бир томошани кўрмай қолибсиз. Уларнинг қувонганини кўрсангиз эди! Кўз ёшларини айтмайсиз ми! Назаримда, уларнинг юракларини тарқ этаётган ҳасрат-надоматнинг ўзи йиғлаб ёш тўкаётганга ўхшарди. Йиғлайвериб, қиролларнинг юзлари шишинқираб, ажабтовур бўлиб қолди, уларни фақат кийимларидан таниса бўларди. Қиролимиз қизи топилганидан юраги тарс ёрилай деди. Лекин қувончи бошқа бир қайғусини эслатди-ю, шўрлик: «О, Гермиона! О, Гермиона!»— деганча дод-фарёд солди. Кейин Богемия қиролидан узрлар сўради, кейин куёвини қучоқлай кетди, кейин қизини тағин шундоқ бағрига босдики, асти қўявера-сиз. Кейин не-не салтанатлару салотинларни кўрган, не-не бўронлару суронлардан титиги чиққаш ҳайкалдек бўлиб, қотиб турган чўпонга ташаккурлар айтди. Хуллас, кўз кўрмаган, қулоқ эшитмаган гаплар.

### Иккинчи аслзода

Болани олиб жўнаган Антигонниң ҳоли не кечдийкин?

### Учинчи аслзода

Бу ҳеч ким бовар этмайдиган ва ҳаттоқи эшитишни ҳам истамайдиган бир чўпчакка ўхшайди: Антигонни айиқ тилка-пора қилган. Чўпоннинг ўғли шундоқ деб айтди, гапининг чинлигига ёлғиз сামимиятию содалиги эмас, марҳумдан қолгаи узук билан рўмолча ҳам далил, Паулинна уларни бир қарашда таниди.

### Биринчи аслзода

Унинг кемаси, шериклари-чи?

### Учинчи аслзода

Айиқ Антигонни ўлдирганда кема чўпоннинг шундоқ кўз ўнгига чўкиб, гарқ бўлган. Чақалоқقا нажот етганда, ўша манфур ишга бош қўшганларга завол етган. Чўпон уларнинг ҳалокатини сўзлаб берди. Шўрлик Паулинанинг қалбида қўзғолган қайғу ва қувонч тўғёнини кўрсангиз эди! У эрига куйиб, каромати ҳақ бўлган оракулга шукронга айтар эди. У шаҳбонуни кўтариб, шундоқ бағрига босдики, гўё тағин йўқотиб қўймаслик учун уни кўксига жо қилмоқчими, дейсиз.

### Биринчи аслзода

Ҳа, буюк актёрларга муносиб бир саҳна бўлибди.

### Учинчи шаҳзода

Аммо менинг кўз ёшларимни дарё-дарё қилиб оқизган нарса бошқа. Маликанинг ўлими ҳақидаги ҳикоя, қиролнинг ҳалол ҳикояси, қайгули иқорори шаҳбонуга қанчалар таъсир қилганини кўрсангиз эди! У

аввалига жим туриб тинглади, сўнг бирдан «Қандай қаро қун!»— дея қичқириб юбордию қонли кўз ёшлирига гарқ бўлди. Нега қонли, дейман, негаки ўшанда менинг юрагимдан ҳам қонлар силқиб оқди. Ўшанда энг тошюрак кишилар ҳам бўзариб кетишди, бошқалар ҳушидан ажради. Ялпи мотам бўлди, мотам.

### Биринчи аслзода

Улар саройга қайтишдими?

### Учинчи аслзода

Йўқ, шаҳбону Паулина уйида марҳум маликанинг ҳайкали бор, деб эшитган экан. Меъмор Жулио Романо ясаган бу ҳайкал шундоқ мукаммал эмишки, ҳатто табиат билан ўзишармиш, камчилиги жон ва нафас эмиш, холос. Ҳайкал Гермионага шунчалар ўшармишки; кўрганлар беихтиёр тирик деб ўйлаб, савол берив, жавоб кутишармиш. Шаҳбону бесабру қарор бўлиб ўша ёққа жўнади. Улар ҳаммаси кечликни ўша ерда қилишмоқчи.

### Иккинчи аслзода

Мен ҳамиша Паулинада бир сир бўлса керак, деб ўйлардим. Гермиона ўлимидан бўён у ҳар куни иккича карра овлоқ боғласига қатнайди. Биз ҳам ўша ёққа бориб, байрам қилмаймизми?

### Биринчи аслзода

Жон деб борамиз. У ерда ҳар дақиқа қувончли бир ҳангама. Томошадан қолмайлик. Юринглар.

Аслзодалар кетишади.

## А в т о л и к

Кечмишимда ҳалигидек доғ-дуғлар бўлмаганида ҳозир баланд бир пояга чиқишинг айни мавруди эди. Ахир, чўпон билан ўғлини кемага, шаҳзода олдига бошлаб борган ким? Қамина! Уларнинг қутича ва алламбалолар ҳақида валақлашларини айтиб берган ким? Яна камина! Фақат шаҳзода ҳалиги соҳта чўпон қизи-ю, унинг денгиз касали билан овора, кайфи бузук эди. Денгиз ҳам қутургандан қутуриб, сира тинчтмади, сир сирлигича қолаверди. Э, қайғуришга бало борми: ўша сирни мен очганим билан гуноҳларим юнилармиди!

Чўпон ва Декон киради.

Ана, мендан беихтиёр лутфу марҳамат кўрганлар келишяпти. Севинчлари ичларига сўғмайди.

## Чўпон

Ўғлим, менинг фарзанд кўришим даргумон. Лекин сенинг ўғил-қизларинг энди аслзода бўлиб туғилади.

## Декон

*(Автоликка)*

Тақсир, сизни учратганимдан бағоят хурсандман. Яқинда, аслзода эмассан, деб мен билан яккама-якка чиқишдан бош тортгандингиз. Кийимларимни кўряпсизми? Кийимларингни кўрмаяпман ва сен аслзода эмассан, деб айтиб кўринг-чи! Яхшиси бу камзул чин аслзодаларники эмас, деб айта қолинг. Қани, ёлғон айтапсан, денг-да, чин аслзодалигимни кейин синаб кўраверинг.

## Автолик

Кўриб турибман, тақсир, энди чин аслзодасиз.

## Деҳқон

Ҳа, мана тўрт соатдан буён шу унвондаман.

## Чўпон

Мен ҳам шундоқ, болам.

## Деҳқон

Тўғри. Лекин аслзодаликка мен отамдан олдинроқ ўтдим. Нега десангиз, шаҳзода қўлимдан тутиб, мени биродар, деди. Кейин иккала қирол ҳам отамни биродар деб аташди. Шаҳзода акам, малика синглим отамни «ота» деб аташди. Шунда биз йиғладик, бу аслзода бўлиб тўккан илк кўз ёшларимиз эди.

## Чўпон

Омон бўлсак, тағин бўлаверади, болам,

## Деҳқон

Албатта-да, аслзода бўлгандан кейин шундоқ бўлишиям керак-да.

## Автолик

Тақсир, ўтинаман, жаноблари олдидаги гуноҳларимни маъзур тутсалар, собиқ хўжайиним бўлмиш шаҳзодага мен учун бир оғиз шипшишиб қўйсалар.

## Чўпон

Үғлим, йўқ дема, хўп деявер. Олижаноблар сафига ўтгандан сўнг олижаноб бўлиш ярашади.

## Деҳқон

Хўш, анави ҳунарингни қўясанми?

## Автолик

Албатта, тақсир, агарда шунга амр этсалар.

## Деҳқон

Қўлни бер. Мен сени Богемиядаги ҳар бир кимсадек бафоят ҳалол, бафоят садоқатли, деб шаҳзодага қасам ичаман.

## Чўпон

Айтиш кифоя болам, қасам ичишинг нимаси?

## Деҳқон

Аслзодаман-ку, қасам ичмасам, қандоқ бўлади? Фуқаро шунчаки айтади-қўяди, мен эса қасам ичаман.

## Чўпон

Агар айтганларинг ёлғон чиқса-чи?,

## Деҳқон

Қанчалар ёлғон чиқмасин, чин аслзода дўсти учун қасам ичаверади. Қинғир йўлдан юриб, ароқхўрлик

қилишингни-ку биламан, лекин бари бир шаҳзодага сени «ҳаппа-ҳалол, оғзига ароқ олмайдиган фаришта» деб қасам ичаман. Ҳа, албатта, қасам ичаман.

### А в т о л и к

Мен, тақсир, бажону дил буни исбот этаман.

### Д е ҳ қ о н

Энг муҳими, ҳалол номусли бўлишингда. Агар ўшанда ҳам, нега ароқхўрлик қилмаяпсан, деб ажабланмасам, мени алдоқчи деб атайвер.

Карнайлар чалинади.

Эшитяпсанми, қироллар ва шаҳзодалар, қавми-қариндошларимиз маликанинг ҳайкалини кўргани кетишяпти. Кетдиқ, ҳа, сен ҳам ортимиздан юравер, биз сенга муруватли хўжайинлар бўламиз.

Кетишади.

### УЧИНЧИ САҲНА

Паулина уйида бир хона,  
Леонт, Поликсен, Флоризель, Хижона, Ка-  
милло, Паулина, аъёнлар ва хизматкорлар  
киришади.

### Леонт

Азиз Паулина, сенга таҳсин, ташаккур,  
Сендан миннатдорман.

### Паулина

Аё, азаз ҳукмдор!  
Баъзан бир оз жаҳлингизни чиқарган бўлсам,

Фаразданмас, яхшиликни соғинганимдан.  
Сиз ҳам менга яхшиликлар қилдингиз бисёр.  
Аммо бугун оғайнингиз — шаҳриёр билан,  
Ворисингиз — кедин-куёв, баҳтиёр билан  
Менинг останамга қадам қўяр экансиз,  
Қаминага марҳаматлар этдингиз қанча,  
Қаршингизда қарздордирман умрим борича.

### Леонт

Паулина! Гапнинг рости, бу ташриф ила  
Тинчинг бузиб сени фақат ташвишга қўйдик.  
Қўрғонингни бажону дил қилгум томоша.  
Аммо лекин шаҳбонуга айтганинг ўша —  
Ҳайкал қани, ойисининг ҳайкали қани?

### Паулина

Ҳаёт эканида бекам бемисол эди,  
Шунинг учун тимсоли ҳам беназир бўлди.  
Не-не санъат деғанлари қолдилар йўлда,  
Жоизмидир энди ўша даҳлизда турса.  
У — анави ерда. Ажаб, совуқ тош-заранг  
Тирик маликага шунча ўхшашки, ҳатто  
Ўлик билан ухлоқ шунча ўхшамас, қаранг!

Пардани очади, шоҳсунада ҳайкалдек қотиб турган Гермиона намоён бўлади.\*

### Леонт

Ақл бовар қилмас! Ажаб! О, гўзал, мармар,  
Кошки, оғир дашномларинг эшитсан энди,  
Гермиона! — дея ёниб қичқирсан эди!  
Жим турасан, этолмайсан аччиқ таъналар...  
Шу билан ҳам севгилимга ўхшайсан жуда.  
Лекин, Паулина, ажаб, бу ажинларни

Мен илгари кўрмагандим Гермионада.  
У бу ерда ёши бир оз улгайган.

Поликсен

Тўғри.

Паулина

Бу — устанинг маҳорати маҳсули, сеҳри.  
Бекам ўлмагандай ҳамон унинг наздида  
У бекамни ўн олти йил яшатган бунда.

Леонт

Шу ҳолича менга айни саодат эди.  
Жоним пайваст этар эдим жонига, бугун—  
Тилсиз мармар қаршисида турибман дилхун.  
На сўзу, на тавалло, на кўз ёши билан.  
Номус, шармандалик! Ажаб, назаримда у  
Мен тош эмас, ўзинг тошсан, дегандек, ёху!  
Иўқ-иўқ, бу бир жодугарлик! У гўётирик!  
Эсимда бор... Эсимда бор... Қизим, сен қара,  
Ишонмайсан? Нима бўлди сенга, Ҳижронга,  
Нега сен ҳам ҳайкал каби тош қотиб қолдинг...

Хижона

Подшоҳим, изн беринг — билмайман, нега...  
Изн беринг, қаршисида тиз чўка қолай,  
Оқ фотиҳа сўраб, унинг дуосин олай.  
Менинг азиз онажоним, азиз маликам,  
Қўлингни бер, қўлларингдан ўпайин мен ҳам!

Паулина

Қўл тегизманг! Бўёқлари ҳади қотмаган.

### Камилло

Аъло ҳазрат! Аламларни отинг батамом!  
 Үн олти йил! Ахир, фақат айтмоққа осон!  
 Қандай толе эта олур шунчалар давом,  
 Қандай қайғу топа олур шунчалар поён!

### Поликсен

Менинг азиз биродарим, агар билсайдим —  
 Чорасини, ўзимни минг куйга солардим,  
 Сенга нажот бағишилардим, дардинг олардим.

### Паулина

Подшоҳим, шу безабон ҳайкални кўриб,  
 Фигонингиз ошди, яна тозарди алам.  
 Билганимда кўрсатмасдим уни сира ҳам.

### Леонт

Қўй, бекитма!

### Паулина

Унга узоқ боқиши мумкинмас.  
 Бўлмаса-чи, чалғитади сизни тасаввур,  
 Уни чиндан тирикдир, деб ўйлай бошлийсиз.

*(Пардани ёпмоқчи бўлади).*

### Леонт

Иўқ, қўятур! О, тангрилар, бу не мўъжиза!  
 Бу ҳайкални ким яратган? Қарангиз, ҳайҳот,  
 Нафас оляпти! Ахир, бу томирларда  
 Конлар оқмаяптимикин?

**Поликсен**

Ажойиб ижод!  
Лабларида ўйнагандек латиф бир кулгу.

**Леонт**

Кўзлар чақнаб боқар, санъат мўъжизаси бу!

**Паулина**

Иўқ, мен бекитаман! Иўқса, шоҳим, шубҳасиз  
Уни чиндан тирикдир, деб ўйлай бошлиғисиз.

**Леонт**

Агарда мен алдансам-чи, о Паулина,  
Нақ йигирма йилга қадар чўзилсан алдов!  
Бахтим каби бахту иқбол борми дунёда,  
Телбалигим ахир менинг бахтимга гаров!

**Паулина**

Ачинаман, шоҳим, сизни азобга қўйдим,  
Тўлқинланиш сизга зиён.

**Леонт**

Аҳ, сен қўя тур!  
Ширин азоб борми яна бундан зиёда!  
Аммо онт ичаманки, у нафас олмоқда,  
Майли, кулишингиз мумкин устимдан, бироқ —  
Мен ўпаман уни.

Паулина

Шоҳим, ҳай, бу нимаси!  
 Тўхтанг! Лабларида ҳали бўёқ қотмаган.  
 Упаман деб чиройини бузиб қўясиз.  
 Иўқ, яххиси, бекитаман мен уни.

Леонт

Тегма!  
 Йигирма йил шундоқ қараб туришим мумкин.

Хижрона

Мен ҳам йигирма йил шундоқ тураман лекин.

Паулина

Ёки кетинг бундан, ёки шайланинг тугал  
 Бундан ҳам зўр мўъжизани энди қўрмоққа.  
 Ҳа! Чиндан ҳам юрагингиз дов берса агар,  
 Мен ҳайкалга амр этаман ҳозир юрмоққа.  
 У ўриндан тушар, келиб қўлингиз тутар,  
 Фақат, шоҳим, қўрмагайсиз шаккокликни эп,  
 Буни жодугарлик, яъни сехру амал деб.

Леонт

Паулина, қўлингдан не келса, бажо қил!  
 Қўзғолишга буюравер — шундоқ қоламан,  
 Уни тилга киргиз — жон деб қулоқ соламан,  
 О, қўлингдан келади бу, адо айлагил!  
 Қўзғолсин у! Гапирсин у!

## Паулина

Шоҳим, розиман,  
Шартим шуки, мўъжизага ишонинг чиндан,  
Қимир этманг. Қимки буни жоду деб билса,  
Шу ондаёқ бў маконни тарк этсин ўша.

## Леонт

Ишонамиз, мўъжизангни қўрсат.

## Паулина

Музика!

Музика янграйди.

Үйғон, фурсат етди! Шунча тош бўлганинг бас!  
Қўзғол, порлоқ қуёшни қуч, қафасни тарк эт!  
Кел, севгию садоқатнинг оғушига ет!  
Кел, муштоқмиз! Тошдек қотиш мурдаларга хос,  
Тирикларнинг хосияти — ҳаракат, нафас.

Гермиона мармар шоҳсупадан тушади.

У қўзғолди. Қадам қўйди. Аммо чўчиманг.  
Менинг ишим эса қанча шайтанатга ёт.  
Унинг жисму жони шунча лиммо-лим ҳаёт.  
Уни маҳкам тутинг, ундан сира ажраманг.  
Ажрасангиз, ўлдиурсиз қайтадан, ҳайҳот.  
Подшоҳим, қани энди қўлингиз беринг,  
Шу қўлни деб сийнангизга аламлар сингди,  
Қўлингизни кутмоқдадир ёрингиз энди.

**Леонт**

(Гермионани құчади.)

О, иссиқ-ку! Агарда шу жоду бўлса ҳам  
Ишонарман унга тамом жону дил билан.

**Поликсен**

У қиролни ўпаяпти!

**Камилло**

Қучоқлаяпти!  
Тирик! Нега сўзламайди, сукут қиласди?

**Поликсен**

Қандай пинҳон юргани ва ўлим дастидан—  
Қандай омон қолганини айтса бўларди.

**Паулина**

Шу чоққача кимки уни тирик деб айтса,  
Алдоқчи деб атардингиз ўшани албат.  
Аммо кўряпсиз, тирик, жим тураг фақат!  
Лекин сабр қилинг!— Қани, шаҳбону пошша,  
Онангизнинг оёғига тиз чўка қолинг,  
Оқ фотиҳа сўранг, унинг дуосин олинг—  
Бекам, мана, қизингиз!

Хижронна Гермиона пойига тиз чўкади.

## Гермиона

О, худолар, бу дам  
 Тўкингиз шу дилбандимнинг бошига карам!  
 Болам, сени ким қутқарди, ким нажот берди?  
 Қайда ўсдинг? Қандай қилиб отангни топдинг?  
 Мен Паулинадан, болам, эшитиб билдим,  
 Аполлон айтмишди сени топар деб нажот,  
 Сени деб тирикман, ёлғиз сени деб ҳаёт.

## Паулина

Ҳаммасини айтиб берур мавруди билан!  
 Фақат ўтган аламларни хотирга олиб,  
 Мунаввар шу айёмни сиз қайғуга солманг.  
 Толеи ёр азизларим, саройга жўнанг.  
 Бахтингизга шерик бўлсин бутун халойиқ.  
 Мен бўлсан-чи, қуриған бир новдага қўнган  
 Етимча бир кабутардек жимжит қолурман,  
 Эргинамни йиглаб-йиглаб әсга олурман,  
 У��дунёда кўришарман энди у билан.

## Леонт

Йўқ, йўқ, Паулина, сен ҳам қайғуни бас қил!  
 Менга ёр танладинг, сенга ижозат этдим,  
 Сенга ёр танлайин, энди ижозат этгил.  
 Сен ёrimни қайдан топдикг, било билмадим,  
 Ахир мен ҳар куни унинг қабри бошида  
 Ибодатлар қилиб, ўксисб-ўксисб йигладим.  
 Аммо сенга эр топишим қийинмас унча,  
 У сенга мунтазир.— Қани, келгин, Қамилло,  
 Қўлингни чўз назокати, фазли, камоли,  
 Бирмас, икки шоҳга майзур бўлган санамга.  
 Сарой сари ёппасига юрингиз барча.  
 Гермиона! Сен оғамга қарайсанми?

Маъзур тутинг. Иккингиз ҳам мусаффодирсиз,  
 Мен тентакман. Мана, жоним, ёш куёвингиз,  
 У — шаҳзода, тангриларнинг иродаси-ла  
 Қизимизга туташгандир қисмати.— Юринг,—  
 Азиз Паулина, бизга ўзинг йўл бошла,  
 Токи бориб, дастурхонга давра тутайлик,  
 Токи кечмиш йиллар, кечмиш давронлар оша  
 Кўрган-кечирганни бир-бир эслаб ўтайлик,—  
 Дўстлар, базми зиёфатнинг пайтидир роса!

Кетишади.